

XENIUM THEOLOGICUM  
EXIMII PATRIS  
PRANCISCI FARVACQUES


Ord. Erem: S. Augustini S. Theologiæ Doctoris

RESPONSIO

AUTHORE

MAXIMILIANO LE DENT  
WINOCIBERGENSI,

Societatis JESU S. Theol. Professore  
LOVANIÆ.



MECHLINIÆ,

Typis GISBERTI LINTSII Sub Signo Typographiæ 1668.

Cum gratia & Privilegio Regis.

THE UNIVERSITY OF CHICAGO  
LIBRARY

THE UNIVERSITY OF CHICAGO

OL 1211 2 10 1961

RESPONSIO


A L T H O R I

MAXIMILIANO LE DENT

W H O O L E S A L E

SOCIETY OF JESU STYNOPOGRAPHIC

1 0 0 0 0 0 0 0



1 0 0 0 0 0 0 0

THE UNIVERSITY OF CHICAGO

1 0 0 0 0 0 0 0

## XENIUM THEOLOGICUM

## RESPONSIO.

## PRO ATTRITIONE

## CAPUT PRIMUM.

*Respondetur replicis & additamentis, quibus sua  
argumenta stabilire nititur Auctor Xenii.*

**P**rima ex Tridentino argumenta contra nostram sententiam deprompserat Exim. P. Farvacques, quorum aliqua nihil omnino concludere, adeo erat manifestum, ut apud intelligentes refutatione minimè egerent, & hæc ipsa nullitatis convici. Retumpsit nihilominus hic rursus omnia eo, quo prius, ordine stabilienda. Quid ad singula novi adferat, videamus.

## §. 1.

*Primum Argumentum.*

**A**d Pœnitentiam, quam agi oportet à baptizandis, requiritur, ut Deum tamquam omnis iustitie fontem diligere incipiant. Ergo illud ipsum requiritur in Sacramento Pœnitentiæ.

Addit: Hoc argumento nihil clarius esse testatur Vivaldus in Candel. Aureo num. 7. de Attriti:

1. Verùm cum Vivaldus eodem num: post relatam primo loco nostram sententiam, ac dein suam, subiungat: *Quæ harum opinionum sit vera, difficile est iudicare...* Sed (SVB CORRECTIONE S. ECCLESIE, iudicioque meliori) licet pro prima opinione TOT TAM GRAVESQVE SINT AVCTORES; secunda opinio mihi placeat. Fatetur ibidem se eo modo intelligere Tridentinum, quo nullus ante ipsum intellexit. Ex quibus iudicet lector, quàm certam Vivaldus esse duxerit suam sententiam ac argumentum. Verùm de hoc rursus infra cap. 5. §. 2.

Primum hoc argumentum fundatur in verbis Tridentini sess. 6. cap. 6. ubi post dispositiones ad iustificationem additur: *Deumque tamquam omnis iustitia fontem diligere incipiunt: ac propterea moventur adversus peccata per odium aliquod ac detestationem, hoc est per eam poenitentiam, quam ante baptismum agi oportet.*

Ad quæ Tridentini verba tres attuli variorum Auctorum explanationes, singulas in Xenio refutare conatur.

*Respondetur ad ea, quæ adfert contra 1. explanationem.*

**P**roposui primo loco, aliquos illud *diligere incipiunt* intelligere de amore concupiscentiæ: Ita intelligit Valquez, Sylvius suppl. q. 5. art. 1. ad arg. 6. in ultima editione, & præter hos alii. Addidi hanc explanationem non refutari efficaciter à P. Farvacques, eamque valde probabilem esse, præsertim si dicatur Synodus loqui de amore, abstrahendo ab amore amicitiae & concupiscentiæ.

2. Contra hæc opponit in Xenio; si hæc explicatio non est efficaciter refutata, cur nihil responsi dederim ad ea, quæ ex Suarez aliisque contra illam explanationem protulit in Quæst. Quodlib.

Mirum est Auctorem Xenii, cum in hujus præfatione non ita præbet, quod testimoniis ab Exim. P. Lupo objectis responderim; hic è contra conqueri, quod ad aliqua ex Quæst. Quodlib. nihil dederim responsi, fortè putavit hæc sua esse magis urgentia; ut autem appareat quanti ea sint momenti.

Resp. 1. Perperam hic adferri Patrem Suarez, nam illo loco, nempe 3. part. Disp. 4. sect. 8. explanationem dictorum verborum Tridentini de amore tam concupiscentiæ, quam amicitie admittit esse probabilem, licet censcat probabilius esse, quod Tridentinum illic agat de solo amore per se justificante. In quo igitur à nobis dissentit Suarez, qui eandem explanationem dicimus probabilem? aut quid ipse præsidii habet ex illo Auctore?

3. Resp. 2. ad reliqua testimonia: quod quædam ex illis tantum probent illic agi de amore amicitiae, siue interim simul agatur de amore concupiscentiæ, siue non. Hi rursus extra rem contra datam responsionem obijciuntur, in qua fatemur agi de amore amicitiae, licet non solo. In aliis vero testimoniis, ut D. Thomæ, Catechismi Romani, & Concilii Moguntini, solummodo enumerantur gradus seu actus diversi ad poenitentiae virtutem concurrentes, & ultimo loco tamquam præstantissimus poenitentiae actus recensetur charitas. Hinc numquam legitime inferet; ergo quando Tridentinum dicit *diligere incipiunt* &c. non rectè intelligitur

telligitur de amore sive concupiscentiæ, sive amicitia. Addo, cum D. Thomas & Catechismus Romanus, dum post ceteros actus enumerant charitatem, per hanc intelligant eam, quæ vi sua justificat, seu Contritionem prout opponitur Attritioni, ut ostendi in Responsi. ad Epistolam Famil. num. 121. & 230. Si velis Tridentinum illo cap. 6. loqui eodem sensu quo illi, sequetur, verba illa, *diligere incipiunt*, sumenda pro amore perfecto, seu Contritione prout Attritioni opponitur, quod nobis favebit.

4 Objicit præterea: Philosophicum illud commentum de abstractione ab amore amicitia & concupiscentia, est glossema merè excogitatum, ad declinandam vim argumenti, neque ullum habet in Tridentino fundamentum.

Resp. etiam ab Auctore Xenii admitti debere abstractionem in illis verbis Tridentini. Primò enim dicere nequit, quòd agatur de illo solo amore, qui reperitur in Contritione perfecta; hoc enim admissò planè corrumpit ipsius argumentum ex dicto cap. 6. petitum; ex eo enim quòd Synodus inter dispositiones ponat actum charitatis perfectum, & se solo justificantem, perperam inferes in actu, qui cum Sacramento sufficit, requiri amorem amicitia, nisi fatearis cum Sacramento requiri Contritionem perfectam.

5. Neque etiam dicere potest, quòd *diligere* intelligatur de solo amore imperfecto, quem in Attritione requirit: nam, ut fatetur Auctor Xenii, niens Concilii hoc loco fuit proscribere dogma hæreticorum dicentium, quòd homo Deum diligere nequeat, nisi priùs per fidem facta sit reconciliatio; sive quòd dilectio non sit dispositio ad justificationem, neque hanc per dilectionem mereamur. Hæretici autem æquè id negabant de amore, seu Contritione perfecta, imò de hac præcipuè. Si ergo per hæc verba *diligere incipiunt*, voluerit Synodus hunc hæreticorum errorem damnare, debuit per *diligere* æquè vel potius intelligere eam dilectionem, quæ reperitur in Contritione perfecta, quàm aliam minus perfectam. Deinde juxta P. Farvacques illud *diligere incipiunt* intelligendum est de eadem dilectione, de qua sermo est in Canone 3. dum definitur non posse hominem credere, sperare, *diligere* sine Spiritus S. inspiratione. Qua autem veri specie dicetur, quòd illic tantùm definitur Synodus, solam imperfectam charitatem non posse elici sine divina inspiratione, nihil autem tradat de charitate perfecta. Denique cum Synodus hac sessione cap. 4. & 14. agens de Justificatione ponat hanc disjunctivam, cum Sacramento vel ejus voto, & cap. 6. tradat dispositiones ad justificationem, quis credat omittere illam, quæ in lege veteri semper erat necessaria, & in lege nova frequenter, nempe Contritionem

perfectam, quæ perfectissima est dispositio.

Cum igitur illud *diligere incipiunt* intelligi non possit in principiis hujus Auctoris de sola dilectione seu Contritione perfecta, neque etiam de sola imperfecta dilectione, restat ut fateatur, Concilium agere tam de dispositione, quæ requirit consortium Sacramenti, quam quæ sine hoc justificat. Quo posito tam ipse, quam nos admittimus abstractionem in verbis Concilii, adeoque non est, quod illam tamquam commentum rejiciat.

6. Queritur ibidem Auctor Xenii, quod, cum sub disjunctione dixerit, *vel Tridentinum de mente Lutheri sollicitum non fuisse, vel mentium fuisse Lutherum*; ego perinde cum illo egerim, ac si solam primam partem disjunctivæ proposuisset.

Iusta esset hæc querela, nisi ego alterum membrum hujus disjunctivæ refutarem, hoc autem cum alibi egerim, nec possit disjunctiva everti, nisi singula seorsim membra impugnemur, facile quis intelligit, non habuisse illum, quod justè quereretur. Quæ adfert pag. 9. ut ostendat Tridentinum non fuisse sollicitum de mente Lutheri, refutabuntur cap. 5. §. 3.

7 Denique eodem §. adfert plura testimonia Augustini, ut ostendat, quod juxta Augustinum, amare Deum amore amicitie, sit illum amare ut fontem omnium justitiarum. Verum testimonia, quæ profert, id non dicunt saltem clarè: & licet id in terminis traderent, nondum haberetur, quod amore concupiscentiæ non possit Deus diligi ut fons justitiarum; nam prædicata, quæ dicunt respectum ad aliquem effectum nobis bonum, ut sunt prædicata liberalis, benefactoris, fontis bonorum &c. licet possint terminare amorem amicitie, possunt tamen etiam, & sæpe solent terminare amorem concupiscentiæ. Et hoc ipsum asserere videtur Augustinus in verbis ab ipso productis ex Epist. 52. ubi reprehendit gentiles, quod vitam beatam *non ab illo fonte virtutum* (sive *fonte justitiæ* ut ait P. Farvacques) *petere atque sperare*. Nam petere & sperare vitam beatam à fonte virtutum seu justitiæ, nihil est aliud, quam fontem justitiæ amare amore concupiscentiæ.

### *Quid opponat contra 2. explicationem.*

**A**lteram ad verba Tridentini responsionem dederam, quod nempe post enumerata illic varia motiva timoris, spei, amoris, ex quorum singulis concipi potest detestatio peccatorum efficax, subjungat Synodus: *Ac propterea moventur adversus peccata, per odium aliquod*: hæc autem verba rectè sic intelligi possint, ex dictorum motivorum aliquo; addit enim *per odium aliquod*, ubi vox *aliquod* importat diversa odia, nempe ex hoc vel

vel illo motivo, timoris quidem aut spei in justificatione Sacramentali, amoris verò in extrasacramentali.

8. Quæ huic explicationi opponit, nullius plane momenti sunt, nec habent difficultatem.

Opponit 1. si particula *propterea* referenda sit ad omnia præcedentia, etiam referri debet ad fidem.

Resp. inane hoc esse argumentum: cum enim, ut ipsemet ait in Quæst. Quodlib. pag. 12. *non propterea detestemur peccata quia vera sunt, quæ divinitus revelata sunt, sed ob alia motiva*, quomodo ex eo, quod dixerim referri ad varia motiva, ex quorum singulis concipi potest detestatio peccatorum efficax, quomodo, inquam, hinc sequitur; ergo etiam referri debet ad fidem? cum propter hanc adversus peccata non moveamur.

Instat, etiam per timorem & spem non movetur homo adversus peccatum.

Resp. hoc assumptum manifestè refutatum est tract: de Attrit. num. 243. de quo rursus infra ad argument. 7. num. 54.

9. Opponit 2. Nemo, inquit, quod sciam, hactenus Tridentinum interpretatur est sub disjunctione locutum.

Resp. Mirum est, quòd hanc explicationem non viderit, cum eam tradat Suarez proximè post illa, quæ contra nos ex ipso producit P. Farvacques, nempe tom. 1. in 3. partem disp. 4. sect. 8. pag. 91. ubi ad hæc verba Tridentini ita loquitur: *Concilium ibi non agit de sola justificatione per Sacramentum re susceptum, sed vel in re vel in voto, ut cap. 4. ejusdem sess. idem Concilium aperte declarat, & ideo indefinite dixit ALIQUOD ODIVM ET DETESTATIONEM, quia non semper idem modus odii & detestationis in omni modo justificationis requiritur.* Eodem modo interpretatur Cardin. Lugo de Pœnit. disp. 8. sect. 4. num. 100. Arriaga disp. 50. de justificat. num. 17. (citatis Vega & Bellarmino) aliique. Huc etiam adferri potest Navarrus, qui in Enchir. impresso anno 1575. ita loquitur num. 39. *Quamvis Concilium Trident. sess. 6. cap. 6. dicat sufficere ALIQUOD ODIVM ET DETESTATIONEM, addis tamen esse necessarium, ut talis sit penitentia, qualis ante Baptismum exigitur, NON AVTEM EXPLICAT, QUÆNAM ILLA SIT.*

10. Tertio denique sic opponit: Tridentinum resistit huic interpretationi, nam utitur particulâ copulativâ *illumque*. Quod si daremus locum opposito glossemati, debuisset Tridentinum uti particulâ disjunctivâ, dicendo *vel illum &c.*

Resp. negando ass. nam supposito quòd synodus certò voluisset illed *propterea per odium aliquod* intelligere disjunctivè, inò disjunctivam quam



tuemur, expressis verbis declarasset, non poterat tamen Synodus congruè dicere *VEL illum diligere &c.* Ostendo id ex ipso P. Farvacques, qui asserit voluisse Concilium hoc loco damnare doctrinam hæreticorum docentium, amorem Dei non posse præcedere justificationem, seu ad hanc non posse disponere. Si autem dixisset Synodus, disponuntur ad justificationem *timore vel amore*, non obtinisset intentum, cum per hoc nondum haberetur dilectionem Dei posse esse, seu de facto esse dispositionem; nam ad veritatem illius disjunctiæ sufficit, si timor & non amor disponat: ergo in ordine ad finem suum debuit Synodus dicere *illumque*, cum teste P. Farvacques vellet definire determinatè de amore, quòd possit esse, & sit dispositio. Ergo ex illo quòd Synodus copulativè dicat, *illumque diligere &c.* nullo modo sequitur, quòd verba subsequentiæ *at propterea &c.* non rectè explicentur de diversis odiis disjunctivè, præsertim cum addat propterea moveri adversus peccata *per odium aliquod*, ubi per vocem *aliquid* indicantur diversa odia, quam vocem nulli alteri ex enumeratis actibus adjecit.

11. Adde, si ex eo, quòd Synodus de timore, spe, & amore loquatur copulativè, aliquid rectè deduceretur, inferri deberet, quòd illud *propterea* etiam importet hunc sensum copulativum, & *propterea*, id est, ex timoris, & spei, & dilectionis motivo moventur adversus peccata; imò quòd ex omnibus illis motivis moveri oporteat sufficienter pœnitentem: quod nemo admisit; sufficit enim odisse peccata ex solo motivo dilectionis, licet de gehenna ne cogitetur quidem.

### *Replicæ contra 3. explicationem.*

**T**ertiam explicationem proposueram num. 182. tamquam probabilem, nempe quòd sess. 6. cap. 6. agatur de sola justificatione extrasacramentali. Hanc ut probabiliorem amplectitur Suarez loco citato, Ysambertus, alique. Hanc expositionem Auctor Xenii pag. 11. pronuntiat jam pridem adamantinis pectus præclusam. Videamus quam firma sint, quæ contra opponit.

12. Obijcit 1. agitur hoc loco de pœnitentia, quam agi oportet ante Baptismum; ergo non agitur de justificatione, quæ obtinetur sine actuali Sacramento.

Resp. negando consequ. nam pœnitentia quæ agitur ante Baptismum, vel consideratur prout accedit Baptismus actualis, vel pro casu quo hic suscipi non potest. Si cum actuali Sacramento, quandoquidem tunc sufficiat sive Attritio sive Contritio, adeoque nec Contritio nec Attritio determinatè requiratur, sed una ex illis vagè & indeterminatè, non magis



magis dici potest hoc casu *oportere* habere Attritionem, quàm Contritionem, adeoque pœnitentia, quam ante Baptismum, seu à nondum baptizato agi *oportet*, non magis est hæc quàm illa, sed alterutra indeterminate. Quando vero Sacramentum suscipi non potest, determinatè necessaria est Contritio, neque sufficit Attritio. Cum ergo in nulla justificatione non baptizati determinatè necessaria sit Attritio, in aliqua verò, Contritio sit determinatè necessaria; quomodo ex his verbis, id est per eam pœnitentiam, quam ante Baptismum agi *oportet*, colligere quis possit, non agi in illis de Contritione, sed de sola Attritione? Præsertim cum hic agat Tridentinum de ea Pœnitentia, quam tamquam dispositionem justificatio ipsa consequitur. Porro ratio, cur ibi addat Tridentinum, *quam ante baptismum agi oportet*, hæc fuisse videtur; quia soli Pœnitentiæ ante baptismum competit includere votum Baptismi, cujus in verbis sequentibus meminit: *dum proponunt suscipere Baptismum*. In Pœnitentia autem utraque, quæ ante Baptismum agitur, id est tam in Contritione, quam in Attritione votum Baptismi includi debet, secus in Pœnitentia jam baptizati.

13. Objicit 2. Synodus eodem capite adfert illud Act. 2. *Pœnitentiam agite, & baptizetur unusquisque vestrum*; ergo agit de justificatione, quæ obtinetur cum actuali Baptismo.

Resp. neg. consequ. nam S. Petrus hortatur ad Pœnitentiam tam perfectam seu Contritionem, quàm ad Attritionem, & unâ ad Baptismum, quem utrâvis pœnitentiâ positâ obligabantur suscipere. Unde quamvis ex revelatione didicisset, omnes quos alloquebatur elicituos Contritionem perfectam, adeoque & justificandos ante actualem Baptismum, adhuc addere debuisset; & *baptizetur unusquisque vestrum*: cum positâ etiam Contritione perfectâ maneat obligatio ad Baptismum. Ergo ex verbis D. Petri nullo modo colligitur, quòd agat potius de actu, qui non justificat, nisi accedat Sacramentum, quam de Contritione perfectâ.

14. Objicit 3. Synodus sess. 6. cap. 7. asserit Baptismum esse *causam instrumentalem justificationis*, ergo agit de justificatione cum Baptismo. Ubi ponderat, quòd Synodus dicat esse causam instrumentalem *injustificationis*, additque non intelligere se datam à me responsionem.

Resp. clarum esse contextum Tridentini: cum enim cap. 6. enumerasset dispositiones ad justificationem (inter quas non statuit Baptismum actu susceptum) sic orditur cap. 7. *Hanc dispositionem seu preparationem justificatio ipsa consequitur*. Quæ verba sunt quasi conclusio dictorum cap. 6. & transitio ad ea, quæ tractanda sunt cap. 7. ubi definitur, Quid sit justificatio impii, & quæ ejus causæ; ut fert titulus, atque adeo tradit definitionem

definitionem justificationis generaliter, cum ea, sive per Attritionem cum Sacramento, sive per Contritionem conferatur, ex hoc non fit diversa. Justificationem autem definit esse *non solum peccatorum remissionem, sed & sanctificationem & renovationem interioris hominis per susceptionem gratiæ & donorum*. Tum pergit hujus (nempe de qua in verbis immediate præcedentibus actum est, quæ sit renovatio hominis per susceptionem gratiæ & donorum) causas recensere, & pro causa instrumentali assignat Baptismum; ad quod sufficit, quod sæpe instrumentaliter operetur, licet quandoque satis sit illum haberi in voto. Ita Suarez loco sæpe citato, aliique. Imo Exim. P. Lupus censet justificationem, quæ per Contritionem perfectam obtinetur, etiam causari à Baptismo, sive hominem in casu justificari per Sacramentum, quod nondum est. Ita docet in Dissert. Dogmat. pag. 38.

15. Instat. Nihil ad rem facit quod cap. 6. & initio sequentis non fiat mentio Baptismi actu suscepti; nam ibidem etiam non fit mentio causæ finalis, meritoriz, formalis; sine his tamen non fit justificatio.

Resp. hoc responsum multò minus ad rem tacere. Nam in primis causa formalis non poterat aptè, saltem ex professo, tradi cap. 6. in quo agitur de præparatione & dispositionibus ad illam (nisi fortè velis eam esse dispositionem ad seipsam) cap. verò 7. statim initio traditur causa formalis, & reliquo capite magis declaratur. Causæ item meritoriz fit mentio cap. 6. dicitur enim à Deo *justificari impium PER REDEMPTIONEM, QUÆ EST IN CHRISTO IESU*. Item *Deum PROPTER CHRISTUM propitium fore*. Indicatur etiam causa efficiens in prædictis verbis: quomodo ergo dixit harum hoc capite non fieri mentionem? Denique cum Synodus cap. 6. ex professo agat de præparatione ad justificationem requisita ex parte peccatoris, seu id ad quod ex parte sua conari debet, causa autem meritoria, formalis, & finalis, non sit præparatio aut dispositio, quam peccator ex se adferat, nullo modo debuit dicto capite fieri harum causarum mentio.

16. Objicit. 4. sess. 6. cap. 14. Tridentinum agens de justificatione post Baptismum loquitur de ea, quæ fit per Sacramentum Pœnitentiæ, ergo cap. 6. agit de justificatione per Baptismum.

Resp. cap. 14. agi illic de Sacramentali; ut patet ex verbis initio capituli; & simul etiam agi de extrasacramentali justificatione, hoc enim indicatur dum dicitur requiri *Sacramentalem Confessionem saltem in voto*. At capite 6. cum nulla facta mentione Baptismi actu suscepti, sed solius propositi seu voti, subjungat ad hanc dispositionem consequi justificationem, nihil est, quod convincat agi de justificatione Sacramentali.

Instat

Instat 1. ergo Synodus nullibi egerit de dispositionibus ad justificationem cum Baptismo requisitis.

Resp. has sufficienter colligi præsertim ex iis, quæ traduntur sess. 14. de dispositionibus ad Sacramentum Pœnitentiæ. Adde multò magis mirum fore, si illa sess. 6. non egisset de dispositionibus ad justificationem extrasacramentalem.

17. Instat 2. Constat ex præmio sess. 6. in ea agi de justificatione, quam impugnabant hæretici: atqui cum hæreticis non fuit controversia de sola justificatione extrasacramentali, ergo nec de hac sola agit cap. 6. & 7.

Resp. 1. non omnes hæreticorum errores hoc loco damnari debere: asserere hæretici dilectionem Dei non posse præcedere justificationem, nec ad hanc disponere; Tridentinum cap. 6. definit esse dispositionem, quam consequatur ipsa justificatio. Asserere hominem justificari per imputationem justitiæ & meritum Christi; definit Synodus cap. 7. justificari nos per formam nobis inhærentem. Errores verò illorum circa partes pœnitentiæ, aliosque damnat sess. 14.

Resp. 2. sub majore hujus argumenti sic potius subsumi debuisset: Atqui Confessionistæ agebant de sola justificatione sine Sacramento, volebant enim hominem justificari non propter suam dilectionem aut Contritionem, sed per solam fidem sine ullo respectu ad Sacramentum, cui omnem virtutem operis operati denegabant. Hanc fuisse eorum sententiam circa justificationem relapsi post Baptismum ostendam infra cap. 2. Neque aliter docebant de justificatione nondum baptizati, nam & Baptismo virtutem detrahebant, volebantque illum eo tantum servare, ut concipiatur & roboretur fides, quæ sola justificat. Manifestum id est, ex articulo 13. Confessionis Augustinæ; ex Melancthone in Apologia Confessionis Tit: *de numero & usu Sacramentorum* &c. Hinc patet Auctorem Xenii, ex præmio sess. 6. potius inferre debuisset oppositum ejus, quod infert.

18. Instat 3. Synodus in præmio sess. 6. præfatur, quòd intendat tradere doctrinam justificationis, quam Christus docuit, Apostoli tradiderunt, & Catholica Ecclesia perpetuò retinuit. Atqui talis doctrina non est de sola justificatione extrasacramentali, ergo &c.

Resp. hac sessione tradi doctrinam de justificatione, quam Christus docuit, & Apostoli tradiderunt &c. dum nempe definit justificationem esse innovationem hominis per aliquid inhærens, fiduciam illam hæreticorum vanam esse, & ab omni pietate remotam, dilectionem Dei disponere ad justificationem &c. quibus convellit *erroneam quamdam de*

*justificatione doctrinam*, contra quam se velle agere profitetur Synodus in eodem proœmio. Neque dicit Concilium, se hac sess. traditurum omnem doctrinam, quam Christus docuit circa ea quæ aliquo modo ad justificationem faciunt: Unde in aliis sessionibus multa tradit ad justificationem præsertim Sacramentalem spectantia quæ tradita non sunt in sess. 6.

Atque hæc circa tertiam explicationem illorum verborum Tridentini hætenus adduxi, ut ostenderem sententiam Suarez, Ysamberti &c. commode posse sustineri, neque hætenus ullis *passulis adamantinis* præclusam, ut dicebat Auctor Xenii.

19. Cæterum intento meo abunde sufficit, quod sess. 6. cap. 6. agatur de justificatione extrasacramentali, sive interim simul de Sacramentali agatur, sive non: & hanc explicationem tradunt passim Theologi; Suarez supra, Malderus 1. 2. q. 113. ad art. 3. Joannes Puteanus ex Ord. S. August. 1. 2. quæst. 113. ad art. 2. dub. 2. Tannerus in 3. p. disp. 1. q. 2. dub. 9. Arriaga de Justif. disp. 50. num. 16. Lugo supra, Curiel, alique. Qui verò negant dicto cap. 6. sermonem esse de justificatione extrasacramentali, ut Vasquez & quidam alii, explicant verba Tridentini de solo amore concupiscentiæ, Adeoque omnes sibi contrarios habet P. Farvacques, neque hætenus pro sua illa expositione verborum Tridentini, ullum Auctorem adduxit præter solum Vivaldum de quo aliqua diximus supra & rursus dicemus cap. 5.

## S. 2

### Replica pro 2. & 3. Argumento.

**S**ecundum Argumentum hujus Authoris hoc erat: *Fides, nisi ad eam spes accedat & charitas, neque uniet perfectè cum Christo, neque corporis ejus vivum membrum efficiet. Qua ratione verissimè dicitur, fidem sine operibus mutuum & otiosam esse, & in Christo JESU neque circumcisionem aliquid valere, neque præputium, sed fidem, quæ per charitatem operatur.* Trident. sess. 6. cap. 7. Ex quo inferit, ergo Attritio destituta motu charitatis, neque uniet perfectè cum Christo, neque corporis ejus vivum membrum efficiet.

Tertium verò argumentum: *Fides sine spe & charitate vitam æternam præstare non potest.* Trident. ibidem: ergo nec Attritio servilis.

20. Respondi, illa verba Tridentini non de actibus, sed de habitibus intelligi. Negat id P. Farvacques in Xenio; fatetur quidem initio & sine capitis septimi sermonem esse de habitibus, vult tamen intermedia intelligenda esse de actibus, quod dicit se evidenter ostendere.

Ut tota ipsius replica enervetur, alio opus non est, quàm ipsis verbis

bis Tridentini, & communi illorum apud omnes intellectu.

21. Dicti capitis 7. hic est titulus: *Quid sit justificatio, & quæ ejus causæ?* tum initio justificationem hac ratione describit: *quæ non est sola peccatorum remissio, sed & ænificatio & renovatio interioris hominis per voluntariam susceptionem gratiæ & donorum.* Unde homo ex injusto fit justus, & ex inimico amicus, ut sit hæres secundum spem vitæ æternæ: enumeratis deinde reliquis justificationis causis, subnectit: *Demum unica formalis causa est justitia Dei, non quæ ipse justus est, sed quæ nos justos facit, quæ videlicet ab eo donati, renovamur spiritu mentis nostræ, & non modo reputamur, sed verè justis nominamur & sumus, justitiam in nobis recipientes unusquisque suam secundum mensuram, quam Spiritus S. partiuntur singulis prout vult & secundum propriam cujusque dispositionem & cooperationem.*

22. Hactenus agi de habitibus ex ipsis verbis evidens est, neque, id negat Auctor Xenii, sed contendit in verbis proximè sequentibus agi de actibus. Ita prosequitur Tridentinum: *Quamquam enim nemo possit esse justus, nisi cui merita passionis Christi communicantur: id tamen in hac impii justificatione fit dum ejusdem passionis merito per Spiritum S. Charitas Dei diffunditur in cordibus eorum, qui iustificantur, atque IPSIS INHÆRET, unde in ipsa JUSTIFICATIONE cum remissione peccatorum hæc omnia SIMVL INEVSACCIPIT homo per Christum, cui inseritur, Fidem, Spem & Charitatem.*

Hæc verba intelligenda esse de habitibus, non video quomodo negari possit, aut quid opus sit probare: lubet tamen aliqua adferre.

23. Primò, hæc verba connectuntur cum præcedentibus per causalem enim, nulla autem erit connectio, si hæc verba intelligantur de actibus: cum enim in prioribus actum sit de habitu, sensus esset: iustificamur per aliquid habituale, quia non impetramus justificationem nisi per actus Fidei, Spei, & Charitatis: vel: iustificamur secundum cujusque dispositionem, quia præcedit actus charitatis tamquam dispositio: quæ utraque ratio frivola esset, cum justitia non minus sit aliquid habituale, cum quacumque demum dispositione impetretur, imò licet sine dispositione, ut in infantibus. Neque etiam potior sit ratio dicendi justitiam conferri pro proportionem dispositionis, quando præparatio ad illam est actus charitatis, quàm si præparatio sufficiens sit aut esset alius actus, qui charitatis non sit.

24. Clarissimus autem est totus Tridentini contextus si intelligatur de habitibus. Asserebant hæretici, impium justificari per hoc, quod merita Christi, ejusque justitia nobis impurentur, ac per fidem velut arrepta, nostra fiant, & sic nobis, sed extrinsecè communicentur. Contra quem errorem ita statuit Tridentinum, quod formalis nostra justitia,

tion sit ea, qua Deus justus est; sed qua nos justos facit, qua donati, eamque in nobis recipientes, non tantum reputamur ( prout volebant heretici ) sed verè sumus justì per justitiam in nobis receptam. Nam licet verum sit, neminem justificari, nisi cui merita Christi communicantur; id tamen fit in hac justificatione, non per communicationem meritorum Christi imputativam, sed per habitus seu dona, quæ merito passionis Christi diffunduntur in cordibus nostris, atque inhaerent.

25. Secundò, dum dicit Synodus, *in ipsa justificatione CVM REMISSIO- NE PECCATORVM hac omnia simul insinua accepit homo....Fidem, Spem & Charitatem*; eodem modo loquitur, quo initio capitis dixerat, *justificationem non esse solam remissionem peccatorum, sed renovationem interioris hominis per suspensionem gratia & donorum*: nisi quodd hæc dona illic distinctè exprimat; initio autem capitis agi de habitibus fatetur adversarius.

26. Tertiò, dum dicit Charitatem diffundi atque *ipsis inhaerere* stabile ac habituale donum manifestè significat, contra hereticorum justitiam extrinsecè tantum imputatam.

Quartò denique Auctores unanimiter ex hoc loco probant, justitiam esse donum aliquod creatum intrinsecum & permanens, in id pluri-  
rimi ob ea quæ dicuntur hoc capite id censent esse de fide, nec ulla verba id clariùs indicant, quàm hæc quæ Auctor Xenii in alium sensum violentè conatur detorquere. Qui unanimis hujus loci intellectus se solo sufficit, ut ex illo aliter intellecto deductum argumentum nullius omnino sit momenti, nec alià egeat refutatione, quàm oppositione communis consensus.

27. His stabilitis facile est colligere, quo sensu sumatur charitas in verbis sequentibus, quæ rursus præcedentibus connectuntur per causalem nam. Sic pergit Synodus: *NAM fides, nisi ad eam spes accedas & charitas, neque nris perfectè cum Christo, neque corporis ejus virtum membrum efficit.* Nempe habitus fidei solus non unit cum Christo, sive non facit amicos Dei, justos &c. Nec vivum ejus corporis membrum efficit; id est, non facit nos viventes vitâ supernaturali, quæ vita habetur per gratiam sanctificantem ( unde hæc vocatur vita animæ ) neque constituit nos participes naturæ divinæ, adeoque nec potentes elicere actus secundos supernaturales, qui meritorii sint & condigni vitâ æternâ. Quod si autem in his verbis ageretur de charitate actuali, esset sensus planè impertinens; nempe hic; dum homo justificatur, infunduntur ipsi jam dicti habitus, quia ante justificationem debet elicere actus Fidei, Spei, & Charitatis.

28. Pergit ibidem Synodus: *Qua ratione verissimè dicitur Fidem sine operibus*

MOYNA 1772



*mortuam & otiosam esse*: Quod sic intellige: cum habitus Fidei solus (nisi accedat habitus charitatis, qui est vel ipsa gratia sanctificans, vel cum hac inseparabiliter connexus) non faciat vivum membrum, seu vivens vita supernaturali gratiæ, sine qua elici non possunt opera viva (nam bona opera in mortali facta mortua sunt) rectissime hoc sensu dicitur, si dem habituales mortuam esse sine operibus, quia nempe opera, quæ cum sola fide habituali elici possunt, & eliciuntur, mortua sunt & infructuosa ad vitam æternam. Neque enim umquam mihi aut aliis persuaserit Auctor Xenii, quòd dum Synodus adfert hæc Scripturæ verba, *fides sine operibus mortua & otiosa est*, ea intellexerit, prout ipse explicat, nempe quòd fides sive actualis sive habitualis mortua sit quotiescumque non adest simul charitas actualis; sequeretur enim dicendum esse, quòd justus habeat fidem mortuam omni illo tempore, quo non elicit actum dilectionis Dei propter se, idque etiamsi aliarum virtutum actus exerceat tam præceptos, quàm alios.

In sensu jam tradito intelligendum est, quod dicit Synodus, verum esse, solam illam fidem valere, quæ per charitatem operatur.

29. Denique dum addit Tridentinum: *Vitam æternam sine Spe & Charitate Fides præstare non potest*; loquitur eodem sensu, quo ante dixerat: *Fides nisi ad eam Spem accedat & Charitas, neque unius perfectè cum Christo* &c. in his autem verbis agi de Charitate habituali ostensum est supra num. 27.

Quia autem per transgressionem mandatorum habitus Charitatis adeo necessarius amittitur, monet Synodus verbis Christi: *Si vis ad vitam ingredi, serva mandata.* &c. concludit, quòd justificati per illa verba jubeantur conservare justitiam acceptam, tamquam stolam candidam & immaculatam, ut eam perferant ante tribunal Christi, & accipiant vitam æternam.

Ex dictis hætenus manifestum sit, quàm meritò unanimis Doctorum consensus ea, quæ cap. 7. traduntur à Synodo, intellexerit de Charitate habituali; id enim evidenter exigit totus illius capituli contextus, quidquid dicat P. Farvacques, nullum pro sua interpretatione producens Auctorem. Rationes, quas adfert, pleræque manent solutæ ex jam dictis.

30. Objicit præterea 1. Sicut in ordine ad vitam spiritualem in actu primo est necessaria connexio & dependentia inter habitum fidei, & habitus spei & charitatis; sic quoque est conjunctio & dependentia necessaria inter fidem actualem & alias operationes, tum ad tuendam vitam animæ jam obtentam, tum ad amissam recuperandam, Ergo sicuti in ordine ad vitam supernaturalem habitui fidei necessario accedere de-



bet habitus spei, & charitatis, ita quoque, ad vitam animæ recuperandam, auctui Fidei necessariò debet accedere actus Spei & Charitatis.

Resp. consequentiam esse manifestè nullam. Quomodo enim ex eo, quòd ad gratiam recuperandam sit necessaria connexio inter actum Fidei, & alias operationes seu actus, quos Christus ad illum effectum requisivit, quicumque demum sint illi actus, quomodo, inquam, hinc inferri poterit, ergo ad justificationem obtinendam requiritur Charitas? Certe omnes nostræ sententiæ Auctores omnino asserunt ad justificationem in Sacramento non sufficere Fidem, sed illi necessariò accedere debere alios actus seu operationes, & tamen absolūtè negant requiri Charitatem.

31. Objicit 2. vox græca respondens voci latinæ *Charitas* ad Galat. 5. denotat affectum dilectionis.

Resp. sicut apud Latinos vox *Charitas* usurpatur modo pro virtute, seu habitu, modo pro actu, sic & apud Græcos vox illi correspondens.

Instat: ad aliud Apostoli testimonium vocem græcam respondentem latinæ *Charitas* intelligit Tannerus de charitate actuali: nam disp. 2. de Spe quæst. 2. num. 95. ait: *Apostolus loquitur de charitate considerata quoad actum secundum, ut SANCTI QUIQUE intellexerunt.*

Resp. hanc citationem duplici vitio laborare: nam 1. Tannerus habet, ETIAM de charitate quoad actum secundum: quia nempe eundem Apostoli locum conclusionem proximè præcedenti de charitate habituali intelligit, & ex testimonio sic intellecto forinat argumentum. 2. Tannerus non dicit, *Sancti quique*, quæ tamen verba peculiariter ponderat P. Farvacques, sed dicit *Sancti quoque*. Ac proinde nihil aliud dicit, quàm quod in illa verba: *Charitatem autem non habuero*, scribit Fromondus; *habitalem vel saltem actualem, indifferenter enim Patres, & præsertim Augustinus accipiunt.*

32. Adfert 3. quòd Synodus dicat necessariam esse mandatorum observationem in ordine ad conservandam iustitiam.

Resp. hinc inferri non posse, in præcedentibus agi de charitate actuali, sed potius contra, quòd actum fuerit de habituali, seu de iustitia, ad quam conservandam hic assignat medium necessarium observationem mandatorum. Similiter ex eo quòd Tridentinum hic obiter addat gratiam actualem conferri pro ratione majoris minorisve dispositionis (de quo cap. 6. nihil dixerat) non sequitur in sequentibus agi de actibus, qui sunt dispositio ad justificationem, cum de his egisset capite proximè præcedenti.

33. Denique opponit factum S. Francisci Xaverii, qui scribit se post

post traditum & decantatum cum Catechumenis primum præceptum de diligendo Deo, addere cum iisdem orationem ad Christum, & ejus matrem, ut sibi daretur vel impetraretur sedula illius præcepti observatio. Additque S. Xaverius, se sic institutos rite baptizare. Hinc concludit Auctor Xenii, S. Xaverium à baptizandis Dei dilectionem solitum fuisse requirere.

34. Resp. illud hujus Sancti factum non magis ad rem facere, quam faciebant verba, que ex S. Ignatio attulit in Quæst. Quodlib. Nam instrui quempiam de primo præcepto, eumque à Deo petere, ut bene observet præceptum de amando Deo ( nempe eo tempore quando præceptum urgebit ) non est de facto amare Deum, nec qui instruit Catechumenum, ut id petat, facto suo indicat dilectionem Dei Baptismo præmitti debere. Aliàs enim, cum post præceptum secundum decalogi de sanctificando Sabbatho explicatum & decantatum, dicat S. Xaverius, à se suisque solitam subjici ~~solam~~ orationem, qua petebant, ut hoc quoque præceptum rite servarent, sequeretur S. Xaverium à Catechumenis exegisse, ut observationem Sabbathi tamquam necessariam Baptismo præmitterent. An si idem Sanctus ( quod poterat ) post explicata præcepta Ecclesiæ de Confessione & Communionem, curasset eos à Deo petere horum præceptorum sedulam observationem, an, inquam, hinc sequeretur, eum voluisse Confessionem & Communionem Baptismo necessariò præmittendam? Adde, licet ipse instruxisset illos, non tantùm petere observationem præcepti de amando Deo, sed etiam de facto amorem Dei Baptismo præmittere, hinc non sequeretur eum judicasse, quòd is actus necessariò Baptismo sit præmittendus: quis enim ad actum tantò nobiliorem non hortetur, quamvis neget esse necessarium?

### S. 3.

#### *Responsio ad additamenta pro 4. Argumento.*

**S**umma quarti argumenti hæc est: Ad justificationem requiritur pœnitentia; atqui hæc numquam est sine actu charitatis: ergo &c. Prob. minor quia Tridentinum sess. 14. cap. 3. asserit effectum Sacramenti Pœnitentiæ esse reconciliationem cum Deo, & Can. 1. definit hoc Sacramentum esse institutum fidelibus ipsi Deo reconciliandis. Atqui reconciliatio requirit amorem amicitia in eo, qui reconciliatur, ergo &c.

35. Tota vis hujus argumenti, si qua est, sita est in eo, quid importetur per eam vocem *reconciliatio*: hanc necessariò importare amorem amicitia

amicitiæ erga eum, cui quis reconciliatur, probaverat in Quest. Quodlib. ex ipsis naturæ & amicitiæ legibus: cujus probationis cum mentionem nullam faciat in Xenio, videtur quoad hoc acquiescere solutioni à me datæ.

Concedit præterea pag. 18. Xenii, infantes, dum baptizantur, Deo reconciliari; posse etiam Deum sibi reconciliare adultum sine ullo hujus actu. His autem admissis non video, quid superesse possit controversiæ in ejus argumento. Si enim infans dum per Baptismum justificatur; si adultus, qui viâ extraordinariâ justificaretur sine ullo suo actu: si, inquam, hi verè Deo reconciliantur; evidenter sequitur, quòd, si peccator cum nostra Attritione in Sacramento justificetur, dicendus etiam sit Deo, reconciliari. Ergo ex eo quod in Sacramento dicatur fieri reconciliatio cum Deo, perperam infertur ex voce *reconciliatio*, quòd, qui per Sacramentum justificatur, necessariò præmittere debeat dilectionem Dei. Unde non intelligo, quomodo P. Farvacques hic dicat, meum responsum fuisse alienum à proposito.

36. At, inquit, argumentum agit de reconciliatione affectuum.

Resp. 1. ergo jam malè opponitur hoc argumentum tamquam peritum ex Tridentino, hoc enim ne verbum quidem facit de reconciliatione affectuum, sed simpliciter de reconciliatione, adeoque hoc argumentum non potest fundari in dictis à Synodo.

37. Resp. 2. evidentissimum esse quod Synodus per vocem *reconciliatio* non intellexerit reconciliationem affectuum qualem hic Auctor vult intelligi.

Manifestius id est ex ipsis Synodi verbis, quàm ut negari ab ullo possit: sic enim loquitur Tridentinum dicto cap. 3. sess. 14. *EFFECTVS hujus Sacramenti (Pœnitentiæ) quantum ad ejus vim & efficaciam pertinet, RECONCILIATIO est cum Deo.* Atqui actus dilectionis Dei, quem requirit hic Auctor, cum sit præparatio seu dispositio ad Sacramentum, ejusque effectum, non potest esse Sacramenti effectus: ergo Synodus per vocem *reconciliatio* non intelligit illum actum dilectionis Dei. Tridentinum igitur per reconciliationem intelligit justificationem ipsam formalem, quâ peccator præter remissionem peccatorum donatur, & sic ex injusto fit justus, ex inimico amicus &c. hic enim solus est effectus Sacramenti Pœnitentiæ, non autem actus ille amoris ad justificationem disponens.

38. Inculcat hic rursus illud Apostoli 2. ad Corinth. 7. *Quia secundum Deum est tristitia, pœnitentiam in salutem stabilem operatur.* Responsum jam est non semel, nostram Attritionem esse tristitiam secundum Deum: sed

contra

contra urget: non satis est dicere, oportet & probare.

Resp. cum ipse hæc verba nobis objiciat, in quibus nulla sit mentio amoris Dei, ipsi incumbit onus probandi, per tristitiam secundum Deum illic intelligi solum dolorem, qui sit ex motivo amoris amicitiz erga Deum. Cæterum cum nostra Attritio sit dolor seu tristitia, & quidem honesta ac supernaturalis, cum sit, *Compunctio salutaris*, ut eam vocat Laurentius Justinianus, cum excludat voluntatem peccandi, &c. non video quomodo dubitari possit, quin sit tristitia secundum Deum: & hoc supponunt omnes exceptis iis, qui negant dolorem ex metu esse actum bonum aut supernaturalem. Unde interpretes passim hoc loco tristitiam secundum Deum opponunt tristitiz hujus sæculi, quæ mala est; nostra autem Attritio non potest dici tristitia hujus sæculi, seu mala, aut non bona. Illi autem qui dicunt dolorem de peccatis ex amore Dei esse tristitiam secundum Deum, per hoc non negant, aliam præterea dari tristitiam, quæ sit secundum Deum. Denique, ut sæpe monui, male supponunt Adversarii, quodd, ubicumque reperitur vox, amor, vel, amor Dei, hoc necessario intelligi debeat de amore amicitiz. Vide dicta in Respons. ad Epist. Famil. num. 64. & alibi.

#### §. 4.

##### *De Quinto Argumento.*

**Q**uintum argumentum hoc erat: Pœnitentia salutaris debet aliquo modo averfari peccatum ut est offensa Dei: *Tridentinum sess. 14. cap. 1.* Atqui in odio peccati, ut est offensa Dei, inseparabiliter includitur amor benevolentiz erga Deum: Ergo etiam in omni pœnitentia salutari.

39. Huic argumento responderam negando majorem illius propositionem, quia Tridentinum non habet illam particulam reduplicativam *ut seu tamquam*, in qua tamen ponitur tota vis hujus argumenti. Huic solutioni in Xenio nihil omnino reponit P. Farvacques, cum tamen, nisi major illa probetur, ruat totus ejus discursus, & frustra fatigetur in probanda minore propositione.

40. Porro, quæ ad probandam minorem adducit in Xenio, ad rem non faciunt: nam ut ostendi in tract. de Attrit. cap. 9. §. 5. dolere de peccato, ut est offensa Dei, admittit duplicem sententiam; primus est, ut significet, dolere de peccato, quatenus est malum Dei, & in hoc sensu involvitur sine dubio amor Dei. Alter est, ut significet, dolere de peccato, quatenus Deus propter illud contra peccatorem irascitur seu offensus

est; & hoc ille dolor nullo modo requirit aut includit dilectionem Dei. Addidi, ex adjunctis proinde colligi debere, utro sensu sumatur. Quare frustra nobis opponit D. Thomam, aliosque, qui pro subiecta materia, in qua loquuntur, accipiunt illud, *ut offensa Dei*, in primo sensu jam assignato. Et in hoc eodem sensu manifestè sumit Vasquez in 3. part. quæst. 85. art. 2. dub. unico: utque ostendat se illo sensu usurpare, læpissimè explicans addit: *Ut est quodammodo malum Dei; ut est contra Deum* &c. & in hoc sensu asserit, passim omnes sentire, quòd dolere de peccato *ut est offensa Dei*, sive ut malum Dei est, sit actus dilectionis. Perperam igitur illum adfert Auctor Xenii, quasi P. Vasquez universaliter diceret, quòd dolere de peccato, *ut est offensa Dei*, importet necessariò amorem. Et illam hujus Auctoris mentem poterat Auctor Xenii satis colligere ex ipsa controversia, quam dicto loco tractat Vasquez. Agens enim de Contritione perfecta; disputat an in illa reperiri debeant duo actus distincti, alter dilectionis Dei, alter Pœnitentiæ virtutis specialis, & negat duplicem requiri, quia detestari peccatum ut est offensa seu malum Dei, est formaliter simul amor Dei.

41. Objicit præterea, dicitque sibi displicere explicationem doloris de peccatis, ut est offensa Dei, in secundo sensu proximè tradito; quia, inquit, *Lutherus ejusque discipuli d' stationem peccati, VI est offensa Dei, explicans per ordinem ad iram & indignationem divinam*. Quorum testimonia subiungit.

Resp. Ut hoc cum aliqua specie assereret Auctor Xenii, debuerat saltem unum testimonium hæretici adduxisse, in quo mentio sit de dolore peccati, *ut offensa Dei* est, aut cum simili reduplicatione, quale nullum cum proferat, gratis dicitur sic explicuisse dolorem de peccato *ut est offensa Dei*. Dum autem hæretici in testimoniis à P. Farvacques allatis dicunt quòd peccator IRAM & INDIGNATIONEM Dei formidet; quòd secum exclamet: *Ah! cur Deum OFFENDI, cur IRAM & iracundiam ejus adversum me concitavi?* Quòd peccator sentiat seu cognoscat Deum offensum & iratum. & se reum æternæ damnationis &c. Dum, inquam, hæc & similia dicunt hæretici, nihil dicunt quod reprehensione dignum sit; imò quod non totidem ferè verbis reperire sit apud obvios quosque Scriptores Catholicos. Sed in hoc erant damnabiles, quòd vellent illos terrores accedente Fide, sine serio dolore de peccatis, esse veram Pœnitentiam seu Contritionem sine Sacramento justificantem; prout clarè ostendetur capite seq.

## S. 5.

*Quenam addat ad Argumentum Sextum.*

**S**extum argumentum fuit. Ad salutarem Poenitentiam requiritur vera cordis ad Deum conversio; de qua Ezech. 18. **CONVERTI-  
MINI AD ME** &c. *Tridentinum sess. 14. cap. 1.* Atqui vera cordis ad Deum conversio non potest obtineri, nisi per amorem benevolentiz. Ergo &c. Minorem probat, quia verbis illis Ezechielis significatur conversio per amorem benevolentiz, quo solo certum est potuisse converti Judzos.

42. Responsio huic argumento data fuit: si quid illo probaretur, probandum, quod cum Sacramento requiratur actus vi sua sive sine Sacramento justificans, cum enim Judzi nullum haberent Sacramentum justificans (si remedium parvulorum exiipias) debebant justificari per solum actum, adeoque de hoc actu loquitur Ezechiel: & per consequens, si Synodus ad omnem justificationem requirat illam specificam conversionem, de qua Ezechiel, debet requirere actum, qui sine Sacramento justificet.

Contra hanc responsionem opponit P. Farvaques, Judzos non tantum potuisse converti per amorem amicitie perfectum, seu se solo justificantem, sed etiam per amorem imperfectum, & qui se solo non justificet, & per quem habeatur conversio imperfecta.

43. Resp. 1. si velis Ezechielem hic agere de conversione per illum actum quo posito remittebantur peccata praterita; dico per conversionem illuc significari Contritionem perfectam, neque enim, ut fert communis consensus, alius erat actus, quo justificabantur peccatores in lege veteri. Deinde si contendas, Judzos privilegio extraordinario quandoque remissionem peccatorum consecutos sine actu Contritionis perfectæ: duo, ut aliquid efficias, erunt probanda; primum, quodd Ezechiel hic loquatur de conversione extraordinaria, non autem de ordinaria: alterum, quodd hoc privilegium non æquè contingeret Attritioni ex metu gehennæ, quam dolori ex motivo amoris, qui tamen tantum sit Attritio. Denique si asseras, justificationem regulariter obligasse Judzis cum sola Attritione; necesse erit ostendere, quodd ea tantum obtigerit posita Attritione ex motivo amoris, non autem attritis ex motivo metus gehennæ, aut ex spe gloriæ.

44. Resp. 2. Si dixeris Prophetæ sermonem esse de sola conversione per actum talem cum quo manet reatus peccati prateriti, quæ conversio in eo consistit, quodd homo peccata commissa detestetur, ac in posterum decernat non committere, sic ut actus excludat omnem voluntatem



tem actualem peccandi: si, inquam, de hac conversione Ezechielem intelligas, quancquidem manifestum sit ex dictis & dicendis, id fieri posse per actum; qui pro motivo habet timorem aut spem; unde ostendes, prophetam potius loqui de conversione, quæ sit per amorem, quàm de ea quæ sit per timorem aut spem.

45. Instat 1. Auctores passim conversionem, de qua Ezechiel, intelligunt de amore.

Resp. hoc mirum non esse, quia censent agi de ea conversione per quam in lege veteri peccata remittebantur, quam cum communi supponunt non esse aliam, quam Contritionem perfectam quæ sine dubio amorem involvit.

46. Instat 2. Confessio Augustana conversionem impii explicat per terrores.

• Resp. Quòd hoc objiciat Auctor Xenii, oritur ex eo quòd non examinaverit, quinam essent terrores ab hæreticis admissi, & quàm distantes à nostra Attritione. Nam (ut ostendam cap. seq.) terrores illos statuebant ad peccatum pertrahere & desperationem, & stare cum aquali peccato, talem autem actum nemo sanus vocaverit conversionem ad Deum. Imo volebant hos terrores, dummodo accederet Fides, esse Contritionem perfectam, seu actum sine Sacramento justificantem, qualis est conversio, de qua Ezechiel, quod (ut ibidem ex Tappero dicemus) falsum est & erroneum.

47. Objicit 2. Qui convertitur ad Deum, debet ad Deum faciem & vultum cordis vertere. Atqui id non facit qui attritus fugit Deum iratum, atque adeo non vertit illi faciem & vultum, sed dorsum, neque convertitur ad Deum, sed ad poenas.

Resp. mirum esse, quòd in sua metaphora adeo inconstans sit hic Auctor; nam dicit peccatorem, eo quòd timeat Deum iratum, vertere illi dorsum, nec ad eum converti; & tamen pag. 24. & 25. in medio, ait quòd per nostram Attritionem, seu timorem Dei tamquam ultoris, convertatur peccator ad poenas, adeoque juxta ipsum, quòd timeat poenas, non facit quo minus ad has convertatur. Cæterum similes phrasæ seu metaphoræ de facie & dorso cordis, cum obscuriores sint, quàm illud, quod per eas significatur, non rectè adhibentur, ad quidquam solidè ac theologicè probandum.

48. Porro dari posse conversionem ad Deum ex motivo timoris gehennæ, manifestius est, quàm ut per similes metaphoras obscurari possit. Talem conversionem ad Deum agnovit D. Thomas 2.2, quæst.



19. art. 2. in corp. ubi ita loquitur : *Cum obiectum timoris sit malum, quandoque homo propter mala, quæ times, à Deo recedis, & iste dicitur timor mundanus vel humanus. Quandoque autem homo propter mala, quæ times, ad Deum CONVERTITVR, ET INHÆRET. Quod quidem malum est duplex, scilicet malum poena, & malum culpa. Si ergo aliquis CONVERTATVR AD DEVM ET EI INHÆREAT propter timorem poenæ, eris timor servilis. Si autem propter malum culpa, eris timor filialis. Ecce D. Thomas conversionem ad Deum & inhætionem adscribit tam timori servili, quàm filiali, quia nempe peccator propter poenam, quam timet, derestatur peccata præterita, statuit eorum veniam à Deo petere, quem sperat placandum, statuit nunquam deinceps peccare ; & hæc ratione à peccato avertitur & convertitur ad Deum, licet illorum actuum motivum ultimum sit evasio poenæ, quæ timetur. Sic quoque nostram Attritionem esse conversionem ad Deum agnoscit Sylvius supplem. qua st. 5. art. 1. ad argum. 7. aliique, quos in re manifesta opus non est recensere.*

At, inquit Auctor Xenii, pag. 25. peccator per timorem gehenna DEVM iratum FUGIT. Item Attritio, quæ est ex solo motivo metus, pro obiecto adequato & ultimo habet FUGAM DEI. Similia habet pag. 52.

49. Resp. negando ass. intellectum de timore & Attritione, qualem nos requirimus, quod quamvis satis pateat ex dictis num. præcedenti, juvabit tamen hic audire Hesselium hujus Academiz Doctorem. Hic in Confutatione Fidei specialis edita anno 1562. pag. 4. ponit hanc ex Monhemii heretici Catechismo interrogationem : *Quomodo Deum simul timere & diligere possimus, cum Apostolus dicat, perfecta dilectio foras mittit timorem ?* tum subjungit ejusdem heretici hoc responsum : *Hoc de timore servili intelligendum est, quo cor HORRIBILI TIMORE FUGIT DEVM. Hic de eo timore loquimur, quo filius patrem times, honestè se gerens, illi obtemperans, non quia metuas verbera, sed quia pater est. Hæc confutans Hesselius ita scribit: Hoc est, quo rudes maxime decipiunt heretici, quod filii semper docem, agnitionem peccati & timorem supplicis abducere nos à Deo: quod docem, omnem qui times supplicium, eo timore DEVM FUGERE. Tum proponens Catholicam Sententiam ita prosequitur. Nos autem dum agnitionem peccati, & timorem divine severitatis non abducere hominem à Deo, nisi hæc separentur à Fide Christi mediatoris, qua credimus Deo, confugiemus ibi ad se per Christum, paratus agnoscere: aut cum eadem quidem sunt Fide, sed sine Spe veniam obtinendi: qua scilicet iis fidelibus desit, qui usque adeo amant peccatum, ut nunquam per Christum ad Deum pro venia confugere velint. Haec tenens Hesselius.*

50. Cum igitur Attritio, de qua agimus, sit vera cordis ad Deum conversio, & Ezzechiæ conversionem, quæ requirebatur in Judæis ad

debebat adjunctum habere Baptismum, vel saltem hujus votum includere. Atque hæc servient pro additamento ad argumentum sextum.

## §. 6.

*Argumentum Septimum.*

**F**uit quovis tempore ad impetrandam veniam peccatorum Contritionis motus necessarius: *Trident. sess. 14. cap. 4.* Sed motus Contritionis aliquam Dei propter se dilectionem requirit. Ergo &c.

§ 2. Quod autem omnis motus Contritionis (sive omnis dolor ac detestatio de peccato commisso, cum proposito non peccandi de cætero) necessarium requirit amorem amicitie erga Deum, probaverat in Quæst. Quodlib. autoritate D. Thomæ. Qui locus cum ad rem non faciat, intactum præterivi. Verum cum eundem rursus in Xenio urgeat, tamquam id, ad quod producebatur, disertè probantem, totum testimonium D. Thomæ hic exhibebo, neque enim alià opus est responsione aut refutatione.

§ 3. D. Thomas 1. 2. quæst. 113. agens de actibus, qui requiruntur in justificatione adulti, tandem articulo 5. quærit: *Utrum ad justificationem impii requiratur motus liberi arbitrii* IN PECCATVM. Tum primum pro parte negativa hoc ponit argumentum: *Videtur quid non: sola enim charitas sufficit ad deletionem peccati: sed charitatis objectum non est peccatum, ergo non requiritur motus liberi arbitrii* IN PECCATVM. Cui argumento in hunc modum respondet D. Thomas: *Ad 1. dicendum, quod ad eandem virtutem pertinet prosequi unum oppositorum, & resistere aliud, & ideo sicut ad charitatem pertinet diligere Deum, ita etiam detestari peccata, per quæ unita separatur à Deo.* Ecce D. Thomas requirit actum, qui sit detestatio peccati: obijcienti autem è contra, quod sufficiat sola charitas ad justificationem, respondet, actum dilectionis Dei detestari id, quod Deo contrarium est seu malum: quod totum planè admitto. Quà autem consequentiæ formà hinc infert Auctor Xenii: ergo omnis detestatio peccati juxta D. Thomam est necessarium actus amoris amicitie.

§ 4. Resumit deinde argumentum suum à ratione. Si, inquit, propriè loqui velimus, qui detestatur peccatum ex solo metu gehennæ, non verè detestatur peccatum, sed ejus effectum: sicut, qui fugit lupum, à quo sibi damnum metuit, non tam fugit lupum, quam damnum.

Resp. Si propriè loquamur, verè fugit lupum, & ipsa Scriptura admonens ad fugam peccatorum, deijcit comparationem à fuga noxiarum

xiorum animantium: *tamquam à facie colubri fuge peccatum*. Quòd enim fugiat propter aliud, non obstat, quo minus verè fugiat. Sic qui vult furari, aut furatur eo fine ut fornicetur, verè vult furari, & furatur, æquè ac si non faceret ob fornicationem. Dicesne nullum eorum, qui oderunt proximum aut huic irascuntur propter malum, quod ab illo passi sunt, vel pati timent; nullum, inquam, eorum verè proximum odisse, aut ei irasci, sed tantùm odisse malum, quod passi sunt vel timent? si ita est, jam omne pœnè odium proximi è mundo sustuleris. An fortè qui convitia ingerit ob mala, quæ patitur, non proximum, sed illud malum convitio excipit? An si propterea occidat aut vulneret, dicendus erit injuriam illatam, non autem proximum occidisse aut vulnerasse?

§5. At, inquit, potest quis odisse culpam, & non naturam inimici, seu ipsum inimicum.

Resp. certum id est; non potest tamen detestari aut odisse inimicum propter culpam aut illatam injuriam tamquam motivum, quin detestetur, & verè oderit inimicum. Ergo eodem modo non potest detestari peccatum, propter pœnas seu peccati effectum, tamquam rationem motivam, nisi verè detestetur peccatum: sicut non potest occidere inimicum ob injuriam, quam ab eo passus est, nisi verè occidat inimicum seu naturam inimici.

§6. Reliqua quæ in Xenio circa hoc argumentum repetit, abundè soluta sunt alibi. Quod de novo adfert ad probandam suam differentiam novi Testamenti à vetere ex D. Thoma 2. 2. q. 108. art. 1. ad 3. nihil ad rem facit, cum nihil ibi sit, quod indicet agi de amore amicitiz erga Deum, ut manifestum fiet locum inspicienti: non lubet similibus confutandis inhzrere. Videtur Auctori Xenii non fuisse curæ, examinare, de quo amore loquantur, quos adfert, sed satis ei fuisse, si uterentur voce *Amor*, quasi non detur alius amor, quàm amor amicitiz erga Deum.

## S. 7.

### *Argumentum Oñavum.*

**A**ttitio illa demum sufficit cum Sacramento Pœnitentiz, SI VOLUNTATEM PECCANDI EXCLVDAT. *Tridentinum sess. 14. cap. 4.* Sed Attitio servilis voluntatem peccandi non excludit. Ergo non sufficit cum Sacramento Pœnitentiz.

§7. Majori propositioni hujus argumenti probandæ in Quæst. Quodlib.

tibi duos impleverat paragraphos, ut ostenderet illa verba Tridentini *Si voluntatem peccandi excludat*, importare exclusionem positivam; sic ut cum Attritione, de qua Tridentinum, impossibile sit stare peccatum actuale. At in Xenio aliam viam ingressus ait, hanc propositionem, atque adeo & omnem illius probationem, debere censeri sublatam. Quare misso hoc argumento, contentus est asserere & probare, quod Attritio nostra non excludat voluntatem peccandi, id agit cap. 4. ubi ejus argumenta dissolvemus.

## §. 8.

*Argumentum Nonum.*

**A**ttitio salutaris, quæ ex timore nascitur, concipi debet ex illo, vel saltem non minus perfecto timore, quam fuerit ille, quo utiliter concussi Ninivitarum pœnitentiam egerunt, & misericordiam à Deo impetrarunt. Atqui timor ille Ninivitarum non fuit destitutus omni benevolo affectu in Deum. Ergo &c.

Huic argumento responderam: Si per misericordiam, quam illic dicuntur Ninivitarum impetrasse, intelligatur eorum justificatio; hanc eos impetrasse non per timorem, sed per actum vi sua justificantem, adeoque si hoc argumentum valeat, sequi etiam, quod cum Sacramento requiratur Contritio perfecta.

§ 8. Opponit in Xenio, malè assumi, quod Ninivitarum justificati sint per actum dilectionis vi sua justificantis, quod ipse negat verum esse.

Resp. Cum apud Ninivitas non fuerit Sacramentum, quod ex opere operato mortalia peccata remitteret; si ponantur fuisse justificati, necesse est, ut id factum fuerit per solum ipsorum actum, seu ex opere operantis. Actum autem, quo, ante instituta nostra Sacramenta, remittebantur peccata, fuisse solam Contritionem perfectam, planè communis est Auctorum & fidelium sensus. Hinc mirum non est, si illi, qui putant ibi importari justificationem, hanc asserant ab illis impetratam per dilectionem Dei propter se.

§ 9. Quod si Auctor Xenii dicat, Ninivitas ex speciali & extraordinario favore justificatos esse sine Contritione antonomasticè dicta, cum solo actu inferiore, qui erat Attritio: qua ratione probabit, fuisse Attritionem ex amore Dei potius, quam ex timore? præsertim cum Synodus nullam amoris, sed solius timoris & Pœnitentiæ terroribus plenè munerit. Vide dicta §. 5. ad argum. 6.

## S. 9.

*Ad Argumenta conglobata.*

**P**rimum ex conglobatis hoc erat argumentum. Israëlitz, quos alloquitur D. Petrus Act. 2. erant compuncti timore, quo non obstante Apostolus monet, *Pœnitentiam agite, & baptizetur unusquisque vestrum.* Adeoque requirit à baptizando ulteriorem pœnitentiam seu præparationem à timore distinctam, ergo cum Baptismo requiritur amor Dei.

60. Dixi hoc argumentum vacillare duplici ex capite. Primo, quia non ostenditur, quod habuerint timorem, qualem requirimus, nempe cum detestatione peccati commissi, & proposito omnia vitandi &c. Cui nihil aliud reponit, quàm quòd exclusio peccati sine amore Dei haberi non possit, quam responsionem jam sæpe evertimus.

Secundo, quia Act. 2. non dicitur, eos fuisse compunctos *spiritu timoris*, sed simpliciter, quòd essent compuncti: unde igitur probatur quòd fuerit compunctio ex timore potius, quàm ex alio motivo, etiam amore?

61. Huic responsioni opponit P. Farvacques: si possit intelligi compunctio per amorem, per hoc causam suam juvari. Verùm hinc obliviscitur argumenti à se facti, quod planè ruit, si intelligatur compunctio ex amore, ex eo enim quòd posita illa compunctione D. Petrus dicat *Pœnitentiam agite*, vult requiri pœnitentiam ulteriorem ab illa compunctione distinctam. Atqui juxta ipsum falsum est requiri aliam dispositionem, quàm dolorem seu Attritionem ex motivo dilectionis Dei: ergo &c.

62. Quòd autem responsio mea ejus causam juvet, probat hæc ratio: Pœnitentia de qua Act. 2. est præparatio ad justificationem requisita; ergo, si præcesserit compunctio ex amore Dei, quid aliud concludi potest, quàm Pœnitentiam, de qua Act. 2. prærequirere amorem Dei, id est, ut intelligo, Pœnitentiam ad Baptismum requisitam debere esse ex motivo amoris? neque enim credo, quòd velit ante legitimam pœnitentiam præmitti debere alium actum, qui sit dilectionis.

Resp. argumentum illud esse simile huic: Qui dicit, Pœnitentiam agite & baptizamini, hortatur ad Pœnitentiam cum Baptismo requisitam pro justificatione; ergo si illi, quos hortatur, elicerint Contritionem perfectam, sequitur Pœnitentiam, ad quam adhortabatur, debere necessariò esse Contritionem perfectam: quæ inanis est consequentia. Nam cum præparatio ad Baptismum, hujusque fructum requisita, sit

vel Contritio, vel Attritio, non sit autem hæc vel illa determinatè necessaria, sed tantùm alterutra; ille qui hortatur ad poenitentiam, tantùm requirit hanc vel illam, neutram autem determinatè; ex eo autem quod baptizandus ex duabus indeterminatè necessariis hanc præ illa adhibeat, nullo modo sequitur, hanc esse determinatè necessariam ad Baptismum ejusque effectum.

63. Alterum ex conglobatis est, quod Tridentinum sess. 6. cap. 7. requirat *Fidem quæ per Charitatem seu dilectionem operatur.*

Resp. Unde probat quòd per *Charitatem* illic significetur actus dilectionis? neque enim ad hoc sufficit, quòd ipse de suo, eodem caractere intericiat verbis Apostoli, *seu dilectionem*. Unde constat non agi illic de Charitate habituali? prout explicui §. 2. hujus capitis, quo modo illa Apostoli verba exponit Cornelius alique. Denique cur non possint intelligi de Charitate fraterna? præsertim cum Apostolus ibidem subjungat v. 13. *Per Charitatem spiritus servite invicem. Omnis enim lex in uno sermone impletur: Diliges proximum tuum sicut teipsum. Quod si invicem morde-*

*bis &c.* Quæ ibidem de novo adfert Augustini, Chrysostomi & D. Thomæ testimonia, ad rem non faciunt, cum in illis ne verbum quidem sit, quod indicet illos agere determinatè de actuali Dei propter se dilectione, ut patebit illa in Xenio legenti.

64. Tertiò rursus urget illud Tridentini sess. 6. cap. 10. *Justitiæ incrementum petis Ecclesia, cum oras: da nobis Fidei, Spei, & Charitatis augmentum.* Quo loco contendit agi non de habitibus, sed de actibus harum virtutum: tum infert; ergo in homine justificato præcedit actus Charitatis: nempe tamquam preparatio, & quidem necessariò.

65. Resp. certissimum esse, agi illic de Charitate habituali: nam in titulo: *De ACCEPTÆ JUSTIFICATIONIS incremento*, manifestum est per justificationem acceptam non intelligi actus. In ipso vero capite ita loquitur Synodus: *Sic ergo JUSTIFICATI, & amici Dei ac domestici s. Ti.... per observationem mandatorum Dei & Ecclesie in ipsa JUSTITIA per Christi gratiam ACCEPTA, cooperante Fide bonis operibus, CRESCUNT atque MAGIS JUSTIFICANTUR.* Negari nequit, quin in his rursus verbis agatur de incremento justitiæ habitualis. Tum profertur Scripturæ loca in quibus continetur veritas hæcenus definita: Post quæ concludit Synodus his verbis. *HOC VERO JUSTITIÆ INCREMENTUM petis S. Ecclesia, cum oras: Da nobis, Domine, Fidei, Spei, & Charitatis augmentum.* Quis non videt, dum dicit: *HOC justitiæ incrementum*, loqui Synodum de ea justitia seu justificatione, de qua prius egerat, hoc est, de habituali, non



autem de actibus, de quibus eo capite non alium in finem facit mentionem, quàm quodd contra hæreticos statuat, bona opera à justis exercita esse causam augmenti justificationis: quod evidentius redditur ex ejusdem sess. Canone 24. (qui respondet capiti decimo) ubi sic loquitur: *Si quis dixerit IUSTITIAM ACCEPTAM non conservari atque etiam AVGERI coram Deo per bona opera, sed opera ipsa fructus solummodo, & signa esse IUSTIFICATIONIS ACCEPTÆ, non autem IPSIVS AVGENDÆ causam; anathema sit.* Constanter ergo Synodus tam in canone, quàm in capite loquitur de incremento justitiæ habitualis, adeoque etiam in verbis objectis agit de Fide, Spe, & Charitate habitualibus, quod etiam indicat vox *incrementum*, quâ aut æquivalenti ubique hic utitur, & quæ actibus propriè non convenit. Accedit communis consensus sic intelligentium verba objecta, ex quibus multi probant, per actus iusti bonos cum gratia intendi habitus reliquos. Videamus, quid novi opponat in Xenio.

66. Dicit 1. non intelligere se illam Philosophiam, quodd actus non accipiant propriè incrementum seu augmentum.

Resp. 1. mirum esse, quodd non intelligat, cum sit Philosophia communis, quodd actus intellectus & voluntatis sint naturæ fluxæ, nec alio sensu dicantur manere, quàm quodd priori immediatè succedat alius plane similis; si verò succedat intensior, intendi seu crescere: hoc autem non est propriè augeri aut intendi.

67. Resp. 2. si illi iusti (pro quibus Ecclesia dicitur petere Fidei, Spei, & Charitatis incrementum) supponantur, post adeptam jam justificationem, elicuisse actus dictarum virtutum; licet gratis daretur, Ecclesiam illis petere incrementum actuum Fidei, Spei & Charitatis; nihil juvaret causam Auctoris Xenii: nam stante hac hypothese per actum Charitatis subsequentem, habebitur augmentum actus Charitatis, licet ante justificationem nullus præcessisset huius virtutis actus: unde ex eo quod Ecclesia illis petat Charitatis incrementum, nullo modo inferri poterit: ergo elicuerunt actum Charitatis illo tempore, quo se disponebant ad justificationem. Ut igitur aliquis sit locus huic consequentiæ, necesse est agi de illis tantum, qui post obtentam justificationem actus Fidei, Spei, Charitatis non elicuerunt. Ponamus ergo aliquem per actus Fidei, Spei, & Charitatis iustificatum fuisse ante dies aliquot, hebdomadas, aut menses; à justificatione tamen hucusque non elicuisse actum v. g. Charitatis. Hoc posito, si hodie actus Charitatis eliciat, non poterit dici accipere augmentum illius dilectionis, quam elicuerat ante justificationem. Cui enim incidet dicere, quodd actus qui  
ab heb-



ab hebdomada aut mense planè defuit, crescat aut incrementum accipiat per actum hodiernum? ergo si huic hodie petat Ecclesia charitatem actualem, non rectè dicet, da illi charitatis actualis incrementum seu augmentum. Audi Sylvium 1.2. quæst. 113. art. 2. §. *Quæritur 2. Nostra formalis iustitia; quam semel accepimus, crescit per observantiam mandatorum Dei, ut docet Concilium Tridentinum. Actus autem Charitatis & Contritionis, qui semel, utuntur exercitiis, non crescunt per actus alios postea subsequentes, sed si qui postea exercentur ferventiores, sunt alii à præcedentibus.* Quo loco Sylvius ex eo, quod Concilium tradat nostram iustitiam crescere, probat illam non esse actum sed habitum, quia præcedens actus per subsequentem non dicitur crescere seu incrementum accipere. Atque hæc fusiùs, quàm in re manifesta opus sit.

68. Obijcit 2. ex ipso titulo capitis 10. contrarium colligi; quod sic probat: Certum est habitum Fidei & Spei ( quidquid sit de habitu Charitatis ) non pertinere ad formalem justificationem, ergo dum dicitur: *da nobis Fidei, Spei, & Charitatis augmentum*, non agitur de habitibus, sed de actibus Fidei, Spei, & Charitatis.

Resp. Undenam, quæso, certum est habitum Fidei & Spei non pertinere ad formalem justificationem? non enim ex aliqua efficaci ratione, neque etiam ex communi auctoritate: nam, ut ait Suarez Tom. 3. de gratia lib. 7. cap. 9. multorum sententia est, iustitiam formalem esse collectionem plurium habituum, & præcipuè Fidei, Spei, & Charitatis; pro qua citat Vegam, Scòrum, Bellarminum, additque hanc videri apertam sententiam D. Thomæ productis ejus testimoniis. Et ipse Suarez, licet probabile censeat, solam gratiam habitualem ( quam distinguit ab habitu Charitatis ) esse iustitiam essentialiter, seu quoad essentialia, dicit tamen nu. 10. gratiam *nihilominus non habere complementum, seu statum iustitiæ sine aliis virtutibus in iustis*; additque ex usu vocis certum esse, ad statum & complementum iustitiæ simpliciter dictæ necessarios esse etiam alios habitus. Idem tenent Tannerus, Arriaga alique. Hinc dico Tridentinum voluisse abstrahere ab illa quæstione Metaphysica, in quo præcisè consistat essentia iustitiæ, & sumpsisse iustitiam pro statu & complemento iustitiæ, adeoque prout reliquos habitus supernaturales involvit, ut patet ex initio capitis septimi, ubi justificationem definiens, dicit eam esse renovationem interioris hominis per *inceptionem gratiæ & donorum*. Eorum nempe, quæ paulò post exprimit, Fidei, Spei, & Charitatis: ergo ex eo, quod cap. 10. petatur Fidei, Spei, & Charitatis augmentum non rectè inferitur, non agi istic de augmento iustitiæ habitualis.

quàm se aliò respexisse, quod à me non fuerit perspectum. Sic est, non perspexi, nec mirum: mihi enim tales non sunt oculi, ut, dum quis Tridentinum objicit, videre queam, quòd aliud quid, ab eo, quod Synodus dicit, diversissimum opponere intendat. Si aliò respiciebas, cur verba Tridentini nihil eò facientia adduxisti? Videamus tamen hoc argumentum jam in aliud transformatum.

73. Dicit igitur: Ad SS Patrum Pœnitentiam me referebam, qui soliti fuerunt per varios labores, corporis afflictationes, fletus, pœnitentiz actiones &c. experiri, fucatane esset an vera pœnitentia: Quid autem opus esset tanta exploratione, si sufficeret dolor ex metu gehennæ? vix enim reperies peccatorem, qui aliquo timore gehennæ non sit percussus. Amor autem Dei sincerus & castus, quo Deus propter se diligitur, nullà proprii commodi vel incommodi habet ratione, in paucioribus reperitur. Unde SS. Patres variis indiciis explorabant, an serid ex amore Dei pœniterent.

74. Resp. 1. hoc argumentum non habere fundamentum in verbis Tridentini, in quo nulla hujus consuetudinis fit mentio, sed tantum dicitur, quòd pœnitentiam vocarint SS. Patres laboriosum Baptismum, quia Baptismus tribuit plenam & perfectam remissionem omnium peccatorum, nempe tam quoad pœniā, quàm culpam, *ad quam novitatem & integritatem per Sacramentum Pœnitentie sine magnis nostris fletibus & laboribus pervenire nequaquam possumus.*

75. Resp. 2. licet PP. quandoque in magnis quibusdam peccatoribus sumplerint tale experimen- tum, id tamen non faciebant in omnibus, qui in mortale aliquod inciderant; & tamen dolor, qui in his necessarius est, non debet esse ex alio motivo, quàm in illis, ergo id in illis magnis criminibus non fiebat præcisè, ut constaret eos pœnitere ex amore Dei.

Resp. 3. ex illis actionibus pœnitentiz, fletibus, corporis afflictationibus, potuerunt quidem Patres aliquo modo colligere, an serid vellent vitam in melius mutare, & an in hoc futuri essent constantes; non apparet tamen quomodo potuerint colligere eos pro motivo habere potius dilectionem Dei, quàm spem gloriæ, aut metum gehennæ,

76. Resp. 4. non omnia, quæ faciebant in hac re Patres, erant essentialia aut necessaria ad valorem & fructum Sacramenti. Aliàs enim de necessitate Sacramenti quandoque esset multorum annorum pœnitentia & quidem publica ante absolutionem Sacramentalem.

Resp. 5. An ergo censet hic Auctor, ad Sacramentum non sufficere dolorem ex amore Dei, si simul adsit dolor ex motivo timoris aut Spei? id enim indicare videntur hæc illius verba: *Amor Dei sincerus & castus, nulli proprii commodi aut incommodi ratione.*

## CAPUT II.

*Examinatur doctrina Confessionistarum de Contritione.*

**A**liqua ex Lutheranorum Confessionibus contra nos in Epistola sua Familiari deprompserat Exim. P. Lupus, quibus tamen respondere tunc nolui, quodd meliorem expectarem opportunitatem. Intellexeram enim Xenium Exim. P. Farvacques sub przelo esse, neque dubitabam, quin petium ex Confessionistis argumentum, quod aliquando in publica disputatione proposuerat, plenè & accuratè in hoc suo scripto esset deducturus, quod przstuit Xenii cap. 2.

77. Dixeram in tract. de Attrit. num. 173. ex eo, quod Lutherus admiserit *terrores*, non rectè inferri, quodd sententiam nostram tenuerit, cum Attritio nostra non sint nudi & hebetes terrores; quare addidi, ab Auctore Quodlibeticæ, ut aliquid ageret, ostendi debuisset, quodd Lutherus aut Lutheranii alicubi docuerint, in Sacramento Pœnitentiæ ad justificationem sufficere dolorem de peccatis, & propositu n vitæ novæ ex solo motivo timoris: sive uno verbo, quodd admiserint Attritionem *prout* ea in nostra sententia à suis Auctoribus explicatur.

Ad quæ ita respondet Auctor Xenii pag. 35. *Quia verò moris me offusci, & quid ostendere debuimus indicat, parebo monitioni, & injectæ mihi obligationis debito me exsoluam.* Et infra pag. 38. tamquam re ex voto confectâ, concludit: *Atque ius, quæ tribus hisce paragraphis dicta sunt, spero me præstuisse, quodd exigebat Adversarius.* Et tandem pag. 39 ait: *ex dictis hoc capite manifestum est, quàm non de nihilo duxerim in Quest. Quodlib. nobis & Adversariis aliquid esse cum Lutherana doctrina commune, & aliquid diversum, quodque comparatione Lutheri habeamus nos, juxta phrasim Philosophorum, ut excedentia & excessa. Quæ omnia sine fundamento dicta esse, patebit ex tradendis hoc capite, in quo, quænam fuerit duplex illa Lutheranorum sententia, examinabimus.*

78. Ac primò quidem manifestum est, Lutherum initio defectionis suæ, & præsertim in sermone de Pœnitentia rejecisse omnem pœnitentiam, quæ concipitur ex metu, spe, aut alio simili motivo ab amore distincto, & pronuntiasse, peccatorem adferentem talem pœnitentiam absolutione indignum esse: solam verò illam, quæ ex amore concipitur, esse veram pœnitentiam, & absolutione dignos reddere. Hæc autem est ipsissima sententia Adversariorum; unde faterur hic Auctor Quæst. Quodlib.

Quodlib. pag. 52. hoc sibi cum Luthero commune esse, quod initio defectuionis suæ docuerit pœnitentiã omnem debere ex amore concipi.

79. Porro quod §. 2. ait P. Farvacques, in hac sententia non perstisse Lutheranos, sed, ut in plurimis aliis, ita quoque in hoc puncto, non sine Lutheri approbatione, diversam à priori de justificatione peccatoris tradidisse doctrinam, planè admitto, tamquam rem certam & indubitatam; agnovit etiam ipsa Synodus Tridentina utramque hanc hæreticorum diverso tempore doctrinam, & quid de utraque sententiam sit nos docuit, ut videbimus in fine hujus capituli.

Convenit ergo inter nos de priori Lutheri sententia, qualis ea fuerit; item quòd in illa Lutherani non perstiterint, sed in aliam planè diversam abierint. Quare tantummodo hîc examinandum, quænam fuerit posterior Lutheranorum de Pœnitentia doctrina, & an hæc aliquid habeat cum nostra sententia commune, quod affirmat Auctor Xenii.

80. Constat Lutheranos, postquam à doctrina Lutheri tradita in famoso illo sermone de Pœnitentia, inceperunt deficere, duas hæc satis constanter pœnitentiæ partes statuissè: alteram Contritionem seu inussos conscientie agnito peccato terrores; alteram verò fidem, seu præsumptuosam illam fiduciam, qua peccator certò, & sine ulla dubitatione aut hæsitacione sibi persuadet ac credit peccata sibi per Christum remitti. Sic tamen ut postremæ parti, nempe Fidei, tribuerent justificationem, licet terrores illos, qui ipsis erant contritio, prærequirerent; & hac ratione explicabant suum illud commune dogma, quòd sola fides justificet. Hæc adeo manifesta & obvia sunt sive in Catholicorum, sive in hæreticorum scriptis, ut necesse non sit horum testimonia transcribere.

81. Quoad primam dictarum Pœnitentiæ partium, nempe Contritionem, certum est hæreticos eam initio explicasse per solos terrores inussos conscientie agnito peccato, nulla tacta mentione doloris de peccatis præteritis, aut propositi in posterum. Ita explicuit primigenia Lutheranorum confessio exhibita Cæsari in Comitibus Augustanis anno 1530. unde in exemplari Confessionis impresso Wittebergæ anno 1531. ita habet articulus 12. *Constat Pœnitentia propriè his duabus partibus: altera est Contritio, seu terrores inussi conscientie agnito peccato. Altera est fides, qua concipitur ex Evangelio, seu absolutione, & credit propter Christum remitti peccata, & consolatur conscientiam, & ex terroribus liberat.* Hactenus Confessio originalis. Unde & Joannes a Daventria in dictæ Confessionis exegesi scripta anno 1535. non alia profert ex Confessione verba, quàm quæ

jam recensuimus, prout in ipso videre est pag. 177. Dico non alia protulisse ex Confessione Augustana: nam verba adversariorum quæ postea adducit pag. 182. in quibus Contritio explicatur per dolorem de peccatis, non sunt verba Confessionis Augustanæ, ut perperam aliquis putavit, sed sunt verba Philippi Melancthonis in dictæ Confessionis Apologia. Similiter David Chytreus Rostockiensis in Augustanæ Confessionis historia impressa Antverpiæ 1582. hanc prout Czarlari oblata est referens, non alia exhibet verba, quàm superius relata, non facta doloris mentione.

82. Cœpit ergo Melancthon in dicta Apologia doloris de peccatis in Contritione mentionem facere, & sic aliquantulum, ut inquit Daventria, sese corrigere. Sic enim habet dicta Apologia: *De Contritione præcidimus illas varias & infinitas disputationes, quando ex dilectione Dei, quando ex timore pœnæ doleamus. Sed dicimus Contritionem esse veros terrores conscientia, quæ Deum sentit irasci peccato, & DOLET SE PECCASSE.* Hunc dolorem pluribus exponit Confessio Augustana in posterioribus editionibus aucta & alterata, nam impressa anno 1553. sic habet: *Constat Pœnitentia, id est conversio impij propriè his duabus partibus: Altera est Contritio, hoc est terrores incussi conscientia agnito peccato, in quibus & iram Dei agnoscimus, & DOLEMUS NOS PECCASSE, ET PECCATA DETESTAMVR ET FUGIMVS. Altera est fides &c.* Similiter Confessio Wittebergenfis & Saxonica in explicatione Contritionis loquuntur de dolore, & pœnæ animi.

83. Hoc igitur etiam inter nos convenit, admissum postea à Lutheranis fuisse dolorem de peccatis. Propositum vitandi in posterum peccata, in nulla Confessione Lutherana reperio expressum. At, inquit P. Farvacques, propositum virtute includitur in dolore de peccatis, propositi insuper meminit Lutherus. Ita sit, jam videamus, quale sit illud propositum, aliaque quæ circa hanc postremam hæreticorum de Contritione sententiam advertenda sunt.

84. Primò sive Confessionistæ per dolorem de peccatis inclusum in Contritione, intellexerint etiam propositum non peccandi de cætero, sive non: hoc constat, quod non intellexerint dolorem & propositum efficax, seu excludens voluntatem peccandi, & actuale peccatum. Manifestum id est ex duplici capite: primum est, quodd constanter inculeant, Contritionem, qualem ipsi statuebant, seu terrores illos ac dolorem quod majores sunt, eò fortiùs ac certius pertrahere peccatores in desperationem, odium Dei, ac exitium sempiternum, nisi huic Contritioni accesserit altera, quam assignant, Pœnitentiæ pars, nempe fides illa firma, & minime hæsitans, qua peccator ætè credat peccata propter Christum

Christum sibi esse remissa. Ita tradit pluribus locis Melancthon in Apologia, Confessio Wittebertis titulo de Contritione, Confessionistæ in Reculatione Tridentini pag. 303. 306. & alibi.

85. Alterum & præcipuum caput est, quod Lutherani agnoscant, in iis, qui actu gravissimè peccabant ex desperatione se interimendo, fuisse veram Contritionem primam Pœnitentiæ partem, qualem ipsi requirebant; imò hos ipsos desperantes asseriebant habuisse Contritionem non parvam nec vulgarem, illisque ad justificationem nihil quidquam defuisse ex parte Contritionis, sed solam defuisse alteram Pœnitentiæ partem à priori distinctam, nempe vanam illam de remissis peccatis fidem. Sic Melancthon in Apologia Confess. Augustanz Tit. de Pœnitentia, cum retulisset sententiam Catholicorum docentium peccatores Contritione mereri gratiam, subdit: *Ubi si quis* (Catholicos) *interroget, quare Judas & similes non consequantur gratiam, qui HORRIBILITER CONTRITI SUNT.* Hic de Fide & Evangelio respondendum erat, quòd *Judas non crediderit, non crederet se Evangelio & promissione Christi.* Fides enim ostendit discrimen inter Contritionem Judæ & Petri. Ubi vides juxta Apologismam, quòd actus ille, qui in Juda de facto simul stabat cum gravissimo desperationis & homicidii peccato, habuerit omnia, quæ ipsi ad Contritionem primam Pœnitentiæ partem requirebant, quæque sufficiens esset ad justificationem, dummodo accederet altera Pœnitentiæ pars, nempe fides firma de remisso peccato. Neque juxta illos pœnitentia Petri à Pœnitentia Judæ differebat penes Contritionem, sed tantum penes alteram Pœnitentiæ partem, quòd nimirum in Petro accesserit Fides, quâ caruit Judas, licet alioqui insigniter contritus. Similiter Confessio Wittebergensis oblata Concilio Tridentino anno 1552. sic habet Tit. de Contritione: *Testantur exempla Cain, Esau, Sautis, Judæ Iscariotis & aliorum, quòd Contritio non sit meritum remissionis peccatorum.* Hi enim etsi TANTAM habuerint CONTRITIONEM, ut tollerabilius illis visum fuerit, vitam sibi aut laqueis, aut gladiis abrumpere, quàm HORRIBILES illos DOLORES perire, tamen non sunt remissionem peccatorum consecuti. In quæ hujus Confessionis verba ita scribit Petrus à Soto in scholiis Catholicis pag. 36. lit. H. *Hic ostendunt, quàm præposterè de Contritione loquantur: contritio illa fuit, sed qualis in damnatis.... Nullus Catholicus sensus unquam horum veram Contritionem putavit.* Denique apertissimè Melancthon in Apologia Tit. de Pœnitentia: *Ideo Judæ aut Sautis contritio non prodest, quia non accedit ad eam hæc fides apprehendens remissionem peccatorum donatam propter Christum. Ideo prodest Davidis aut Petri contritio, quia ad eam Fides accedit apprehendens remissionem peccatorum.*



86. Judas ergo aliique similes habuerunt, in sententia Confessionistarum *magnam Contritionem*, habuerunt *horribiles dolores*: certum tamen est in Juda aliisque non potuisse esse dolorem ac propositum excludens positivè omnem voluntatem peccandi, cum illa Contritio & dolores de facto starent cum gravissimo desperationis & homicidii peccato. Quamvis igitur Lutherani Contritionem postea explicarint non per solos terrores, sed insuper per dolorem de peccatis, imò, si velis, etiam per propositum in posterum; Constat tamen non statuisse dolorem ac propositum tale, quale nos requirimus, sed planè aliud, quale nempe est in damnatis, ut dicebat Soro.

87. Secundò Contritio, quam primam Pœnitentiæ partem statuebant Lutherani, non habebat adjunctam Spem veniæ. Manifestum id est ex jam dictis: ferebantur enim in Juda fuisse insignem Contritionem, in quo tamen, cum de facto desperarit, non potuit simul adfuisse Spes veniæ. Ino Spem veniæ, qualem cum Tridentino requirunt Catholici in Contritione prima Pœnitentiæ parte, dicti hæretici non tantum reproprobant tamquam insufficientem pacandis conscientis, sed insuper peccati ac impietatis damnabant: hujus autem loco substituebant fidem illam firmam ac minimè hesitantem de remisso peccato; eam insuper fidem volebant spectare ad primam Pœnitentiæ partem nempe Contritionem, sed volebant esse alteram Pœnitentiæ partem à priore seu Contritione diversam.

Hæc omnia manifesta sunt ex hæreticorum Confessionibus aliisque scriptis, in Confessione Wittebergensi; in Saxonica titulo de Pœnitentia, in Confessione Augustana impressa anno 1553. in articulis fidei præcipuis num. 5. Denique Confessionistæ in Reculatione Tridentini ad Canonem 13. & 14. sess. 6. ita loquuntur pag. 303. *Patres Tridentini errores erroribus cumulantes addunt, de remissione peccatorum & gratia oportere hominem semper dubitare, neque fas esse, ut hoc de re firmiter & sine dubitatione apud animum constituat cerid sibi remissa esse peccata .... Hoc quid aliud est, quam religionem omnem, omnemque pietatem p'nitus evertere atque abolere? aut, vel in securitatem ethnicam & epicuream convertere, vel in impiam ac diabolicam desperationem & fremitum transformare univer. a.* Hæc & plura impiè ac imprudenter dicto loco Reculantes.

88. Tertiò terrores hos & dolores volebant hæretici esse Contritionem primam pœnitentiæ partem, licet in illis nullus involveretur respectus ad confessionem, & satisfactionem, sive sine proposito confitendi & satisfaciendi. Omnem enim satisfactionem nostram rejiciebant ut injuriosam Christi satisfactioni, confessionem verò homini factam negabant esse necessa-



riam: dicebant tamen se illam retinere duabus de causis: 1. ut rudes in privato hoc colloquio instruerentur: 2. ut audito Euangelio de remissione peccatorum, fides illa firma vel conciperetur, vel augeretur. Ita Confessio Augustana tit: de bonis operibus, Confessio Wittebergen-  
sis &c.

89. Quartò denique asseriebant Lutherani, quòd terrores illi essent ultima & sufficiens dispositio, ut accedente sola illa hæretica Fide, alterà Pœnitentiæ parte, peccator justificetur, & negabant ac explodebant omne opus operatum Sacramenti Pœnitentiæ: ut videre est in Confessione Augustana impressa anno 1553 num. 13 pag. 9. & passim alibi.

90. Ea quæ hæcenus circa Contritionem à Lutheranis requisitam annotavimus, jam pridem animadvertit Tapperus, qui cum art. 3. pag. 102. protulisset ex Confessione Augustana posterioris alicujus editionis, hanc sententiam; *Pœnitentia hoc est conversio impii constat propriè ex duabus partibus: quarum altera est Contritio, id est terrores incussi conscientia agnito peccato, in quibus & iram Dei agnoscimus, & dolemus nos peccasse, & peccata deservisse & fugimus. Et altera pars est Fides &c.* Postea explicans quid in hac doctrinâ perversum sit ac perniciosum, ita loquitur ad Artic. 4. pag. 114. col. 2. *Perniciosa est doctrina, quæ asserunt, etiam hos terrores esse partem Pœnitentiæ nullo habito respectu confessionis & satisfactionis, quodque est immediata & ultima dispositio, ut Fide accedente justificemur, quæ omnia erronea sunt & pernicio. Nec enim possunt terrores illi esse Contritio, quam Deus despiciere non potest, cum his terroribus affectum Deus plerumque despiciat. Nam esse possunt in desperatione sine Fide & Spe veniæ. Imò secundum adversarios (id est Confessionistas) in desperationem ducunt nisi accesserit Fides. Tum huic erroneæ hæreticorum sententiæ opponit Tapperus aliam, quam & approbat, sic enim ibidem nullis interpolitis proficitur: *Si tamen quis consideratione peccati, & ira Dei, velit se submittere correctioni & clavibus Ecclesiæ, vitam emendare instituens, videtur hic sufficienter preparatus, ut virtute Sacramenti ei peccata remittantur. Nec oportet, quod ille dolor peccati & terrores ex immoderato sui amore proficiantur: quia sicut quædam sunt honesta & appetibilia secundum se, ut virtus, honor, sanitas & vita: ita quædam eundem se sunt fugibilia: quale est peccatum & supplicium gehennæ. Hic admittit Tapperus dolorem qui ex agnito peccato & consideratione iræ Dei concipitur, quem pronuntiat esse ex amore sui, non tamen inordinato, videri sufficere ad justificationem cum Sacramento, dummodo sic dolens statuatur vitam emendare, & se submittere correctioni & clavibus Ecclesiæ; adeoque manifestè approbat nostram sententiam, eamque ut sanam opponit erroneæ Lutheranorum doctrinæ: tantum abest, ut**

illam putarit vel in minimo cum hac consentire.

91. Quam vis ergo Confessionis terrores suos explicarent per dolorem de peccatis, horumque detestationem ac fugam; illorum nihilominus sententiam in multis protrahit Tapperus perniciosam & erroneam. 1. quod in his terroribus nullus includeretur respectus ad Confessionem & satisfactionem. 2. quod terrores ab Hæreticis asserti non haberent necessariò adjunctam spem veniæ. 3. Quod essent tales, ut si in illis sisteretur essent viæ rectæ ac certæ ad desperationem, ac proinde voluntatem peccandi nullo modo excluderent. 4. Denique quod terrores illos, conjunctumque qualem qualem dolorem vellent esse dispositionem immediatam & ultimam, sic ut solâ Fide accedente peccator justificetur. Quæ omnia cum Tappero perniciose & erronea censemus, illque contraria docemus.

92. Nam Hæretici non adnitebant alium dolorem seu Contritionem, quàm quæ, si sola sit, viam sternat ad desperationem, & quæ esse possit, imò de factò fuerit in Juda aliisque cum actuali desperatione siueque interemptione. Nos tamen dolorem, ex quocumque datum motivo dicatur concipi, rejicimus ut insufficientem etiam cum Sacramento, requirimusque actum, qui positivè excludat omnem voluntatem peccandi, sic ut cum illo peccatum mortale actuale componi nequeat.

Hæretici in Contritione prima Pœnitentiæ parte non complectebantur Spem veniæ, sed hanc ut malam ab ea positivè repellabant. Nos è contra cum Tridentino asserimus, in Attritione spem veniæ involvi debere.

Volebant Hæretici terrores illos doloremque esse primam partem Pœnitentiæ, sine respectu ad Confessionem & satisfactionem. E contra in omni Contritione, siue perfectâ, siue imperfectâ, asserimus includi debere votum Sacramenti, adeo ut etiam in Contritione perfectâ isti voto adscribenda sit reconciliatio.

Denique Lutherani statuiebant suos illos terrores doloremque esse dispositionem proximam & sufficientem ut accedente solâ vana ista fiducia peccator justificationem consequatur. Nos verò indubitatè asserimus, Attritionem nostram, licet spem veniæ adjunctam habeat, & omnem prorsus peccandi voluntatem positivè excludat, nullo modo tamen sufficere ad reconciliationem sine opere operato actualis Sacramenti.

93. Quid igitur proferet P. Farvacques, quo ostendat Lutheranos post desertam patriam Lutheri (quæ & Adversariorum est) de Pœnitentia

rentia & justificatione doctrinam, in nostram sententiam concessisse, aut nobiscum aliquid habuisse commune? Neque enim, ut arbitror, dicit, illos nobiscum admisisse terrores seu timorem, nam hunc non admittit tantum P. Farvacques, sed insuper asserit, timorem in omni justificatione intervenire, illumque à Catholicis nullo modo rejici fatetur Xenii pag. 39.

94. Ex his manifestum est etiam ipsi Auctori Xenii, quod nullo modo præstiterit id, quod facturum se promittit pag. 35. & de quo tamquam ritè peracto sibi gratulatur pag. 38. & 39. Id enim ut præstaret, ostendere debuerat, quod vel Lutherus, vel Confessionistæ deserta priore sententia docuerint, dolorem de peccatis ex motivo metus gehennæ, una cum spe veniæ & proposito non peccandi de cætero, per quæ positivè excludatur omnis voluntas peccandi, sufficere cum Sacramento Pœnitentiæ ad justificationem vi operis operati ipsius Sacramenti sine quo nullo modo haberetur reconciliatio. Quod cum ostendere non possit, necesse est ut fateatur, suam sententiam cum priore Lutheranorum doctrina quoad actum cum Sacramento requisitum concordem esse, nobis cum neutra quidquam esse commune.

95. Advertere operæ pretium est; postquam Lutherani, rejectâ necessitate confessionis & satisfactionis, omni quæ opere operato Sacramenti, tradere inceperunt justificationem obtineri seu apprehendi sola Fide, quæ conscientiam perterritam quietam reddit: adeoque cum jam agerent de justificatione, quæ secluso Sacramento ejusque virtute obtinetur per solos actus peccatoris nempe terrores & fidem: Catholicis necesse non erat, in id abs re fuisset, ex professo contra illos tractare, quis actus accedente virtute Sacramenti actualis sufficeret ad remissionem peccatorum. Sed, quia secretarii Sacramenti necessitate ac virtute eliminata solos actus peccatoris ad illum effectum requirebant, debuerat Catholici aliud arma convertere, nempe ut evincerent terrores & fidem minime sufficere, sed requiri amorem Dei propter se super omnia dilecti. Hinc factum, ut, sicut Lutherani in suis confessionibus, ita quoque Catholici in earundem refutatione vocem *Contritio* sumerent pro Contritione justificante sine actuali Sacramento. Sic Petrus à Soto ad hæc Confessionis Wittebergensis verba: *Contritionem vocamus sensum à divina ira, seu dolorem & pavorem animi ex agnitione magnitudinis peccatorum, & gravitatis iræ Dei ortum.* Ad hæc, inquam, verba in scholiis Catholicis hæc addit Soto: *Adde & vera Dei dilectione, ipsum super omnia bona asinantes sine hac verd, de qua dictum est, dimissa sunt ei peccata multa, quia dilexit multum, Contritio non vera est.* Et paulò infra pag. 36. lit. H. indicat se supra descriptis

scripsisse Contritionem perfectam: quod ipsum plunbus ex Soro ostendi in Respons. ad Epist. Famil. pag. 61. num. 117. Similiter Tapperus agens contra Confessionistas in verbis supra citatis ait: *Nec enim possunt terrores isti esse Contritio, quam Deus despicere non potest.* Ubi agit de Contritione perfecta, & justificante sine Sacramento, ut indicant illa verba, *quam Deus despicere non potest*, quo eodem loquendi modo paulò ante nempe pag. 113. descriperat Tapperus Contritionem prout distincta est ab actu, qui requiritur in Sacramento.

96. Atque hinc colligere licet 1. Quoddam Auctores illi, qui ex professio Confessionistas impugnarunt, ut fecerunt Alphonsus Virvesius, Petrus à Soro, Joannes à Daventria, alique perperam nobis opponantur, tamquam à sententia nostra dissidentes, ex eo, quoddam dicant ad Contritionem requiri charitatem aut amorem Dei etiam super omnia. Cum enim sublato Sacramento ejusque virtute controversia esse non possit, quis sit actus, qui cum Sacramento sufficiat, non tamen sine illo, tota cum hæreticis in hoc verlabatur controversia, an terrores illi cum sola Fide justificarent, quod negabant Catholici, contendebantque requiri insuper Charitatem Dei super omnia ad Contritionem, nempe illam, de qua erat questio, quæ independentem à Sacramento peccata tollit. Patet id ex Joanne à Daventria, qui ad art. 11. Confessionis Augustanz, cum protulisset verba Melancthonis damnantis hanc propositionem Catholicorum, *quid per Attritionem mereamur gratiam*: ita respondet: *Quid per Attritionem mereamur gratiam, si recte intelligatur seriissimum est, multoque clarissimum. Sacramentum enim Baptismi cum Fide & dolore de peccatis, & cum proposito melioris vite acceptum iustificat & salvat. Sic & attritus, id est suorum penitens peccatorum, cum ex F. le peccati & querit divinam gratiam, suscipitque Penitentia Sacramentum, eam haud dubie suscipit, ac de congruo suscipere meretur. Itaque hoc modo de attrito meretur quippiam fieri contritus.* Tum infra ad aliam, quam Apologista ibidem damnat, sententiam, nempe *Quod propter Contritionem, non Fide in Christum, consequamur remissionem peccatorum*; respondet Daventria, hoc non docuisse Catholicos: *Novum enim, inquit, veram Contritionem nunquam haberi posse, nisi per Fidem Charitate formatam, licet per Fidem informem, ut jam diximus, acceri possit peccator.* Ecce pronuntiat Attritionem non esse ex motivo Charitatis, illam nihilominus cum Sacramento mereri gratiam indubitanter asserit. Et tamen tum hic tum alibi ad veram Contritionem requirit Charitatem; nimirum per Contritionem intelligens actum sine Sacramento iustificantem, de quo cum Confessionistis erat disputatio.

97- Collige 2. quid sibi voluerint multi Catholici, dum hanc Confessionistarum

cessionistarum sententiam impugnantes sæpe asserabant, terrores non esse veram pœnitentiam aut Contritionem, sed ad hanc solummodo præparare. Cum enim Lutherani agerent de justificatione independentè à virtute Sacramenti (quam nullam agnoscebant) Catholici in subiecta materia loquentes, nempe de justificatione à virtute Sacramenti independentè, negabant terrores esse veram Contritionem aut Pœnitentiam (nempe in sensu controverso) contendebantque metum esse tantummodo viam ad veram pœnitentiam seu Contritionem, nempe quæ sine Sacramento reconciliat. Sic Tapperus, cum in verbis relatis supra num. 90. dixisset terrores illos non esse Contritionem, quam Deus despicere non potest, subiungit: *Et ideo hic metus, qui adducit dolorem de peccatis, præparat ad veram pœnitentiam* (sive, ut loquitur infra, *ad veram Contritionem*) *per quam peccata remittuntur.* Quo loco agit de actu sine Sacramento actuali justificante; tum, quia addit, per quam *peccata remittuntur*, quod non competit Attritioni, quia in attrito peccata remitti dicuntur per Sacramentum; tum quia in verbis eodem num. 90. citatis, item relatis tract. de Attritione num. 278. manifestè admittit nostram Attritionem cum actuali Sacramento sufficere. Asserit igitur metum non esse Contritionem antonomasticè dictam, sed ad hanc tantum præparare metum, qui adducit seu conjunctum habet dolorem de peccatis.

98. Denique ut absolvam; duas diversas principales de Justificatione sententias diverso tempore tradiderunt Lutherani: de utraque etiam diversis locis tractat Tridentinum. De priorè sententia à Luthero tradita in term. de Pœnit. agit sess. 14. cap. 4. ut sæpe ostendimus. De sententia verò Confessionistarum ad justificationem requirente terrores tantummodo & fidem, agit sess. 6. & 14. 2c. primò quidem sess. 6. cap. 9. fidem ab hæreticis assertam reprobat tanquam *inanem, vanam, & ab omni pietate remotam fiduciam.* Sess. vero 14. cap. 3. postquam designaverat tres esse Pœnitentiæ partes Contritionem, Confessionem, & satisfactionem, damnat eos, qui Pœnitentiæ partes, incussos conscientię terrores, & fidem esse contendunt, prout contendebant Confessionistæ, volentes has esse Pœnitentiæ partes & quidem solas. Unde Canone 4. ejusd. sess. qui Canon respondet dicto capiti tertio ita loquitur Synodus: *Si quis duxerit, duas tantum esse Pœnitentiæ partes, terrores scilicet incussos conscientia agnito peccato, & fidem conceptam ex Evangelio, quæ credit quis, sibi per Christum remissa peccata, anathema sit.*

99. Notatu dignum hæc est, licet Confessio Wittebergensis Concilio Tridentino oblata anno 1552. in Contritionis explicatione meminerit doloris, & Confessio Augustana in posterioribus editionibus; ut vidi-

mus, in prima Pœnitentiæ parte statuat dolorem de peccatis, quod & fecerat Melancthon; nihilominus Tridentinum eorum Contritionem recensens nullâ factâ doloris mentione solum dixerit, *errores inenitiosos conscientia agnito peccato*, quæ sunt ipsissima verba, quibus primam pœnitentiæ partem expressit Confessio originalis Augustana. Unde hanc solam videtur respexisse Tridentinum relictis aliis posterioribus hæreticorum descriptionibus, fortè quia hæc multum ab invicem discrepabant, vel quia dolor, quem posteriores statuebant, utpote consistens cum peccato actuali, ut hoc capite ostensum est, non merebatur nomen doloris ad justificationem requisiti.

### CAPUT III.

*An Tridentinum sess. 14. cap. 4. nomine Attritionis intellexerit proximam dispositionem ad justificationem?*

**S**upposuerat in sua Quæstione Quodlibetica passim Exim. P. Farvacques, dicto loco Tridentini sermonem esse de dispositione proxima; ac responsionem illorum, qui volunt illic agi de dispositione remota, indicarat quidem breviter, ne quid deesset, eam tamen, utpote sibi non necessariam, missam fecerat. In Xenio cap. 3 pag. 39. totus est in probanda hac posteriore explicatione, nempe d. dispositione remota: Hoc dum facit, plurima, quæ ante fusè probaverat & conatus fuerat evincere, planè subvertit ac enervat. Contenderat illa verba Tridentini: *Illam verò Contritionem imperfectam, qua Attritio dicitur.... si voluntatem peccandi excludat.* &c. intelligenda esse de dolore, qui concipiatur ex aliquo Dei propter se amore, quod hic negat. Rursum in Quæst. Quodlib. Argumento 8. pag. 38. §. 1. & 2. multis urserat, quodd negativè excludere voluntatem peccandi, non sit verè excludere, adeoque quodd verba Tridentini; *Si voluntatem peccandi excludat*, intelligi debeant de exclusione positiva, id est, sic ut voluntas peccandi cum actu, de quo loquitur Synodus, consistere nullo modo possit, & in hoc fundabat totum argumentum octavum Quæstionis Quodlib. quod reliquis prolixius est. At in Xenio pag. 45. argumento à me facto respondens recurrit ad exclusionem peccati negativam, tamquam verbis Concilii salvandis sufficientem, additque eam, quæ alibi dixerat de exclusione positiva, dicta esse dissimulanter, & censeri debere sublata. Sicque, quod prius



prius operose probaverat, uno verbo hic destruit; adeo parum efficacia, vel ipso iudice, fuerunt argumenta.

Porro quia ad solutionem eorum, quæ pro explicatione de dispositione remota de novo profert, necessarium est, præ oculis habere tam verba Lutheri, quam Tridentini, ea rursus (ut etiam fecit Auctor Xenii) hic subijciemus.

100. Lutherus serm. 2. de Pœnit: *Contritio* (sic enim cepit vocari vera pœnitentia interior) duplici viâ paratur. Primò per discussionem, collectionem, dejectionem peccatorum, quâ quis, ut dicitur, recogitat annos suos in amaritudine animæ suæ, ponderando peccatorum gravitatem, damnum..... ac æternæ damnationis acquisitionem... Hæc autem contritio facit hypocritam, imò magis peccatorem, quia solum timore præcepti, & dolore damni id facit. Et tales omnes indignè absoluntur & communicantur..... Imò quo magis timore pœnæ & dolore damni se conturbant, eò magis peccant, & afficiuntur suis peccatis, quæ coguntur, non autem volunt odisse. Et hæc est illa contritio, quam ipsi vocant extra Charitatem non meritoriam, alii vocant attritionem proxime disponentem ad contritionem, sic enim ipsi opinantur, quam opinionem errorem ego iudico. Additque amoris iustitiæ facere verè pœnitentem & dignum absolutione.

101. E contra Tridentinum sess. 14. cap. 4. Illam verò Contritionem imperfectam quæ attritio dicitur, quoniam vel ex turpitudinis peccati consideratione, vel ex gehennæ & pœnarum metu communiter conspicitur, si voluntatem peccandi excludat cum spe veniæ, declarat non solum non facere hominem hypocritam & magis peccatorem; verum etiam donum Dei esse & Spiritus S. impulsum, non adhuc quidem inhabitantis, sed tantum moventis, quo pœnitens aditus viam sibi ad iustitiam parat. Et quamvis sine Sacramento pœnitentiæ per se ad iustificationem perducere peccatorem nequeat; tamen eum ad Dei gratiam in Sacramento pœnitentiæ impetrandam deponit..... Quamobrem falsò quidam calumniantur Catholicos scriptores quasi tradidissent Sacramentum pœnitentiæ absque bono motu suscipientium gratiam conferre, quod numquam Ecclesia Dei donum aut sensit. Sed & falsò docent contritionem esse extortam & coactam, non liberam & voluntariam.

102. Deinde in Canone 5. qui respondet capiti citato, ita loquitur: Si quis dixerit eam contritionem, quæ paratur per discussionem, collectionem & dejectionem peccatorum, quæ quis recogitat annos suos in amaritudine animæ suæ, ponderando peccatorum horum gravitatem, multitudinem, seditionem, amissionem æternæ beatitudinis, & æternæ damnationis incurium, cum proposito melioris viæ, non esse verum & utilem dolorem, nec præparare ad gratiam, sed facere hominem hypocritam & magis peccatorem; anathema illi esse dolorem coactum & non liberum ac voluntarium; anathema sit.

## §. 1.

*Respondetur ad argumenta, quibus probat dicto loco Synodum loqui de dispositione remota.*

AUCTOR Xenii cap. 3. §. 4. pag. 42. quatuor addert indicia seu argumenta, quibus convincere nititur, Tridentinum sess. 14. cap. 4. ubi agit de Attritione, intelligi debere de dispositione remota.

103. PRIMVM INDICIUM SEV ARGUMENTVM. Attritio, de qua Tridentinum, *ad Dei gratiam in Sacramento Pœnitentia IMPETRANDAM disponit*. Quare non dicitur quòd Dei gratiam impetret, vel conferat?

Resp. non debuisse his potius, quàm illis verbis uti, sufficit quòd mentem suam clarè exprimat, quòd hic facit, Nam quiscumque demum sit ille actus doloris, qui ad justificationem necessariò requirit consortium actualis Sacramenti, verissimè de illo dicitur; *ad Dei gratiam in Sacramento Pœnitentia impetrandam disponit*. Cum enim talis actus se solo ad justificationem perducere, seu illam impetrare non possit, sed necesse sit accedere Sacramentum, quo, quòd illi actui deest, suppleatur, per illa vasa gratiæ & meritorum Christi, rectissimè dicitur, quòd illa Attritio nos disponat ad impetrandam Dei gratiam in Sacramento Pœnitentia. Neque, credo, negabit Auctor Xenii Attritionem, qualem ipse statuit, impetrare gratiam, aut ad eam in Sacramento impetrandam disponere; cum ipsemet hæc verba: Attritio *ad Dei gratiam in Sacramento Pœnitentia impetrandam disponit*; explicet de Attritione, quæ proximè disponit ad illam gratiam, de qua illic loquitur Synodus; ut ostendam infra num. 116. Nihil ergo subsidii pro sua sententia habet ex illo loquendi modo.

104. Instat 1. cur dicitur quòd disponat ad impetrandum, nisi quia disponit mediante impetratione?

Resp. 1. cur ipse Auctor Xenii hæc ipsa verba alibi intelligit de dispositione proxima, seu non mediante impetratione? ut dicam num. 116.

Resp. 2. idèd dici disponere ad impetrandam gratiam in Sacramento, quia non est dispositio sufficiens ad impetrandam gratiam sine consortio actualis Sacramenti, licet sufficienter disponat ad susceptionem Sacramenti, unde revera aliquid mediat inter illam dispositionem, nempe Attritionem, & impetrationem gratiæ, ipsa nimirum actualis susceptio Sacramenti. Quòd autem illa verba non importent novum aliquem actum, patet ex eo, quòd Synodus dicat disponere ad impetrandam gratiam

gratiam in Sacramento. Ponamus enim præter Attritionem ex metu gehennæ, alium insuper requiri dolorem ex motivo Charitatis ( ut volunt adversarii ) hic actus, utpote dispositio ad Sacramentum Pœnitentiæ, præcedet sine dubio saltem regulariter susceptionem Sacramenti, & in sententia non paucorum necessariò debet præcedere: Ponamus ergo elicitam esse Attritionem ex amore, hoc posito vel verum erit impetrandam gratiam in Sacramento, vel verum non erit; si verum non erit, quomodo dicit Synodus Attritionem ex metu disponere ad Dei gratiam IN SACRAMENTO impetrandam, cum hæc vel numquam, vel saltem regulariter in Sacramento non sit impetranda. Quod si fatearis tunc nihilominus impetrandam gratiam in Sacramento; quandoquidem Attritio illa ex motivo amoris, quam vis debere mediare, sit dispositio ad Sacramentum, ejusque effectum gratiam, & hæc impetranda sit in Sacramento, necesse erit dicere, quod Attritio ex amore disponat ad gratiam in Sacramento impetrandam. Vel igitur inter Attritionem ex amore Dei, & gratiam necessariò mediare debet alius actus, vel non. Non primum, ut manifestum est etiam juxta adversarios; quod si autem fatearis, nullum actum debere mediare, & nihilominus tuam Attritionem disponere ad gratiam in Sacramento Pœnitentiæ impetrandam; quo, quæso, fundamento, ex eo quod nostra Attritio dicatur disponere ad gratiam in Sacramento impetrandam, inferi importari alium actum medium?

105. Instat 2. Tridentinum initio ejusdem capitis 4. loquens de Contritione, quæ est pars Sacramenti Pœnitentiæ, dicit quod illa præparet ad remissionem peccatorum, non autem ad impetrandam remissionem. Cum ergo hoc posteriore loquendi modo utatur, dum agit de Attritione, signum est hanc aliter & tantum remotè disponere.

Resp. 1. hæc idem significant, ut ipsemet fateatur. Vide infra num. 116.

Resp. 2. ergo juxta Auctorem Xenii, si Tridentinum dixisset, Attritionem ( de qua cap. 4. sermo est ) præparare ad gratiam, jam non deberet intelligi de dispositione remota. Atqui Synodus definit hanc Attritionem præparare ad gratiam, ergo mens Synodi non fuit indicare præparationem seu dispositionem remotam. Probatur minor ex sess. 41. Canone 5. (qui Canon respondet dicto capiti 4.) verba Canonis retulimus supra num. 102. Agit in illo Synodus de eadem Attritione, de qua sermo fuerat capite 4. & de qua egerat Lutherus in Serm. de Pœnitentia: prout ex sola verborum inter se collatione adeo manifestum est, ut negari à nemine possit. Atqui dicto Can. 5. definit Synodus illam Attritionem præparare

## CAPUT II.

*Examinatur doctrina Confessionistarum de Contritione.*

**A**Liqua ex Lutheranorum Confessionibus contra nos in Epistola sua Familiari deprompserat Exim. P. Lupus, quibus tamen respondere tunc nolui, quòd meliorem expectarem opportunitatem. Intellexeram enim Xenium Exim. P. Farvacques sub przlo esse, neque dubitabam, quin petium ex Confessionistis argumentum, quod aliquando in publica disputatione proposuerat, plenè & accuratè in hoc suo scripto esset deducturus, quod przstuit Xenii cap. 2.

77. Dixeram in tract. de Attrit. num. 173. ex eo, quod Lutherus admiserit *terrores*, non rectè inferri, quòd sententiam nostram tenuerit, cum Attritio nostra non sint nudi & hebetes *terrores*; quare addidi, ab Auctore Quodlibeticæ, ut aliquid ageret, ostendi debuisse, quòd Lutherus aut Lutherani alicubi docuerint, in Sacramento Pœnitentiæ ad justificationem sufficere dolorem de peccatis, & propositum vitæ novæ ex solo motivo timoris: siue uno verbo, quòd admiserint Attritionem *propterea* in nostra sententia à suis Auctoribus explicatur.

Ad quæ ita respondet Auctor Xenii pag. 35. *Quia verò monuit me officii, & quid ostendere debuerim indicat, parebo monitioni, & injecta mihi obligationis debito me exsolvam.* Et infra pag. 38. tamquam re ex voto confecta, concludit: *Atque iis, quæ tribus hujce paragraphis dicta sunt, spero me præstissey, quod exigebat Adversarius.* Et tandem pag. 39 ait: *ex dictis hoc capite manifestum est, quàm non de nihilo dixerim in Quest. Quodlib. nobis & Adversariis aliquid esse cum Lutherana doctrina commune, & aliquid diversum, quodque comparatione Lutheri habeamus nos, juxta phrasim Philosophorum, ut excedentia & excessa. Quæ omnia sine fundamento dicta esse, patebit ex tradendis hoc capite, in quo, quænam fuerit duplex illa Lutheranorum sententia, examinabimus.*

78. Ac primò quidem manifestum est, Lutherum initio defectionis suæ, & præsertim in sermone de Pœnitentia rejecisse omnem pœnitentiam, quæ concipitur ex metu, spe, aut alio si nili motivo ab amore distincto, & pronuntiasse, peccatorem adferentem talem pœnitentiam absolutione indignum esse: solam verò illam, quæ ex amore concipitur, esse veram pœnitentiam, & absolutione dignos reddere. Hæc autem est ipsissima sententia Adversariorum; unde fatetur hic Auctor Quest. Quodlib.

Quodlib. pag. 52. hoc sibi cum Luthero commune esse, quod initio defectionis suæ docuerit pœnitentiã omnem debere ex amore concipi.

79. Porro quod §. 2. ait P. Farvacques, in hac sententia non perstisse Lutheranos, sed, ut in plurimis aliis, ita quoque in hoc puncto, non sine Lutheri approbatione, diversam à priori de justificatione peccatoris tradidisse doctrinam, planè admitto, tamquam rem certam & indubitatam; agnovit etiam ipsa Synodus Tridentina utramque hanc hæreticorum diversò tempore doctrinam, & quid de utraque sentendum sit nos docuit, ut videbimus in fine hujus capituli.

Convenit ergo inter nos de priori Lutheri sententia, qualis ea fuerit; item quòd in illa Lutherani non perstiterint, sed in aliam planè diversam abierint. Quare tantummodo hîc examinandum, quænam fuerit posterior Lutheranorum de Pœnitentia doctrina, & an hæc aliquid habeat cum nostra sententia commune, quod affirmat Auctor Xenii.

80. Constat Lutheranos, postquam à doctrina Lutheri tradita in famoso illo sermone de Pœnitentia, incepterunt deficere, duas hæc satis constanter pœnitentiæ partes statuissè: alteram Contritionem seu incussum conscientie agnito peccato terrores; alteram verò fidem, seu præsumptuosam illam fiduciam, qua peccator certò, & sine ulla dubitatione aut hæsitacione sibi persuadet ac credit peccata sibi per Christum remitti. Sic tamen ut postremæ parti, nempe Fidei, tribuerent justificationem, licet terrores illos, qui ipsis erant contritio, prærequirerent; & hac ratione explicabant suum illud commune dogma, quòd sola fides justificet. Hæc adeo manifesta & obvia sunt sive in Catholicorum, sive in hæreticorum scriptis, ut necesse non sit horum testimonia transcribere.

81. Quoad primam dictarum Pœnitentiæ partium, nempe Contritionem, certum est hæreticos eam initio explicasse per solos terrores incussum conscientie agnito peccato, nulla tacta mentione doloris de peccatis præteritis, aut propoliti in postum. Ita explicuit primigenia Lutheranorum confessio exhibita Cæsari in Comitibus Augustanis anno 1530. unde in exemplari Confessionis impresso Wittebergæ anno 1531. ita habet articulus 12. *Constas Pœnitentia proprie his duabus partibus: altera est Contritio, seu terrores incussum conscientie agnito peccato. Altera est fides, qua concipitur ex Evangelio, seu absolutione, & creditur propter Christum remitti peccata, & consolatur conscientiam, & ex terroribus liberat.* Hæc tenus Confessio originalis. Unde & Joannes a Dàventria in dictæ Confessionis exegesi scripta anno 1535. non alia profert ex Confessione verba, quàm quæ

jam recensuimus, prout in ipso videre est pag. 177. Dico non alia protulisse ex Confessione Augustana: nam verba adversariorum quæ postea adducit pag. 182. in quibus Contritio explicatur per dolorem de peccatis, non sunt verba Confessionis Augustanæ, ut perperam aliquis putavit, sed sunt verba Philippi Melancthonis in dictæ Confessionis Apologia. Similiter David Chytreus Rostockiensis in Augustanæ Confessionis historia impressa Antverpiæ 1582. hanc prout Czari oblata est referens, non alia exhibet verba, quàm superius relata, non facta doloris mentione.

82. Cœpit ergo Melancthon in dicta Apologia doloris de peccatis in Contritione mentionem facere, & sic aliquantulum, ut inquit Daventria, sese corrigere. Sic enim habet dicta Apologia: *De Contritione præcidimus illas otiosas & infinitas disputationes, quando ex dilectione Dei, quando ex timore pœnæ doleamus. Sed dicimus Contritionem esse veros terrores conscientia, quæ Deum sentit irasci peccato, & DOLET SE PECCASSE.* Hunc dolorem pluribus exponit Confessio Augustana in posterioribus editionibus aucta & alterata, nam impressa anno 1553. sic habet: *Constat Pœnitentia, id est conversio impij propriè his duabus partibus: Altera est Contritio, hoc est terrores inculsi conscientia agnito peccato, in quibus & iram Dei agnoscimus, & DOLEMUS NOS PECCASSE, ET PECCATA DETESTAMUR ET FUGIMUS. Altera est fides &c.* Similiter Confessio Wittebergenfis & Saxonica in explicatione Contritionis loquuntur de dolore, & pœnæ anime.

83. Hoc igitur etiam inter nos convenit, admissum postea à Lutheranis fuisse dolorem de peccatis. Propositum vitandi in posterum peccata, in nulla Confessione Lutherana reperio expressum. At, inquit P. Farvacques, propositum virtute includitur in dolore de peccatis, propositi insuper meminit Lutherus. Ita sit, jam videamus, quale sit illud propositum, aliaque quæ circa hanc postremam hæreticorum de Contritione sententiam advertenda sunt.

84. Primò sive Confessionistæ per dolorem de peccatis inclusum in Contritione, intellexerint etiam propositum non peccandi de cætero, sive non: hoc constat, quod non intellexerint dolorem & propositum efficax, seu excludens voluntatem peccandi, & actuale peccatum. Manifestum id est ex duplici capite: primum est, quodd constanter inculeant, Contritionem, qualem ipsi statuebant, seu terrores illos ac dolorem quod majores sunt, eò fortius ac certiùs pertrahere peccatores in desperationem, odium Dei, ac exitium sempiternum, nisi huic Contritioni accesserit altera, quam assignant, Pœnitentiæ pars, nempe fides illa firma, & minimè hæsitans, qua peccator certò credat peccata propter Christum



Christum sibi esse remissa. Ita tradit pluribus locis Melancthon in Apologia, Confessio Witteberlis titulo de Contritione, Confessionistæ in Recusatione Tridentini pag. 303. 306. & alibi.

85. Alterum & præceptum caput est, quod Lutherani agnoscant, in iis, qui actu gravissimè peccabant ex desperatione se interimendo, fuisse veram Contritionem primam Pœnitentiæ partem, qualem ipsi requirebant; imò hos ipsos desperantes asserere habuisse Contritionem non parvam nec vulgarem, illisque ad justificationem nihil quidquam defuisse ex parte Contritionis, sed solam defuisse alteram Pœnitentiæ partem à priori distinctam, nempe vanam illam de remissis peccatis fidem. Sic Melancthon in Apologia Confess. Augustanz Tit. de Pœnitentia, cum retulisset sententiam Catholicorum docentium peccatores Contritione mereri gratiam, subdit: *Ubi si quis* (Catholicos) *interroget, quare Judas & similes non consequantur gratiam, qui* HORRIBILITER CONTRITI SUNT. *Hic de Fide & Evangelio respondendum erat, quòd Judas non crediderit, non exerxit se Evangelio & promissione Christi. Fides enim ostendit delictum inter Contritionem Judæ & Petri. Ubi vides juxta Apologiam, quòd actus ille, qui in Judæ de facto simul stabat cum gravissimo desperationis & homicidii peccato, habuerit omnia, quæ ipsi ad Contritionem primam Pœnitentiæ partem requirebant, quæque sufficiens esset ad justificationem, dummodo accederet altera Pœnitentiæ pars, nempe fides firma de remisso peccato. Neque juxta illos pœnitentia Petri à Pœnitentia Judæ differebat penes Contritionem, sed tantum penes alteram Pœnitentiæ partem, quòd nimirum in Petro accesserit Fides, quâ caruit Judas, licet alioqui insigniter contritus. Similiter Confessio Wittebergensis oblata Concilio Tridentino anno 1552. sic habet Tit. de Contritione: Testantur exempla Cain, Esau, Saulis, Judæ Iscariotis & aliorum, quòd Contritio non sit meritum remissionis peccatorum. Hi enim etsi TANTAM habuerint CONTRITIONEM, ut tollerabilius illis visum fuerit, vitam sibi aut laqueis, aut gladiis abrumpere, quàm HORRIBILES illos DOLORES perire, tamen non sunt remissionem peccatorum consecuti. In quæ hujus Confessionis verba ita scribit Petrus à Soto in scholiis Catholicis pag. 36. lit. H. Hic ostendunt, quàm præposterè de Contritione loquuntur: contritio illa fuit, sed qualis in damnatis.... Nullus Catholicus sensus unquam horum veram Contritionem putavit. Denique apertissimè Melancthon in Apologia Tit. de Pœnitentia: Ideo Judæ aut Saulis contritio non prodest, quia non accedit ad eam hæc fides apprehendens remissionem peccatorum donatam propter Christum. Ideo prodest Davidis aut Petri contritio, quia ad eam Fides accedit apprehendens remissionem peccatorum.*

86. Judas ergo alique similes habuerunt, in sententia Confessionistarum *magnam Contritionem*, habuerunt *horribiles dolores*: certum tamen est in Juda aliisque non potuisse esse dolorem ac propositum excludens positivè omnem voluntatem peccandi, cum illa Contritio & dolores de facto starent cum gravissimo desperationis & homicidii peccato. Quamvis igitur Lutherani Contritionem postea explicarint non per solos terrores, sed insuper per dolorem de peccatis, imò, si velis, etiam per propositum in posterum; Constat tamen non statuisse dolorem ac propositum tale, quale nos requirimus, sed planè aliud, quale nempe est in damnatis, ut dicebat Soto.

87. Secundò Contritio, quam primam Pœnitentiæ partem statuebant Lutherani, non habebat adjunctam Spem veniæ. Manifestum id est ex jam dictis: fatebantur enim in Juda fuisse insignem Contritionem, in quo tamen, cum de facto desperarit, non potuit simul adfuisse Spes veniæ. Imò Spem veniæ, qualem cum Tridentino requirunt Catholici in Contritione prima Pœnitentiæ parte, dicti hæretici non tantùm reprobabant tamquam insufficientem pacandis conscientijs, sed insuper peccati ac impietatis damnabant: hujus autem loco substituebant fidem illam firmam ac minimè hesitantem de remisso peccato; eam insuper fidem volebant spectare ad primam Pœnitentiæ partem nempe Contritionem, sed volebant esse alteram Pœnitentiæ partem à priore seu Contritione diversam.

Hæc omnia manifesta sunt ex hæreticorum Confessionibus aliisque scriptis, in Confessione Wittebergensi; in Saxonica titulo de Pœnitentia, in Confessione Augustana impressa anno 1553. in articulis fidei præcipuis num. 5. Denique Confessionistæ in Reculatione Tridentini ad Canonem 13. & 14. sess. 6. ita loquuntur pag. 303. *Patres Tridentini errores erroribus cumulant addunt, de remissione peccatorum & gratia oportere hominem semper dubitare, neque fas esse, ut hac de re firmiter & sine dubitatione apud animum constituat cerid sibi remissa esse peccata .... Hoc quid aliud est, quam religionem omnem, omnemque pietatem p'nitus evertere atque abolere? aut, vel in securitatem ethnicam & epicuream convertere, vel in impiam ac diabolicam desperationem & fremitum transformare univerſa.* Hæc & plura impie ac imprudenter dicto loco Reculantes.

88. Terriò terrores hos & dolores volebant hæretici esse Contritionem primam pœnitentiæ partem, licet in illis nullus involveretur respectus ad confessionem, & latifactionem, sive sine proposito confiteri & satisfaciendi. Omnem enim satisfactionem nostram rejiciebant ut injuriosam Christi satisfactioni, confessionem verò homini factam negabant esse necessa-

riam

riam: dicebant tamen se illam retinere duabus de causis: 1. ut rudes in privato hoc colloquio instruerentur: 2. ut audito Euangelio de remissione peccatorum, fides illa firma vel conciperetur, vel augeretur. Ita Confessio Augustana tit: de bonis operibus, Confessio Wittebergen-  
sis &c.

89. Quartò denique asseriebant Lutherani, quod terrores illi essent ultima & sufficiens dispositio, ut accedente sola illa hæretica Fide, alterà Pœnitentiæ parte, peccator justificetur, & negabant ac explodebant omne opus operatum Sacramenti Pœnitentiæ: ut videre est in Confessione Augustana impressa anno 1553 num 13 pag. 9. & passim alibi.

90. Ea quæ hætenus circa Contritionem a Lutheranis requisitam annotavimus, jam pridem animadvertit Tapperus, qui cum art. 3. pag. 102. protulisset ex Confessione Augustana posterioris alicujus editionis, hanc sententiam; *Pœnitentia hoc est conversio impij constat propriè ex duabus partibus: quarum altera est Contritio, id est terrores incussi conscientia agnito peccato, in quibus & iram Dei agnosimus, & dolemus nos peccasse, & peccata detestamur & fugimus. Et altera pars est Fides &c.* Postea explicans quid in hac doctrinâ perversum sit ac perniciosum, ita loquitur ad Artic. 4. pag. 114. col. 2. *Perniciosa est doctrina, quæ asserunt, etiam hos terrores esse partem Pœnitentiæ nullo habito respectu confessionis & satisfactionis, quodque est immediata & ultima dispositio, ut Fide accedente justificemur, quæ omnia erronea sunt & perniciosa. Nec enim possunt terrores illi esse Contritio, quam Deus despiciere non potest, cum his terroribus affectum Deus plerumque depiciat. Nam esse possunt in desperantibus sine Fide & Spe venia. Imò secundum adversarios (id est Confessionistas) in desperationem ducunt nisi accesserit Fides. Tum huic erroneæ hæreticorum sententiæ opponit Tapperus aliam, quam & approbat, sic enim ibidem nullis interpolitis prosequitur: Si tamen quis consideratione peccati, & ira Dei, velit se submittere correctioni & clavibus Ecclesiæ, vitam emendare instituens, videtur hic sufficienter preparatus, ut virtute Sacramenti ei peccata remittantur. Nec oportet, quod ille dolor peccati & terrores ex immoderato sui amore proficiantur: quia sicut quadam sunt honesta & appetibilia secundum se, ut virtus, honor, sanitas & vita: ita quadam eundem se sunt fugibilia: quale est peccatum & supplicium gehennæ. Hic admittit Tapperus dolorem qui ex agnito peccato & consideratione iræ Dei concipitur, quem pronuntiat esse ex amore sui, non tamen inordinato, videri sufficere ad justificationem cum Sacramento, dummodo sic dolens statuat vitam emendare, & se submittere correctioni & clavibus Ecclesiæ: adeoque manifestè approbat nostram sententiam, eamque ut sanam opponit erroneæ Lutheranorum doctrinæ: tantum abest, ut*

illam putaret vel in minimo cum hac consentire.

91. Quam vis ergo Confessionistæ terrores suos explicarent per dolorem de peccatis, horumque detestationem ac fugam; illorum nihilominus sententiam in multis prohibuit Tapperus perniciosam & erroneam. 1. quod in his terroribus nullus includeretur respectus ad Confessionem & satisfactionem. 2. quod terrores ab Hæreticis asserti non haberent necessariò adjunctam spem veniæ. 3. Quod essent tales, ut si in illis sisteretur essent via recta ac certa ad desperationem, ac proinde voluntatem peccandi nullo modo excluderent. 4. Denique quod terrores illos, conjunctumque qualem qualem dolorem vellent esse dispositionem immediatam & ultimam, sic ut solâ Fide accedente peccator justificetur. Quæ omnia cum Tappero perniciose & erronee censemus, iisque contraria docemus.

92. Nam Hæretici non admittebant alium dolorem seu Contritionem, quam quæ, si sola sit, viam sternat ad desperationem, & quæ esse possit, imò de facto fuerit in Juda aliisque cum actuali desperatione sui que interemptione. Nos tamen dolorem, ex quocumque denique motivo dicatur concipi, rejicimus ut insufficientem etiam cum Sacramento, requirimusque actum, qui positivè excludat omnem voluntatem peccandi, sic ut cum illo peccatum mortale actuale componi nequeat.

Hæretici in Contritione primæ Pœnitentiæ partem non complectebantur Spem veniæ, sed hanc ut malam ab ea positivè repellabant. Nos è contra cum Tridentino asserimus, in Attritione spem veniæ involvi debere.

Volebant Hæretici terrores illos doloremque esse primam partem Pœnitentiæ, sine respectu ad Confessionem & satisfactionem. E contra in omni Contritione, sive perfecta, sive imperfecta, asserimus includi debere votum Sacramenti, adeo ut etiam in Contritione perfecta isti voto adscribenda sit reconciliatio.

Denique Lutherani statuebant suos illos terrores doloremque esse dispositionem proximam & sufficientem ut accedente solâ vana ista fiducia peccator justificationem consequatur. Nos verò indubitare asserimus, Attritionem nostram, licet spem veniæ adjunctam habeat, & omnem prorsus peccandi voluntatem positivè excludat, nullo modo tamen sufficere ad reconciliationem sine opere operato actualis Sacramenti.

93. Quid igitur proferet P. Farvacques, quo ostendar Lutheranos post desertam Attritionem Lutheri (quæ & Adversariorum est) de Pœnitentia

sentia & justificatione doctrinam, in nostram sententiam concessisse, aut nobiscum aliquid habuisse commune? Neque enim, ut arbitrator, dicet, illos nobiscum admisisse terrores seu timorem, nam hunc non admittit tantum P. Farvacques, sed insuper asserit, timorem in omni justificatione intervenire, illumque à Catholicis nullo modo rejici fatetur Xenii pag. 39.

94. Ex his manifestum est etiam ipsi Auctori Xenii, quod nullo modo præstiterit id, quod facturum se promittit pag. 35. & de quo tamquam ritè peracto sibi gratulatur pag. 38. & 39. Id enim ut præstaret, ostendere debuerat, quod vel Lutherus, vel Confessionistæ deserta priore sententia docuerint, dolorem de peccatis ex motivo metus gehennæ, una cum spe veniæ & proposito non peccandi de cætero, per quæ positivè excludatur omnis voluntas peccandi, sufficere cum Sacramento Pœnitentiæ ad justificationem vi operis operati ipsius Sacramenti sine quo nullo modo haberetur reconciliatio. Quod cum ostendere non possit, necesse est ut fateatur, suam sententiam cum priore Lutheranorum doctrina quoad actum cum Sacramento requisitum concordem esse, nobis cum neutra quidquam esse commune.

95. Advertere operæ pretium est; postquam Lutherani, rejectà necessitate confessionis & satisfactionis, omnique opere operato Sacramenti, tradere inceperunt justificationem obtineri seu apprehendi sola Fide, quæ conscientiam perterritam quietam reddit: adeoque cum jam agerent de justificatione, quæ seculo Sacramento ejusque virtute obtinetur per solos actus peccatoris nempe terrores & fidem: Catholicis necesse non erat, imò abs re fuisset, ex professo contra illos tractare, quia actus accedente virtute Sacramenti actualis sufficeret ad remissionem peccatorum. Sed, quia statarii Sacramenti necessitate ac virtute eliminata solos actus peccatoris ad illum effectum requirebant, debuerat Catholici aliud arma convertere, nempe ut evincerent terrores & fidem minime sufficere, sed requiri amorem Dei propter se super omnia dilecti. Hinc factum, ut, sicut Lutherani in suis confessionibus, ita quoque Catholici in earundem refutatione vocem *Contritio* sumerent pro Contritione justificante sine actuali Sacramento. Sic Petrus à Soto ad hæc Confessionis Wittebergensis verba: *Contritionem, vocamus sensum à viâ ira, seu dolorem & pavorem animi ex agnitione magnitudinis peccatorum, & gravitatis ira Dei ortum.* Ad hæc, inquam, verba in scholiis Catholicis hæc addit Soto: *Adde & verâ Dei dilectionem, ipsum super omnia bona estimantes sine hac verd, de qua dictum est, dimissa sunt ei peccata multa, quia dilexisti nomen, Contritio non vera est.* Et paulo infra pag. 36. lit. H. indicat se supra descriptisse

scripsisse Contritionem perfectam: quod ipsum pluribus ex Soto ostendi in Respons. ad Epist. Famil. pag. 61. num. 117. Similiter Tapperus agens contra Confessionistas in verbis supra citatis ait: *Nec enim possunt terrores illi esse Contritio, quam Deus despicere non potest.* Ubi agit de Contritione perfecta, & justificante sine Sacramento, ut indicant illa verba, *quam Deus despicere non potest*, quo eodem loquendi modo paulò ante nempe pag. 113. describerat Tapperus Contritionem prout distincta est ab actu, qui requiritur in Sacramento.

96. Atque hinc colligere licet 1. Quòd Auctores illi, qui ex professo Confessionistas impugnarunt, ut fecerunt Alphonsus Virvesius, Petrus à Soto, Joannes à Daventria, alique perperam nobis opponantur, tamquam à sententia nostra dissidentes, ex eo, quòd dicant ad Contritionem requiri charitatem aut amorem Dei etiam super omnia. Cum enim sublato Sacramento ejusque virtute controversia esse non possit, quis sit actus, qui cum Sacramento sufficiat, non tamen sine illo, tota cum hæreticis in hoc versabatur controversia, an terrores illi cum sola Fide justificarent, quod negabant Catholici, contendebantque requiri intuper Charitatem Dei super omnia ad Contritionem, nempe illam, de qua erat questio, quæ independentè à Sacramento peccata tollit. Patet id ex Joanne à Daventria, qui ad art. 11. Confessionis Augustanz, cum protulisset verba Melancthonis damnantis hanc propositionem Catholicorum, *quod per Attritionem mereamur gratiam*; ita respondet: *Quod per Attritionem mereamur gratiam, si rectè intelligatur verissimum est, multoque clarissimum. Sacramentum enim Baptismi cum Fide & dolore de peccatis, & cum propositio melioris vitæ acceptum justificat & salvat. Sic & attritio, id est suorum penitens peccatorum, cum ex F. le petis & queris divinam gratiam, suscipi que Penitentia Sacramentum, eam hand dubie suscipis, ac de congruo suscipere meretur. Itaque hoc modo de attrito meretur quispiam fieri contritus.* Tum infra ad aliam, quam Apologista ibidem damnat, sententiam, nempe *Quod propter Contritionem, non Fide in Christum, consequamur remissionem peccatorum*; respondet Daventria, hoc non docuisse Catholicos: *Novum enim, inquit, veram Contritionem nunquam haberi posse, nisi per Fidem Charitate formatam, licet per Fidem informem, ut jam diximus, attriti possint peccatores.* Ecce pronuntiat Attritionem non esse ex motivo Charitatis, illam nihilominus cum Sacramento mereri gratiam indubitanter asserit. Et tamen tum hic tum alibi ad veram Contritionem requirit Charitatem; nimirum per Contritionem intelligens actum sine Sacramento justificantem, de quo cum Confessionistis erat disputatio.

97- Collige 2. quid sibi voluerint multi Catholici, dum hanc Confessionistarum



Confessionistarum sententiam impugnantes sæpe asserbant, terrores non esse veram pœnitentiam aut Contritionem, sed ad hanc solummodo præparare. Cum enim Lutherani agerent de justificatione independentem à virtute Sacramenti (quam nullam agnoscebant) Catholici in subjecta materia loquentes, nempe de justificatione à virtute Sacramenti independente, negabant terrores esse veram Contritionem aut Pœnitentiam (nempe in sensu controverso) contendebantque metum esse tantummodo viam ad veram pœnitentiam seu Contritionem, nempe quæ sine Sacramento reconciliat. Sic Tapperus, cum in verbis relatis supra num. 90. dixisset terrores illos non esse Contritionem, quam Deus despiciere non potest, subiungit: *Et ideo hic metus, qui adducit dolorem de peccatis, præparat ad veram pœnitentiam* (sive, ut loquitur infra, *ad veram Contritionem*) *per quam peccata remittuntur.* Quo loco agit de actu sine Sacramento actuali justificante; tum, quia addit, per quam *peccata remittuntur*, quod non competit Attritioni, quia in attrito peccata remitti dicuntur per Sacramentum; tum quia in verbis eodem num. 90. citatis, item relatis tract. de Attritione num. 278. manifestè admittit nostram Attritionem cum actuali Sacramento sufficere. Asserit igitur metum non esse Contritionem antonomasticè dictam, sed ad hanc tantum præparare metum, qui adducit seu conjunctum habet dolorem de peccatis.

98. Denique ut absolvam; duas diversas principales de Justificatione sententias diverso tempore tradiderunt Lutherani: de utraque etiam diversis locis tractat Tridentinum. De priorē sententia à Luthero tradita in term. de Pœnit. agit sess. 14. cap. 4. ut sæpe ostendimus. De sententia verò Confessionistarum ad justificationem requirente terrores tantummodo & fidem, agit sess. 6. & 14. ac primò quidem sess. 6. cap. 9. fidem ab hæreticis assertam reprobatur tanquam *inanem, vanam, & ab omni pietate remotam fiduciam.* Sess. vero 14. cap. 3. postquam definiērat tres esse Pœnitentiæ partes Contritionem, Confessionem, & satisfactionem, damnat eos, qui Pœnitentiæ partes, incuscos conscientię terrores, & fidem esse contendunt, prout contendebant Confessionistæ, volentes has esse Pœnitentiæ partes & quidem solas. Unde Canone 4. ejusd. sess. qui Canon respondet dicto capiti tertio ita loquitur Synodus: *Si quis dixerit, duas tantum esse Pœnitentiæ partes, terrores scilicet incuscos conscientię agnito peccato, & fidem conceptam ex Evangelio, quæ credit quis, sibi per Christum remissa peccata; anathema sit.*

99. Notatu dignum hic est, licet Confessio Wittebergenfis Concilio Tridentino oblata anno 1552. in Contritionis explicatione meminerit doloris, & Confessio Augustana in posterioribus editionibus; ut vidi-

mus, in prima Pœnitentiæ parte statuat dolorem de peccatis, quod & fecerat Melancthon; nihilominus Tridentinum eorum Contritionem recensens nullâ factâ doloris mentione solum dixerit, *terrores incusso conscientia agnito peccato*, quæ sunt ipsissima verba, quibus primam pœnitentiæ partem expressit Confessio originalis Augustana. Unde hanc solum videtur respexisse Tridentinum relictis aliis posterioribus hæreticorum descriptionibus, fortè quia hæ multum ab invicem discrepabant, vel quia dolor, quem posteriores statuebant, utpote consistens cum peccato actuali, ut hoc capite ostensum est, non merebatur nomen doloris ad justificationem requisiti.

### CAPUT III.

*An Tridentinum sess. 14. cap. 4. nomine Attritionis intellexerit proximam dispositionem ad justificationem?*

**S**upposuerat in sua Quæstione Quodlibetica passim Exim. P. Farvacques, dicto loco Tridentini sermonem esse de dispositione proxima; ac responsionem illorum, qui volunt illic agi de dispositione remota, indicarat quidem breviter, ne quid deesset, eam tamen, utpote sibi non necessariam, missam fecerat. In Xenio cap. 3 pag. 39. totus est in probanda hac posteriore explicatione, nempe de dispositione remota: Hoc dum facit, plurima, quæ ante fusè probaverat & conatus fuerat evincere, planè subvertit ac enervat. Contenderat illa verba Tridentini: *Illam verò Contritionem imperfectam, quæ Attritio dicitur..... si voluntatem peccandi excludat.* &c. intelligenda esse de dolore, qui concipitur ex aliquo Dei propter se amore, quod hic negat. Rursum in Quæst. Quodlib. Argumento 8. pag. 38. §. 1. & 2. multis urserat, quod negativè excludere voluntatem peccandi, non sit verè excludere, adeoque quod verba Tridentini; *Si voluntatem peccandi excludat*, intelligi debeant de exclusione positiva, id est, sic ut voluntas peccandi cum actu, de quo loquitur Synodus, consistere nullo modo possit, & in hoc fundabat totum argumentum octavum Quæstionis Quodlib. quod reliquis prolixius est. At in Xenio pag. 45. argumento à me facto respondens recurrit ad exclusionem peccati negativam, tamquam verbis Concilii salvandis sufficientem, additque eam, quæ alibi dixerat de exclusione positiva, dicta esse dissimulanter, & censeri debere sublata. Sicque, quod prius

prius operose probaverat, uno verbo hic destruit; adeo parum efficacia, vel ipso iudice, fuerunt argumenta.

Porro quia ad solutionem eorum, quæ pro explicatione de dispositione remota de novo profert, necessarium est, præ oculis habere tam verba Lutheri, quam Tridentini, ea rursus (ut etiam fecit Auctor Xenii) hic subiiciemus.

100. Lutherus serm. 2. de Pœnit: *Contritio* (sic enim cepit vocari vera pœnitentia interior) duplici viâ paratur Primò per discussionem, collectionem, dejectionem peccatorum, quâ quis, ut dicunt, recogitat annos suos in amaritudine animæ suæ, ponderando peccatorum, gravitatem, damnum..... ac æternæ damnationis acquisitionem... Hæc autem contritio facit hypocritam, imò magis peccatorem, quia solum timore præcepti, & dolore damni id facit. Et tales omnes indignè absoluntur & communicantur..... Imò quo magis timore pœnæ & dolore damni sic contemuntur, eò magis peccant, & afficiuntur suis peccatis, quæ coguntur, non autem volunt odisse. Et hæc est illa contritio, quam ipsi vocant extra Charitatem non meritoriam, alii vocant attritionem proxime disponentem ad contritionem, sic enim ipsi opinantur, quam opinionem errorem ego iudico. Additque amorem iustitiæ facere verè pœnitentem & dignum absolutione.

101. È contra Tridentinum sess. 14. cap. 4. *Illem verò Contritionem imperfectam* quæ attritio dicitur, quoniam vel ex turpitudinis peccati consideratione, vel ex gehennæ & pœnarum metu communiter concipitur, si voluntatem peccandi excludas cum spe veniæ; declarat non solum non facere hominem hypocritam & magis peccatorem; verum etiam donum Dei esse & Spiritus S. impulsus, non adhuc quidem inhabitantis, sed tantum morientis, quo pœnitens adiutus viam sibi ad iustitiam parat. Et quamvis sine Sacramento pœnitentiæ per se ad iustitiam non perducere peccatorem nequeat; tamen cum ad Dei gratiam in Sacramento pœnitentiæ impetrandam disponit..... Quamobrem falsò quidam calumniantur Catholicos scriptores quasi tradiderint Sacramentum pœnitentiæ absque bono motu suscipientium gratiam conferre, quod numquam Ecclesia Dei docuit aut sensit. Sed & falsò docens contritionem esse extortam & coactam, non liberam & voluntariam.

102. Deinde in Canone 5. qui respondet capiti citato, ita loquitur: Si quis dixerit eam contritionem, quæ paratur per discussionem, collectionem & dejectionem peccatorum, quæ quis recogitat annos suos in amaritudine animæ suæ, ponderando peccatorum suorum gravitatem, multitudinem, fixitatem, acquisitionem æternæ beatitudinis, & æternæ damnationis incurium, cum proposito melioris vitæ, non esse verum & utilem dolorem, nec preparare ad gratiam, sed facere hominem hypocritam & magis peccatorem; anathema sit illum esse dolorem coactum & non liberum ac voluntarium; anathema sit.

## §. 1.

*Respondetur ad argumenta, quibus probat dicto loco Synodum loqui de dispositione remota.*

Auctor Xenii cap. 3. §. 4. pag. 42. quatuor adfert indicia seu argumenta, quibus conficere nititur, Tridentinum sess. 14. cap. 4. ubi agit de Attritione, intelligi debere de dispositione remota.

103. PRIMVM INDICIUM SEV ARGVMENTVM. Attritio, de qua Tridentinum, *ad Dei gratiam in Sacramento Pœnitentie IMPETRANDAM disponit*. Quare non dicitur quòd Dei gratiam impetret, vel conferat?

Resp. non debuisse his potiùs, quàm illis verbis uti, sufficit quòd mentem suam clarè exprimat, quod hic facit, Nam quis cumque demum sit ille actus doloris, qui ad justificationem necessariò requirit consortium actualis Sacramenti, verissimè de illo dicitur; *ad Dei gratiam in Sacramento Pœnitentie impetrandam disponit*. Cum enim talis actus se solum ad justificationem perducere, seu illam impetrare non possit, sed necesse sit accedere Sacramentum, quo, quod illi actui deest, suppleatur, per illa vasa gratiæ & meritorum Christi, rectissimè dicitur, quòd illa Attritio nos disponat ad impetrandam Dei gratiam in Sacramento Pœnitentie. Neque, credo, negabit Auctor Xenii Attritionem, qualem ipse statuit, impetrare gratiam, aut ad eam in Sacramento impetrandam disponere; cum ipsemet hæc verba: Attritio *ad Dei gratiam in Sacramento Pœnitentie impetrandam disponit*; explicet de Attritione, quæ proximè disponit ad illam gratiam, de qua illic loquitur Synodus; ut ostendam infra num. 116. Nihil ergo subsidii pro sua sententia habet ex illo loquendi modo.

104. Instat L. cur dicitur quod disponat ad impetrandum, nisi quia disponit mediante impetratione?

Resp. 1. cur ipse Auctor Xenii hæc ipsa verba alibi intelligit de dispositione proxima, seu non mediante impetratione? ut dicam num. 116.

Resp. 2. idèd dici disponere ad impetrandam gratiam in Sacramento, quia non est dispositio sufficiens ad impetrandam gratiam sine consortio actualis Sacramenti, licet sufficienter disponat ad susceptionem Sacramenti, unde revera aliquid mediat inter illam dispositionem, nempe Attritionem, & impetrationem gratiæ, ipsa nimirum actualis susceptio Sacramenti. Quòd autem illa verba non importent novum aliquem actum, patet ex eo, quòd Synodus dicat disponere ad impetrandam gratiam

gratiam in Sacramento. Ponamus enim præter Attritionem ex metu gehennæ, alium insuper requiri dolorem ex motivo Charitatis ( ut volunt adversarii ) hic actus, utpote dispositio ad Sacramentum Pœnitentiæ, præcedet sine dubio saltem regulariter susceptionem Sacramenti, & in sententia non paucorum necessariò debet præcedere : Ponamus ergo elicitam esse Attritionem ex amore, hoc posito vel verum erit impetrandam gratiam in Sacramento, vel verum non erit; si verum non erit, quomodo dicit Synodus Attritionem ex metu disponere *ad Dei gratiam IN SACRAMENTO impetrandam*, cum hæc vel numquam, vel saltem regulariter in Sacramento non sit impetranda. Quòd si fatearis tunc nihilominus impetrandam gratiam *in Sacramento*; quandoquidem Attritio illa ex motivo amoris, quam vis debere mediare, sit dispositio ad Sacramentum, ejusque effectum gratiam, & hæc impetranda sit in Sacramento, necesse erit dicere, quòd Attritio ex amore disponat *ad gratiam in Sacramento impetrandam*. Vel igitur inter Attritionem ex amore Dei, & gratiam necessariò mediare debet alius actus, vel non. Non primum, ut manifestum est etiam juxta adversarios; quòd si autem fatearis, nullum actum debere mediare, & nihilominus tuam Attritionem disponere *ad gratiam in Sacramento Pœnitentiæ impetrandam*; quo, quæso, fundamento, ex eo quòd nostra Attritio dicatur disponere *ad gratiam in Sacramento impetrandam*, inferi importari alium actum medium?

105. Instat 2 Tridentinum initio ejusdem capitis 4 loquens de Contritione, quæ est pars Sacramenti Pœnitentiæ, dicit quòd illa *præparet ad remissionem peccatorum*, non autem *ad impetrandam remissionem*. Cum ergo hoc posteriore loquendi modo utatur, dum agit de Attritione, signum est hanc aliter & tantum remorè disponere.

Resp. 1. hæc idem significant, ut ipsemet fateatur. Vide infra num. 116.

Resp. 2. ergo juxta Auctorem Xenii, si Tridentinum dixisset, Attritionem ( de qua cap. 4. sermo est ) præparare ad gratiam, jam non deberet intelligi de dispositione remota. Atqui Synodus definit hanc Attritionem præparare ad gratiam, ergo mens Synodi non fuit indicare præparationem seu dispositionem remotam. Probatur minor ex sess. 41. Canonie 5. (qui Canon respondet dicto capiti 4.) verba Canonis retulimus supra num. 102. Agit in illo Synodus de eadem Attritione, de qua sermo fuerat capite 4. & de qua egerat Lutherus in Sermon. de Pœnitentia: prout ex sola verborum inter se collatione adeo manifestum est, ut negari à nemine possit. Atqui dicto Can. 5. definit Synodus illam Attritionem *præparare*

*ad gratiam* intorquet enim illic anathema dicenti illum dolorem ex metu ( de quo loquitur ) *non præparare ad gratiam*. Ergo &c. Quòd si autem his verbis, *ad Dei gratiam in Sacramento Pœnitentiæ impetrandam disponis*, seu præparat, alius lubellset sensus, ut vult Auctor Xenii, quam his; *præparat ad gratiam*: & priorem sensum intendisset Synodus dicto capite 4. quomodo doctrinam hoc capite traditam redigens in Canonem, intorisset anathema dicenti *non præparare ad gratiam*? Manifestum igitur est, quòd Synodus, dum dixit, *Attritionem ad Dei gratiam in Sacramento Pœnitentiæ impetrandam disponere*, non aliud intellexerit, quàm disponere seu præparare ad gratiam.

106. Instat 3. Ablutio baptismalis minùs rectè diceretur tantùm disponere ad impetrandam remissionem peccatorum, cum illam impetret, aut potiùs tamquam pars Sacramenti conferat. Ergo, si Synodus vellet Attritionem ( de qua ibi agit ) esse partem Sacramenti Pœnitentiæ, minùs rectè diceret, quòd ad Dei gratiam impetrandam disponat; rectius porrò, quòd illam in Sacramento impetret.

Resp. 1. Auctor Xenii paulò ante dixerat, quòd Synodus loquens de Contritione, quæ est pars Sacramenti Pœnitentiæ, de hac pronuntiet, quòd *præparet ad remissionem peccatorum*: quæro an iudicet minùs rectè hic loqui Synodum? Quod si neget, cur asserit minùs rectè de parte Sacramenti dici, quòd præparet seu disponat, cur censet dicendum quòd *impetret*, aut potiùs quòd tamquam pars Sacramenti *conferat* gratiam seu remissionem peccatorum?

107. Resp. 2. Tridentinum uti modo loquendi apud Scholasticos usitatissimo, dum dicit *disponere*, illi enim licet fateantur Contritionem esse partem materialem vel quasi materialem huius Sacramenti, eam nihilominus vocant præparationem seu dispositionem, non tantùm ad effectum Sacramenti, sed etiam ad ipsum Sacramentum Pœnitentiæ: illi tamen non dicunt abluitionem baptismalem esse præparationem aut dispositionem ad Sacramentum Baptismi; inde autem hæc loquendi diversitas orta videtur, quòd ablutio Baptifinalis, quæ est materia Baptismi, quæ ac forma applicetur à ministro Sacramenti. Contritio verò, licet sit quasi materia, non à ministro adhibeatur, sed adferatur à tulcipiente. Cæterum nostra non interest, unde diversitas ista in modo loquendi profluxerit. Cum igitur Contritio, licet Sacramenti pars sit, juxta usitatum tamen loquendi modum dicatur præparare seu disponere ad ipsum Sacramentum, à fortiori dici debet, quòd præparet seu disponat ad effectum Sacramenti, nempe gratiam seu remissionem peccatorum. Unde ulterius, cum Attritus non accipiat seu impetret gratiam nisi



nisi accedente Sacramento Pœnitentiæ, rectissimè dicitur Attritio disponere *ad Dei gratiam in Sacramento Pœnitentiæ impetrandam.*

108. SECUNDVM INDICIVM SEV ARGVMENTVM. Si Attritio germanum membrum est Contritionis, de qua agit Synodus initio dicti capituli, 1. cur adduntur hæ particulæ, *si voluntatem peccandi excludat*, cum Contritio, de qua initio capituli, semper excludat voluntatem peccandi?

2. Cur repetitur, quod debeat esse *cum spe veniæ*, cum supra dictum esset, ad Contritionem requiri fiduciam misericordiæ divinæ?

Tertiò cur dicitur *ad Dei gratiam impetrandam disponere*, cum jam diserte dictum fuisset Contritionem *ad remissionem peccatorum preparare?*

109. Resp. Ad 1. quia vox Attritio apud Doctores scholasticos non usurpabatur tantùm pro actu, de quo disputamus, & de quo suam doctrinam tradit Synodus, sed insuper pro aliis actibus ab illo diversissimis, ita ut Attritionis nomine donarent actum etiam illum, quo quis vellet seu optaret non peccare, sed tamen non omnino statueret non peccare in posterum, ut videre est apud Navarrum cap. 1. de Contrit. num. 36. vel etiam actum, quo quis statueret à quibusdam peccatis abstinere non autem ab aliis &c. Idcirco Synodus convenientissimè per additionem illarum particularum limitavit & restrinxit Attritionem, de qua loquitur, ne daretur ansa cogitandi, quòd ea, quæ definit de Attritione, sint intelligenda de quovis actu, qui Attritionis nomine apud quosdam censetur. Similiter quia hæretici passim clamabant metum gehennæ & iræ Dei homines avertere à Deo, & in desperationem præcipites agere, idcirco rectè addidit de spe veniæ, quia hac accedente manifestum est timorem non posse in desperationem adducere.

110. Adde licet adferri non posset alia ratio, cur illa addiderit; potuerunt tamen addi vel majoris claritatis causâ, vel ad eandem rem magis inculcandam. Sic licet initio capituli quarti dixisset, ad Contritionem requiri propositum non peccandi de cætero, in quo sufficienter continetur propositum implendi præceptum confessionis; statim nihilominus subiungit, Contritionem, ut præparet ad gratiam, debere habere adjunctum votum Sacramenti, aliorumque, quæ ad hoc requiruntur.

111. At, inquires, cur ergo non similiter meminit Fidei?

Resp. quia hoc est Sacramentum regeneratorum & fidelium; hinc toto illo capite quarto nullibi facit mentionem Fidei, sive dum agit de Contritione in genere, sive dum primam ac præcipuam illius speciem, nempe Contritionem perfectam describit; quid igitur nostrum, si loquens de altera specie, Attritione, nihil dicat de Fide, licet aliorum rursus meminerit.

Ad

112. Ad 3. Resp. ideo addi, quodd Attritio ad Dei gratiam in Sacramento Pœnitentiæ impetrandam disponat, ut indicet diversum modum, quo Contritio perfecta & imperfecta concurret ad gratiam seu remissionem peccatorum, cujus diversitatis nullam antea fecerat mentionem. Præmiserat eodem capite, Contritionem Charitate perfectam hominem Deo reconciliare, priusquam hoc Sacramentum actu suscipiatur. Sive quodd disponat seu præparet ad gratiam sine consortio actualis Sacramenti. Tum pergens ad Attritionem pronuntiât eam hoc modo non concurrere ad gratiam, sed planè diverso, nempe cum ipso, seu in ipso actuali Sacramento: hinc dicit: *Et quamvis (Attritio) sine Sacramento Pœnitentiæ per se ad justificationem perducere peccatorem nequeat* (quod nempe potest Contritio perfecta) *tamen cum ad Dei gratiam in Sacramento Pœnitentiæ impetrandam disponit.*

113. Concludens Auctor Xenii pag. 43. hoc argumentum ita loquitur: Credibile ergo est, quodd Tridentinum initio capitis quarti proposuerit duplicem Contritionem, quam dividit in Charitate perfectam, & eam, quæ non est Charitate perfecta, licet sit vera pars Sacramenti Pœnitentiæ: & deinde assignaverit aliud genus Contritionis imperfectæ, de qua hoc solum asserat, quodd sit motus bonus &c. Nequaquam tamen, quodd sit pars Sacramenti Pœnitentiæ. Et ita explicandum Tridentinum luadet hic modus loquendi: *Illam verò Contritionem imperfectam &c.* Videtur enim sermo transferri ad materiam à præcedentibus divertam. Hactenus ille.

114. Resp. mirum est, hæc ab Auctore Xenii afferri potuisse. Synodus, inquit, proponit duplicem Contritionem, quam dividit in Charitate perfectam, & eam, quæ non est Charitate perfecta, est tamen vera pars Sacramenti Pœnitentiæ. Hoc posito, quæro, quo loco & in quibus verbis assignet Synodus alterum dictæ divisionis membrum, nempe Contritionem Charitate non perfectam, seu imperfectam? Certè non alibi, quam ubi ait: *Illam verò Contritionem imperfectam, qua Attritio dicitur &c.* Manifestum id est ex Tridentino: nam postquam initio capitis quarti egisset de prima Pœnitentiæ parte, nempe Contritione genericè sumpta, nullâ factâ huius aut illius speciei mentione, aut divisione, profectur exercitè dividendo genus, & species diversas exhibendos: *Docet præterea, esse CONTRITIONEM HANC aliquando Charitate perfectam esse contingat, hominemque Deo reconciliare, priusquam hoc Sacramentum actu suscipiatur; ipsam nihilominus reconciliationem ipsi Contritioni sine Sacramenti voto, quodd in illa includitur, non esse adscribendam.* Hactenus de sola prima specie, seu Contritione Charitate perfecta, & sine actuali Sacramento justificante. Tum immediatè subjungit Synodus: *Illam verò Contritionem imper-*  
fectam,

*scilicet, quæ Attritio dicitur &c.* Cum igitur Contritionem genericè sumptam dividat in duo membra seu species, quæ singulæ sint vera pars Sacramenti (ut faretur etiam Auctor Xenii) & immediatè post traditam Contritionem vi sua justificantem (quæ est prima & præcipua Contritionis species) subnectat Attritionem ex metu gehennæ conceptam, & huius nomen genericum Contritionis attribuat, addens pro differentia *imperfectam*, neque toto illo capite alterius Contritionis non perfectæ, seu imperfectæ meminerit: quis potest dubitare, quin Attritio, de qua loquitur Synodus, sit ex illius mente altera species Contritionis in genere, adeoque & vera pars Sacramenti Pœnitentiæ? Quis sibi persuadeat, Patres adeo ignaros fuisse rectæ divisionis generis in suas species, ut, cum Contritionem partiri vellent in legitimas species, contenti unicam exhibuisse, loco alterius legitimæ speciei spuriam quampiam supputarent, quæ rationem Contritionis genericam non participat? nemo hæc ut arbitrò crediderit. Satè ineptias obtruderet, qui volens animal partiri in suas species, prò prima poneret animal perfectum, quia rationis capax, progressus verò ad alteram speciem animalis non perfecti seu imperfecti, diceret: Illud verò animal imperfectum, quod plantam vocamus, quoniam solum habet animam vegetativam &c.

115. TERTIUM INDICIUM. Postquam Tridentinum dixisset, quòd *Attritio sine Sacramento Pœnitentiæ per se ad justificationem perducere peccatorem nequit*; statim variato modo loquendi subiungit: *Tamen cum ad Dei gratiam in Sacramento Pœnitentiæ impetrandam disponit.* Quæ loquendi varietas indicat, per *Dei gratiam impetrandam* diversum quid significari. Unde verisimilis suspicio est, per *Dei gratiam* non intelligi gratiam justificationis, sed gratiam veræ Contritionis, *ad hanc enim proximè disponit Attritio.*

116. Resp. 1. hic aperitè secum pugnare Auctorem Xenii, nam pag. 42. §. 4. contendit agi de dispositione remota, idque præcipuè ex eo quòd Synodus dicat Attritionem *ad Dei gratiam in Sacramento Pœnitentiæ impetrandam disponere.* Vultque hunc loquendi modum requirere actum impetratorium mediantem inter Attritionem, & gratiam, de qua ibi sermo. In hoc verò argumento, ex eo quòd Attritio (de qua ibi Tridentinum) proximè disponat ad Contritionem, infert quòd per gratiam, ad quam impetrandam Attritio dicitur disponere, intelligenda sit gratia Contritionis, non autem gratia justificans, ad quam juxta hunc Auctorem Attritio disponit solummodo remotè: Ecce juxta ipsum, si illo loco Tridentini per *gratiam* intelligatur gratia Contritionis, tunc, quòd Attritio dicatur *ad gratiam IMPETRANDAM disponere*; non obest, quo

minus illud intelligendum sit de dispositione proxima ad gratiam : Imò ex eo quòd Attritio proximè disponat ad Contritionem , inferitur per *gratiam* illic intelligi Contritionem , non autem gratiam justificantem. Quòd si autem Synodus per *gratiam* dicatur intelligere gratiam habitualem , non rectè eadem verba explicantur de dispositione proxima , sed è contra ex eo quòd Synodus non dicat Attritionem gratiam impetrare vel conferre , sed tantum *ad gratiam IMPETRANDAM disponere* , signum est disponere solummodo mediare , nempe mediante impetratione , seu actu alio perfectiore. Quid hoc est aliud , quàm eadem verba modo in hunc , modo in contrarium sensum prohibitu torquere , prout diversis locis videtur opportunum?

117. Resp. 2. per *gratiam* , ad quam impetrandam disponi hominem per Attritionem declarat Synodus , omnino intelligendam esse gratiam Sanctificantem , non autem gratiam actualem Contritionis. Ratio est :

Primò : Si Synodus per vocem *gratia* volebat intelligi gratiam sanctificantem , sed Contritionem , non poterat uti voce *gratia*. Cum enim controverteretur inter Doctores an Attritio ( de qua illo loco Tridentinum ) disponeret accedente Sacramento ad gratiam , per hanc intelligendo gratiam habitualem ; si putabat Synodus ad hanc non disponere , & nihilominus asseruit disponere ad gratiam , quid hoc erat aliud , quàm fideles in perniciosissimum errorem precipites agere , ut nempe per *gratiam* putarent illic intelligi gratiam sanctificantem , prout patuit ex effectu , nam Auctores unanimiter censent sermonem eo loco esse de gratia sanctificante.

118. At , inquit P. Farvacques , aliud per gratiam hoc loco intellexit Vivaldus in Candelabro aureo de Attrit. num. 7.

Resp. Ita intellexerit Vivaldus (quamquam hoc non clarè dicat) hanc tamen explicationem esse planè alienam à mente Concilii patet tum aliunde , tum quia nemo ante Vivaldum (ut ipsemet ibidem fatetur) verba illa hoc sensu intellexit ; & Vivaldo posteriores unanimiter censuerunt in illis verbis agi de gratia habituali , prout exigit contextus , & usitatus loquendi modus.

119. Secundò , Si Synodi mens fuisset tradere , quòd Attritio disponat ad Contritionem , debuisse id exprimere per vocem *Contritio* , non autem per vocem *gratia* : nam vox gratia dum sumitur pro gratia actuuali , non magis significat Contritionem , quàm alium quemcumque actum supernaturalem. Et apud scriptores inusitatus planè loquendi modus est , ut , dum dicunt hunc vel illum actum disponere ad gratiam , per gratiam intelligant Contritionem , vel aliam gratiam actualem , nisi vel ex adjunctis

junctis verbis, vel ex materia, quæ tractatur, satis appareat agi de gratia actuali ulteriore impetranda per rectum usum gratiæ prioris. Jam autem Tridentinum hoc loco agit de justificatione peccatoris per Sacramentum, & eodem capite paucis lineis interjectis utens voce gratia, per illam intelligit habitualement, ut dum in fine capitis dicit: *Quamobrem falsò quidam calumniantur Catholicos scriptores, quasi tradiderint Sacramentum Pœnitentiæ absque bono motu suscipientium gratiam conferre.* Ubi vox gratia manifestè significat habitualement, quare idem intelligit dum paulò superius dixit Attritionem ad gratiam disponere.

120. Tertiò Synodus non dixit simpliciter quòd disponat ad gratiam impetrandam, sed quòd disponat ad eam impetrandam *in Sacramento*. Cur addidit *in Sacramento*? nisi quia voluit intelligi gratiam, quam confert Sacramentum; hæc autem est gratia habitualis, non autem gratia Contritionis: hæc enim, utpote dispositio, prævia est ad Sacramentum, non autem per hoc confertur. Quare perperam addidisset *in Sacramento* ad gratiam disponere, si per gratiam voluisset intelligi Contritionem, quæ est dispositio prævia ad Sacramenti susceptionem.

QUARTVM INDICIVM. Nihil dicitur de Attritione, quod non persequè possit dici de Fide ad justificationem proximè non disponente. Fides enim est donum Dei, sine Sacramento Pœnitentiæ per se ad justificationem perducere peccatorem nequit, & eum ad Dei gratiam in Sacramento Pœnitentiæ impetrandam disponit.

121. Resp. 1. & quæro ab hoc Auctore, an quod dicit Tridentinum de Contritione in genere, nempe quòd *præparet ad remissionem peccatorum*; item quæ habet de Contritione Charitate perfecta, quòd scilicet *hominem Deo reconciliet, priusquam hoc Sacramentum à se suscipiatur*: Quæro, inquam, an hæc omnia non possint etiam bono aliquo sensu dici de Fide? Si neget, ostendat, cur non æquè, quàm quæ Synodus tradit de Attritione præsertim cum Scriptura variis locis dicat hominem Fide, vel per Fidem justificari, cumque Magdalena à Christo audierit: *Fides tu te salvam fecit*; quæ tamen sine Sacramento justificationem adepta est. Quòd si fateatur ea, quæ Synodus dicit tum de Contritione in genere, tum de prima ac præcipua illius specie, bono aliquo sensu dici posse de Fide, nihil mirum, si de hac etiam dici possint, quæ tradit de Attritione. Sicut ergo illa priora, si de Fide dicantur, fatendum erit dici in alia planè significatione, tum quia aliunde constat Fidem non esse dispositionem proximam, tum ab aliis rationes, ita quoque si id, quod de Attritione dicitur, diceretur de Fide.

122. Resp. 2. directè negando assumptum, & dico in iisdem circum-

stantiis non potuisse omnia dici de Fide, quæ de Attritione tradidit Synodus. Nam de Attritione ex metu gehennæ, quam multi Catholici asserbant cum Sacramento sufficere ad justificationem, quorum in hoc puncto doctrinam rejiciebat & graviter incusabat Lutherus, de hac, inquam, Attritione sic statuit Tridentinum. *1. tradit tres partes qualitates ad integritatem Sacramenti & plenam ac perfectam peccatorum remissionem: harum primam assignat Contritionem; quam separatim tractans in duas dividit species, nempe Contritionem perfectam & Contritionem imperfectam, & hanc dicit vocari Attritionem, eamque describit per proprium motivum, nempe ex gehenna & poenarum metu. De Contritione perfecta pronuntiat, quod justificet ante actualem Sacramenti susceptionem: de Attritione verò, quod, licet per se non perducatur ad justificationem (quod dixerat Contritionem perfectam facere) ad gratiam tamen seu justificationem in Sacramento impetrandam disponat. Quod si eodem modo ante Concilii Tridentini tempora fuisset controversum inter Doctores, an sola fides in Christum accedente Sacramento peccatorem Deo reconciliet, & Catholicos id affirmantes inlectati fuissent hæretici; si contra hos coactum Concilium statuisset, tres esse partes materiales hujus Sacramenti, ex institutione Dei requisitas in poenitente ad integritatem Sacramenti, plenamque ac perfectam peccatorum remissionem: hos autem actus enumerasset motum internum, confessionem externam & satisfactionem; ac primum quidem actum fusiùs explanans, duplicem illius motus interni produxisset speciem, nempe Contritionem, ac fidem in Christum: tum denique de Contritione assertisset, eam sine actuali Sacramento justificare, fidem verò in Christum id per se non prestare, sed ad gratiam seu justitiam in Sacramento impetrandam disponere. Si hæc, inquam, hoc modo in illis circumstantiis per impossibile de Fide dixisset Synodus, non dubitarem, quin sola Fides in Christum sufficeret cum Sacramento Poenitentiz: præcipue si, postquam ita locuta fuisset Synodus, Auctores ex verbis Synodi passim tradidissent solam fidem in Christum cum Sacramento sufficere, & ita instructi fuissent fideles, nullo per integrum sæculum contradicente Pontifice. Cum ergo falsum sit fidem solam sufficere cum Sacramento, non potuit ulla legitima Synodus eadem & in iisdem circumstantiis tradere de fide, quæ dicit de Attritione.*

123. Opponit præterea §. 5. pag. 44. Quando Tridentinum dicit: *Et quamvis sine Sacramento Poenitentia per se ad justificationem perducere peccatorem nequeatis tamen cum ad Dei gratiam in Sacramento Poenitentia impetrandam disponis.*



*disponit.* Nullam facit oppositionem, cum non sit inter eosdem terminos.

Resp. manifestum est ex toto contextu hic fieri oppositionem, neque ad hanc requiritur, ut sit inter eosdem terminos materiales, sed sufficit esse terminos idem significantes, quales esse, quibus hic dicitur Tridentinum, satis superque toto hoc paragrapho monstratum est.

## §. 2.

*Alia argumenta, quibus author Xenii probare nititur  
agere de dispositione remota.*

**C**onatur Auctor Xenii cap. 3. §. 3. pag. 40. ex ipsis necis assertis evincere, quod Tridentinum sess. 14. cap. 4. agens de Attritione, loquatur de dispositione remota. Videan us, quàm parum solidè.

124. Arg. ut 1. Si verba Lutheri & Tridentini supra relata cum invicem componantur, clarum fiet, quod Synodus illum Contritionis modum tueatur ac adstuat, qui in rejiciebat Lutherus: Tum sub hac majore propositione à me asserta sic subluatur: Atqui Lutherus loquebatur de Attritione, quæ juxta Catholicos non disponebat proxime ad justificationem; ergo &c. Minorem probat ex verbis Lutheri supra num. 100. *Hæc est illa Contritio, quam ipsi vocant extra Charitatem non meritariam: alii vocant Attritionem PROXIME DISPONENTEM ad CONTRITIONEM, sic enim ipsi opinantur, quam opinionem errorem ego iudico.* Quo loco non dicit Lutherus proxime disponere ad gratiam seu justificationem, sed ad Contritionem, id est, inquit Auctor Xenii ad incertum Contritionis.

Resp. 1. cur non subsumpsit hoc modo? atqui Lutherus asserbat peccatores cum nostra Attritione indigne absolvi & communicari ut patet ex ejus verbis supra num. 100. adeoque negabat illam Attritionem esse dispositionem proximam ad absolutionem, ejusque effectum nempe gratiam justificantem; ergo &c.

125. Resp. 2. hoc obijcere, nihil est aliud, quàm in verbis velle ludere. Quis enim ignorat usitatissimum fuisse apud Theologos hunc loquendi modum, quod Sacramentum ex attrito faciat contritum, quod Attritio per Sacramentum superveniens fiat Contritio: quod loquendi modo significabant attritum accedente Sacramento justificari, ut videre est apud Gabrielem & plures ex antiquis: sive ut loquitur Joannes Puteanus Ord. S. Augustini in 3. part. quæst. 90. dub. 1. Attritio cum Sacramento est Contritio quædam virtualis, operatur enim illud idem in nobis, quod præstaret Contritio. Et dub. 2. postquam dixisset Attritionem nostram cum Sacramento justificare, subjungit: *Propter hanc*

*causam docent multi scholastici Attritionem fieri Contritionem.* Et in hoc sensu usitatissimo verba illa sumpsisse Lutherum, ex ipso redditur manifestum: nam cum eodem loco pronunciaisset suam sententiam, quod nempe absolute indigni sint, qui solummodo conteruntur ex timore, de hoc eodem actu subjungit, quod a Catholicis vocaretur Attritio proximè disponens ad Contritionem, ubi sine dubio proponit sententiam Catholicorum, ei, quam prius tradiderat, oppositam. Idem rursus patet ex Captivitate Babylonica Tit. de Pœnitent. ubi sic loquitur: *Finxerunt* (Catholici) *quamdam Attritionem, quæ virtute clavium fieret Contritio, eam donant impiis, & sic universa CONTRITIO aboletur.* Ubi ex eo quod Catholici dicerent Attritionem virtute clavium fieri Contritionem, asserit ab illis aboleri Contritionem, nempe illam, quæ Attritioni opponitur, & quæ concipitur ex amore iustitiæ, ut eam definierat sermone de Pœnit. Ergo Attritionem fieri Contritionem, vel proximè disponere ad Contritionem, non est fieri actum Contritionis, aut ad hunc disponere, sed est æquivalere Contritioni cum Sacramento, & disponere ad Sacramentum, quo accedente fit virtualis Contritio, in quantum eundem effectum nempe gratiam causant. Et hoc modo Lutherum intellexerunt, qui illum olim oppugnarunt.

126. Objicit 2. Tridentinum initio sess. 14. spondet exactiorem, pleniorē ac perspicuam definitionem de hoc Sacramento, ut Catholica veritas perspicua & illustris fiat. Atqui talem definitionem non traderet, si ea quæ cap. 4. tradit de Attritione deberent intelligi de dispositione proxima, & tamen Synodus non adderet vocem *proximè*. Ergo &c. Prob. minor, quia si addidisset voculam *proximè*, fuisset perspicua definitio, & alto silentio præstæ fuissent tot scholasticæ rixæ.

Resp. 1. ergo juxta hunc Auctorem perspicua fuisset doctrina, & tot scholasticæ rixæ suppressæ fuissent, si addita fuisset vox *proximè*. Si ita est, fateri cogitur, se perspicuam veritatem oppugnasse, dum in tota ferè Quæstione Quodlibetica supposuit, in verbis Tridentini agi de dispositione proxima, & nihilominus controversiam movit, an nostra Attritio sufficiat. Certè Exim. P. Lupus indubitatè asserit agi de dispositione proxima, fuisse nē tamen contra nostram sententiam disputat.

127. Resp. 2. nullo modo necesse fuisse, addi vocem *proximè*. Ratio est, quia Tridentinum sess. 14. capite 3. post assignatam formam hujus Sacramenti, de materia ejusdem ita loquitur: *Sunt autem quasi materia hujus Sacramenti ipsius pœnitentis actus, nempe Contritio, Confessio & Satisfactio, qui quatenus in pœnitente ad integritatem Sacramenti, ad plenamque ac perfectam peccatorum remissionem ex Dei institutione requiruntur, hac ratione Pœnitentia* *partes*

*partes dicuntur.* Tum subjungit Sacramenti effectum. Agit hic Synodus de materia hujus Sacramenti legitima, & quam Christus requisivit ad integritatem & effectum Sacramenti; illam autem materiam asserit esse tres actus pœnitentis, Contritionem &c. Tum capite sequenti seorsim tractat de prima parte nempe Contritione, *quæ* (ut ibidem loquitur Synodus) *primum locum inter dictos pœnitentis actus habet.* Hanc Contritionem Sacramenti partem postquam in genere definivit; duplicem statuit ejus speciem, alteram Contritionem Charitate perfectam, quæ sine actuali Sacramento peccatorem Deo reconciliat, alteram verò Contritionem imperfectam, quæ Attritio dicitur, quoniam ex gehennæ metu communiter concipitur &c. Sensus igitur Tridentini est hic: Tres sunt partes quasi materiales hujus Sacramenti ex parte pœnitentis, quæ ad integritatem Sacramenti, ejusque effectum peccati remissionem ex institutione Christi requiruntur. Prima pars est Contritio, quæ duplex est, nempe vel Charitate perfecta, vel imperfecta, quia ex metu gehennæ concepta. Cum igitur hæc Contritio imperfecta, seu Attritio statuatur à Synodo esse pars materialis hujus Sacramenti, qualem instituit Christus, & ad integritatem ac effectum Sacramenti requisivit, nullo modo necesse fuit addere, quòd accedente confessione & absolutione disponderet proximè ad justificationem, nisi dicas, etiam capite 3. dici debuisse Contritionem &c. esse materiam *proximam*: quod tamen nemo requisivit, quia censent omnes sufficienter ibi exprimi, quòd illæ partes sint partes materiales *proximæ* per hoc quòd Synodus ibidem, traditâ formâ, Contritionem, & Confessionem assignet pro hujus Sacramenti materia ad integritatem Sacramenti & perfectam remissionem peccatorum ex institutione Dei requisitâ.

128. Atque hac ratione intellectum Tridentinum exactam & plenam tradit de hoc Sacramento ejusque partibus doctrinam, qualem initio illius sessionis promittit. Si verò intelligatur de dispositione remota, jam tradet doctrinam planè diminutam: nam in quæstione, illo & anteriori tempore maximè controversâ, quænam nimirum sit Contritio, quæ sit hujus Sacramenti pars materialis, & non nisi cum actuali Sacramento sufficiens ad justificationem, nihil omnino determinabit, sed nobis relinquet divinandum. Estne hoc tradere pleniorē, exactiorē & perspicuam doctrinam?

129. Instat. Si perspicuum sit Tridentino sermonem esse de dispositione proxima, quomodo doctissimi Theologi id non viderunt in Tridentino?

Resp. si perspicuum non est, quomodo Theologi adeo unanimiter  
id tam

id tam clare viderunt in Tridentino, ut de eo non dubitarint? Certè si, quia pauci aliqui Tridentinum aliter intellexerunt, id propterea clarum non sit à Synodo tradi, fateri cogemur nihil ferè esse, in d vix esse posse adeo clare traditum, ut perspicuum sit. Nonne perspicue docet Synodus Attritionem ex metu bonam esse? nōstamen, quinam dixerint illam esse mortaliter peccaminosam. Plurima ejusdem generis facillimum esset adducere, si opus foret. Constat autem à tempore Tridentini usque ad annum hujus sæculi quadragesimum fuisse adeo paucos, qui verba Tridentini aliter exponerent, ut vix censeri possint numerum facere: & hi ipsi tum in expositione Tridentini, & assignatione Attritionis cum Sacramento sufficientis adeo inter se dissident, ut vix duos sit reperire, qui in eandem sententiam conveniant, ut ostendam in fra.

130. Tertio pag. 42. assumit hanc ex me propositionem: Synodus sess. 14. cap. 4. dum dicit Attritionem disponere, loquitur eodem modo quo sess. 6. cap. 6. ubi ait: Disponantur autem ad justitiam, dum credentes timore concutuntur, sperant ac Deum diligere incipiunt, proponentes suscipere Baptismum &c. Tu n subsistis: Atqui Tridentinum sess. 6. cap. 6. non dicit, quod timor, aut ex hoc solo motivo conceptus dolor proxime disponat ad justificationem: ergo &c.

Resp. non dubitare me, quin Auctor Xeni satis viderit hoc argumentum planè nullum esse: nam in argumento ad hominem (ut vocamus) assumi debet propositio alterius eo sensu quo enunciata est, alias perperam sub ea subsistitur & concluditur Alteri Tridentinum tam sess. 6. cap. 6. quàm sess. 14. cap. 4. usum esse eadem voce *disponere*, & neutro loco addere vocem *proxime*, & tamen dum sess. 6. cap. 6. actus disponentes enumerat Fidem, timorem, Spem, & dilectionem, certum est, etiam juxta adversarios, quod complexum ex his omnibus actibus sit dispositio proxima, & nihilominus Synodus omitta voce *proxime*, simpliciter dicit hos actus *disponere*. Ex hac mea propositione formet, si potest, argumentum legitimum ad hominem.

131. Objicit 4. juxta nos, quod dicit Tridentinum de Ninivitis, adfertur ad probandum, quod dolor ex metu gehennæ conceptus sit actus bonus. Ergo similiter dum dicitur quod ad gratiam in Sacramento impetrandam disponat, tantum adfertur ad probandam bonitatem actus.

Resp. negando conseq. nam cum hanc Attritionem assignet tamquam speciem Contritionis in genere, quæ Contritio est pars materialis hujus Sacramenti, ex institutione Dei requisita ad Sacramenti integritatem, & perfectam remissionem peccatorum, cum faciat illam opposi-

oppositionem, quòd non reconciliet sine Sacramento ( sine quo reconciliat Contritio perfecta ) sed ad gratiam disponat in Sacramento, & reliqua, quæ hætenus deduximus, longè plus facit, quàm probare solam illius actus bonitatem.

## CAPUT IV.

*An Attritio ex spe gloriæ, aut metu gehennæ  
excludat positivè voluntatem peccandi?*

**H**Anc quæstionem fusè tractaverat Exim. P. Farvacques in quæst. Quodlib. contendens actum sive Spei sive timoris gehennæ non posse positivè excludere voluntatem peccandi. Ego in Tract. de Attrit. cap. 5. rationes singulas ab ipso adductas refutavi, & contrariam sententiam stabilivi argumentis plurimorum judicio evidentibus. Resumit nihilominus eandem quæstionem Xenii cap. 4. & per plures paragraphos suam contra nos sententiam tentat stabilire. Videamus an meliore successu.

132. Duo quæpiam præmittit §. 1. alterum est, quòd ad positivam exclusionem voluntatis peccandi requiratur, ut cum tali affectu non possit in eadem anima conciliari & consistere voluntas peccandi mortaliter: de qua re cum ab initio inter nos convenerit, opus non est pluribus agere. Alterum est, quòd peccatum mortale sit *quidam saltem interpretativus contemptus amicitie divinæ, qui non habetur in peccato veniali*. Hoc item facilè admittam, dummodo similiter fateatur ( uti facturum credo ) quòd is, qui peccat mortaliter, parvipendat & interpretativè contemnat amissionem gloriæ & incurtionem gehennæ, sive horum periculum. Ideo enim, qui peccat mortaliter, interpretativè contemnit amicitiam divinam, quia cum cognoscat peccato mortali tolli amicitiam divinam erga se, hoc tamen non obstante peccat mortaliter. Ergo similiter qui novit peccato mortali amitti jus ad gloriam, & incurri gehennam, seu horum periculum, si non obstante ea cognitione peccet mortaliter, interpretativè contemnet periculum amittendi gloriam & incurrendi gehennam. Idem ostendetur quocumque demum modo explicet illum contemptum interpretativum. An autem, ut ibidem asserit hic Auctor, essentialis ratio peccati mortalis sita sit in illo interpretativo contemptu amicitie divinæ, infra examinabimus.

133. Dixeram in Tract. de Attrit. cap. 5. num. 57. Si quis neget desiderium firmum & absolutum beatitudinis posse excludere positivè

H

omnem

omnem voluntatem peccandi (& idem est de simili timore seu fuga gehennæ) illum sibi præcludere viam omnem, qua probet amorem Dei cum peccato simul stare non posse, nec quidquam allaturum pro amore, quod non pariter militet pro actibus timoris & Spei, de quibus disputamus. Adduxeram ibidem compendiosè & exempli causa implicanti-  
*am, quam possent proferre Adversarii: Dicit enim, inquit, si amamus Deum peccare mortaliter, amamus Deum, & non amare, vellet Deo bonum & non velle. Quis actus cum impossibile sit simul componi, necesse est excludi peccatum dum adest amor Dei. Ostenderam insuper eandem implicanti-  
 am locum habere in Spe & timore, si cum alterutro illorum staret mortale. Hanc implicanti-  
 am rejicit P. Farvacques tanquam argumentandi genus inane; aliamque ipse substituit, quam vocat *claram & manifestam*, putatque locum non habere in Spe aut timore. Quæ an ita sint videamus.*

### §. 1.

*Examinatur implicanti-  
 am, quam adfert Auctor Xenii.*

**R**ejectâ ut dixi implicantiâ à nobis propositâ aliam adfert cap. 4. Xenii §. 2. pag. 47. quâ putat rem totam evidenter confici: eam autem his verbis proponit.

134. Respondeo hanc esse *claram & manifestam* rationem, quod manifestè repugnet, ut quis contemnat & vilipendat amicitiam divinam per peccatum mortale, & simul per Charitatis affectum Deum tanquam fundamentum omnibus præponat: nequit enim simul fieri, ut, quod omnibus præferimus, simul vilipendamus. Quia ergo quolibet peccato mortali amicitia divina contemnitur, quolibet autem affectu Charitatis amicitia divina omnibus præfertur, medium contemnitur; tam clarum est, affectum Charitatis excludere positivè voluntatem peccandi mortaliter, quàm clarum est, idem non posse omnibus præferri, & non præferri; contemni, & præ omnibus assequari.

135. Addit ex hac ratione *patere*, quod propria & essentialis ratio affectus Charitatis directissimè opponatur propriæ & essentiali rationi voluntatis peccandi mortaliter. Propria enim & essentialis ratio affectus Charitatis, de quo agimus, fixa est in eo, quod Deum summè assequeretur, & (in minimum virtutis) omnibus præferat. Propria autem & essentialis ratio voluntatis peccandi mortaliter fixa est in eo, quod Deum vilipendat, & creaturam Deo præferat.

In hoc argumento multa sunt obscura, dubia, & incerta, si non omnino falsa: tantum abest, ut sit ratio clara & manifesta, qualem esset ceteræ Auctor Xenii.

136. Ac primò quidem, licet fatear certum esse, quod nequeat idem absolute



absolutè omnibus præferri, & non præferri, seu alicui de facto postponi: omnino tamen nego id esse certum in principiis hujus Auctoris, aut umquam ab ipso probandum, nisi evertat illa, quæ alibi asserit. Nam pag. 48. ita loquitur: *Maximè possibile est, ut ratione diversorum affectuum quis amet & non amet, velis Deo bonum & non velis.* Ergo juxta P. Farvacques potest quis idem velle & nolle (nam in argumento, quod ille rejicit, agitur de volitione & nolitione versantibus circa idem objectum) Si ita est, quæro ab hoc Auctore, cur similiter non possit quis ratione diversorum affectuum idem omnibus præferre, & non præferre omnibus, seu alicui postponere.

At, inquit, *velis & non velis pigro*, ergo potest quis idem velle & nolle.

137. Verùm cur non eodem modo dici possit, *præferat & non præferat pigro*, adeoque idem omnibus poterit præferri, & non præferri. Nam dum dicitur: *velis & non velis pigro*, vel agitur de actibus successivè repertis in pigro, sic ut quod modo vult, postea oborta difficultate nolit: hoc autem eodem modo habere potest locum quoad præferre, sic nempe ut modo præferat omnibus, postea non præferat, sed postponat. Vel si itus est de nolitione absolutà, conjunctà tamen cum nudà velleitate seu simplici complacentia ejusdem objecti: & hoc sensu poterit quis similiter absolutè non præferre seu postponere per effectum, & tamen præferre per velleitatem seu simplicem complacentiam; & contra. Vel denique sermo est de volitione & nolitione, utrâque absolutà; quæ duo si asseras posse simul consistere circa idem objectum, numquam probabis, quod non possit quis idem absolutè præferre alteri, & simul absolutè non præferre, seu postponere ratione diversorum affectuum. Adde quòd non alia assignetur ratio, cur actus cujuscumque virtutis excludat vitium sibi oppositum, quàm quòd, si simul starent, voluntas idem vellet & nollet, quod juxta omnes implicat æquè, ac præferre & non præferre per affectus voluntatis.

138. Secundò: quæro unde certum sit, aut quomodo probetur quòd *quolibet affectu Charitatis AMICITIAM DIVINAM omnibus præferat*? Certè de essentia affectus Charitatis non est aliud, quàm ut velimus Deo bonum vel absentiam mali, præcisè quia hoc ei bonum est: in hoc autem involvi non debet, quòd præferamus omnibus, adeoque præ omnibus velimus *amicitiam Dei* erga nos, quam expetere, videri potest potius spectare ad amorem concupiscentiæ, est enim pro amore velle amorem reciprocum. Hinc facile crediderim, quòd Auctor Xenii, dum dixit: *Quolibet affectu Charitatis AMICITIA DIVINA omnibus præferatur*; idcirco

posuerit praelationem amicitiae divinae ( licet ea in actu Charitatis reperiri minimè debeat ) ut hac ratione commodius opponeret actum Charitatis peccato mortali, cui vult esse essentialis, quod sit contemptus interpretativus amicitiae divinae.

Dicit forrè, quod per praeferre omnibus amicitiam divinam non intelligat aliud, quàm prout loquitur pag. 48. nempe quod essentialis ratio affectus Charitatis sita sit in eo, quod Deum summè aestimet, & ut minimum virtute, omnibus praeferat. Verùm si hæc est ejus mens

139. Tertiò, Unde quæsiò probabit, omnem affectum Charitatis esse vel formaliter, vel virtualiter comparativum, sic ut amicitiam divinam; vel, si mavis, Deum ipsum summè aestimet, ac omnibus praeferat, in quorum usu mortaliter peccaretur? Facillimum mihi esset ostendere, quod dari possint actus, imò de facto dentur, quibus homo Deo bonum velit, quia bonum ipsius est ibi sistendo, adeoque actus Charitatis, qui tamen Deum non omnibus praeferat.

140. Quartò pag. 48. ait: *Propria & essentialis ratio voluntatis peccandi sita est in eo, quod Deum vilipendat*, id est, ut supra dixerat, in contemptu illo interpretativo. Verùm quo rursus argumento conficiet, quod in hoc contemptu sita sit ratio essentialis, seu essentia peccati mortalis? Cum enim ille contemptus tantummodo sit interpretativus, necesse est reperiri aliquid in peccato, quod praebeat fundamentum illius interpretationis: cur ergo non eque aut potius in hoc fundamento statuenda erit ratio essentialis peccati, quàm in illo interpretativo? certè non solet essentia rerum statui in interpretativo, sed potius in illius fundamento, quod rei inest independentè ab interprete.

141. Dicit fortassis, se per rationem propriam & essentialem non aliud intelligere, quàm id quod necessariò reperitur in omni peccato mortali, sive dicatur esse essentia metaphysica, sive non. Si hoc sensu loquatur.

Resp: Si is, qui habet spem aut timorem gehennae ( prout de illis disputamus ) peccaret mortaliter, aliquid necessariò reperiendum in isto peccato ( in quacumque demum specie mortaliter peccet ) quod stare nequeat cum nostro actu spei aut timoris, uti §. sequenti fiet manifestum.

142. Summa igitur implicantiae à P. Farvacques adductae hæc, ni fallor, est, aut esse debet: Qui habet amorem Dei, de quo est quæstio, nempe super omnia, Deum summè aestimat, seu praeferat omnibus in quibus peccaretur mortaliter: qui autem peccat mortaliter, Deum, vel, si velis, etiam ejus amicitiam interpretative, contemnit seu alicui postponit.

nit. Atqui fieri nequit, ut idem omnibus præferatur, & simul illorum alicui postponatur: ergo &c. Videamus an idem locum habeat in spe & timore.

## §. 2.

*Ostenditur eodem argumento timorem & spem excludere positivè voluntatem peccandi.*

**J**Am, qui præcipuè propositus est nobis scopus, ostendamus eadem argumentandi formâ (qua P. Farvacques utitur pro actu charitatis) probari, quoddam actus spei & timoris genennæ excludant positivè omnem voluntatem peccandi.

143. Ac primò quidem in spe sic formabitur argumentum. Is, qui habet actum spei (qua'em requirimus) per fidem cognoscit, quantum sit bonum beatitudinis æternæ, & quam exiguum ac prope nullum ejus comparatione sit bonum quodcumque utile ac delectabile transitorium hujus vitæ. Cognoscit item certa fide illi cælesti & æterno bono consequendo obstare perceptionem cujuscumque boni utilis vel delectabilis sub mortali prohibiti. Hac consideratione motus statuit firmiter & absolue jam & in futurum ex parte sua nullum opponere impedimentum, per quod æternum bonum amitteret, vel amittendi periculo se exponeret: & sicut ante per intellectum, ita quoque nunc per actum voluntatis, omnia bona transitoria, quæ sine mortali obtineri nequeunt, postponit summo illi ac æterno felicitatis bono, quod præfert illis omnibus. Et hoc sufficit in eo qui justificatus est. Quoddam si autem stante actu jam dicto talis de facto peccaret mortaliter in quacumque demum peccati specie, jam beatitudinis consecutionem postponeret bono utili aut delectabili transitorio, illamque interpretativè contemneret, quandoquidem actualitè cognoscat, quovis mortali jus ad beatitudinem deperdi. Subsumo cum Auctore Xenii: Atqui clarum est, non posse idem omnibus præferri, & simul eorum alicui non præferri, contemni, & simul præ omnibus æstimari: ergo clarum est, affectum spei, quem requirimus, excludere positivè voluntatem peccandi mortaliter, sive repugnare omni peccato mortali, cum quodlibet illorum, quoddam sic sperante fingatur committi, necessario contineat interpretativum contemptum beatitudinis seu periculi eâ excidendi, quam tamen simul per spem præponit omni bono utili & delectabili prohibito sub mortali. Ecce argumentum ejusdem formæ, & eorundem prope verborum in spe, prout Auctor Xenii discurrit de amore.

144. Neque, ut arbitror, respondebit, non posse hominem sine amore benevolentiz erga Deum præferre beatitudinem omni bono utili & delectabili, cujus fructio esset peccatum mortale. Cum enim, sine ullo Dei amore, ex duobus bonis ferè equalibus homo possit unum alteri præferre, siue hoc velle præ illo, idque siue comparatio fiat inter duo bona licita, siue inter illicita; quæ specie veritatis dici posset, quòd nequeat summum ac interminabile bonum malle, seu præferre paucis quibusdam & exiguis bonis transitoriis, in quorum electione peccaretur mortaliter. Sicuti ergo amans Deum per hoc, quòd velit bonum Dei, cui novit contrariari peccatum mortale, præfert Deum, seu, ut ipse loquitur, præfert amicitiam divinam iis omnibus, in quibus reperitur, ratio peccati mortalis: ita quoque qui habet spem seu desiderium absolutum beatitudinis, siue talem amorem sui, cui novit contrariari quodvis mortale, consecutionem beatitudinis securam & periculi expertem præfert iis omnibus, in quibus mortaliter peccaretur: atque adeo fertur in eadem omnia objecta materialia, in quæ fertur is qui Deum amat super omnia cum sola differentia in objecto formali.

145. Ea, quæ hætenus diximus, procedunt in hypothesi; quòd is, qui sic sperat, sit justus: ex quo facilis est consequentia ad eundem actum existentem in peccatore: nam sicuti in amore, quem pro Attritione requirit P. Farvacques, si is ponatur esse in peccatore, amor ille, præter exclusionem peccati actualis, movebit insuper ad adhibenda remedia necessaria ad delendum habituale, quòd amicitiam divinam impedit: ita quoque fiet in spe; peccator enim cognoscens se bonum transitorium prætulisse æterno, adeoque sibi satis non esse ad salutem, à peccatis abstinere in posterum, sed insuper veniam obtinendam peccati commissi, dolens quòd tam vile bonum prætulit summo ac æterno, statuit adhibere remedia, quæ necessaria sunt, ad hoc impedimentum beatitudinis tollendum.

146. Facile erit idem argumentum formare de timore: qui enim habet actum timoris, de quo agimus, cognoscit pœnas gehennæ gravissimas esse ac æternas, ealque siue earum periculum incurri per mortale quodcumque: novit etiam difficultatem, quæ est in observatione mandatorum Dei, nullam esse, si conferatur cum pœnis gehennæ: quare eligit illam difficultatem transitoriam potius assumere, quàm gehennam seu ejus periculum incurrere, atque adeo evitacionem gehennæ & periculi præfert earentiæ difficultatis transitoriz, quæ est in observatione præceptorum. Quod si autem stante tali actu peccaret mortaliter, jam evitacionem difficultatis repertæ in observatione mandatorum præferret evitacioni

evitationi gehennę ejusve periculi, atque adeo hoc interpretativę contemneret. Atqui certum est, non posse idem omnibus præferri, & simul non præferri, sed postponi ac contemni: ergo &c.

Hinc patet, quoad exclusionem peccati, nihil adferri disparitatis inter actum amoris Dei, & actus spei aut timoris.

147. At, inquit P. Farvacques pag. 48. Charitas tamquam Regina virtutum imperat omnibus virtutibus, ac proinde per affectum suum relinquit omnibus peccatis mortalibus.

Resp. verum esse, quodd Charitas sit virtutum præstantissima, & hoc sensu Regina: verum præstantia ut sic, non facit, ut excludat peccata contra virtutes inferiores, aliis enim quolibet virtus, quibusdam aliis præstantior, excluderet omnia peccata contra virtutes inferiores, quod nemo dixerit. Actus quidem charitatis, si objectum suum sufficienter appetit super omnia, excludit omne peccatum mortale, sed id oritur ex speciali modo tendendi illius affectus, quo stante, si simul poneretur mortale, esset contradictio. Atqui, ut jam ostendimus, esset eadem contradictio, si habens spem vel timorem, qualem requirimus, peccaret mortaliter. Ergo ex illa voce Regina nihil speciale quoad hunc effectum colligi potest pro affectu charitatis.

148. Sit igitur Charitas Regina virtutum: sed timor est Regine custos, armatus ac vigil miles, protector, &c. qui omnia adversantia retundat & à Regina procul arceat, & sic gratiam sanctificantem seu habitum Charitatis in homine iusto conservet. Timor enim à lapsu PROTEGIT, quia odit vitia, virtutes CVSTODIT, cor sedula VIGILANTIA observat, ab ingressu ejus NOXIAS COGITATIONES repellens CLAVA TERRIBILI videlicet memoria aeternę pœnæ. Timor domini fiducia est fortitudinis, & qui illum possides NON CORRUVET, Dei timor fugat crimina, & perpetuo confert bene agendi voluntatem. Delicta semper EXCLVDIT & mentem conservat. Hęc & plura B. Laurentius Justinianus Traçt' de Timore cap. 2. quem vide in Respons. ad Epist. Famil. num. 58. Juvabit etiam audire S. Chrysostomum Homil. 15. ad Populum Antiochenum, ubi sic loquitur: Quid gehenna gravius? sed hujus mali nihil utilius: gehennę namque timor regni nobis adfert coronam. Ubi timor est, livor non est. ubi timor est, pecuniarum amor non vexat: ubi timor est, extinctus furor est, cupiditas improba correpta, omnis irrationabilis passio exterminata. Et sicut in domo stante milite semper armato, non latro, non fur, non alius quis talia mala patrantium apparere propius audeat: sic & mori animas nostras detinente, illiberalium nulla perturbationum facili nobis subrepsit, sed omnes faciunt, & peccantur timoris impio undique exalte.... cum timore vivimus impossibile est peccare.... Timor nihil aliud est, quam metu.

*munimentum, & turris inexpugnabilis* &c. In eundem sensum loquuntur Augustinus, Gregorius, Ambrosius, Prosper, Hieronymus, Basiliius, Hugo de S. Victore, aliique Patres à nobis adducti Tract. de Attrit. cap. 5. & alibi. Adeo constanter & unanimiter hanc aper tissimam veritatem tradunt Patres.

149. Instat pag. 49. Actus Spei destitutus actu dilectionis Dei propter se, nullam habet repugnantiam cum propria & essentiali ratione peccati mortalis, quia nempe Spes non respicit amicitiam divinam: ergo non excludit positivè voluntatem peccandi mortaliter.

Idem argumentum sic format in timore. Timor gehennæ nullam habet repugnantiam vel contrarietatem cum ratione propria & essentiali cuiuscumque peccati mortalis: propria enim ratio cuiuscumque peccati mortalis petitur ex odio & contemptu amicitiae divinae: timor autem gehennæ nullo modo considerat amicitiam divinam: ergo non excludit positivè voluntatem peccandi.

150. Resp. transeat utriusque argumenti antecedens, nego utramque consiq. Nam ad hoc, ut ex duobus actibus unus positivè excludat alium, sufficit esse tales, ut si simul starent in eodem, voluntas idem vellet & non vellet, sive id præponeret omnibus, & simul alicui non præponeret. Atqui id fieret si cum Spe aut timore, prout de iis agimus, staret peccatum mortale actuale. Cum ergo tora ratio, quam adfert hic Auctor pro exclusione peccati per amorem, etiam locum habeat in Spe & timore, quod nempe voluntas idem præferret & non præferret, seu interpretativè contemneret; frustraneum est quærere, an illa ratio, quæ simul præferretur & non præferretur sit essentialis nec ne, cum non magis possit voluntas simul præferre & non præferre eandem rationem non essentialem, quàm essentialem; certè si id facere posset circa rationem non essentialem, posset etiam circa essentialem.

151. Dixi, transeat antecedens, quia revera Spes magis considerat amicitiam divinam erga nos, quàm illam consideret affectus Charitatis. Cum enim Spes sit desiderium beatitudinis obtinendæ per media necessaria, sperans autem cognoscat, admittendos ad gloriam solos illos, quos gratia habituali donatos Deus amat, in hæc omnia tendit Spes saltem confuse aut virtualiter. Amans autem Deum propter se, nullo modo considerare debet amicitiam Dei reciprocam, ut dictum est num. 138.

Similiter ostendetur timorem seu fugam gehennæ respicere, si non positivam amicitiam divinam, saltem negativam seu carentiam odii divini: hoc autem non vult vitare, qui mortaliter peccat, adeoque interpret-



terpretativè contemnit leu vilipendit carentiam odii divini contra se. Non ostendetur autem, quòd ratio essentialis peccati mortalis sita potius sit in contemptu interpretativo positivè amicitiae divinae, quàm in simili contemptu amicitiae negativè seu carentiae odii divini.

152. Dices: in hoc differt timor ab affectu Charitatis de quo agitur, quòd stante Charitatis affectu non possit in eadem anima simul esse affectus vehementior, qui sit peccatum mortale. Stante autem quocumque timore possit in eadem anima esse affectus vehementior, qui sit peccatum mortale. Ita Auctor Xenii pag. 53.

Resp. negando ass. Si enim præferre simul & non præferre, seu velle simul & non velle non impediatur, quo minus possit stare timore adesse affectus vehementior, qui sit peccatum mortale, nunquam probabis, non posse cum amore stare affectum vehementiorem mortaliter malum. Nam sicut amor illè Deum præfert omnibus, in quibus peccaretur mortaliter, & hoc sensu super omnia; ita quoque Spes præfert beatitudinem omni bono delectabili, in cuius usu mortaliter peccaretur, adeoque simili sensu est super omnia. Et idem est in timore.

153. Dices. Dari potest peccatum mortale, quod non sit contemptus interpretativus periculi gehennæ, atqui hoc non potest positivè excludi per timorem gehennæ, ergo &c. Probatur Major, in homine, qui nesciret gehennam puniendos, qui peccant mortaliter.

Resp. distinguendo majorem: potest dari mortale, quod non sit contemptus interpretativus gehennæ, in illo, de quo agimus; nego: in quopiam alio, transeat: Is enim de quo agimus, scit quovis mortali incurri gehennam, quam idcirco timet, adeoque non potest ab illo committi mortale, quod non sit contemptus interpretativus gehennæ, adeoque in illo subjecto stante metu fundato in illa cognitione, nequit stare ullum peccatum. Ut autem positivè excludat voluntatem peccandi, sufficit si excludat omne peccatum à suo subjecto, non autem requiritur, ut excludat peccata aliorum, cum id nequidem faciat actus Contritionis: hic enim elicitus à Petro non excludit positivè peccatum Pauli. Hoc argumentum volui simul proponere, quia dubito, utrum non hoc sensu intelligat Auctor Xenii, dum dicit timorem non repugnare propriæ & essentiali rationi peccati mortalis.

*Respondetur ad reliqua, quæ circa hanc questionem  
profert auctor Xenii.*

**P**rimò sæpe repetit actus timoris & Spei esse actus virtutum particularium, qui proinde non pervagantur omnia vitia, nec illa excludunt. Adeoque vult timorem (& idem est de Spe) tantum opponi vitio alicui particulari.

154. Verùm si timor gehennæ virtus sit particularis, & particulari tantum peccato opposita, atque adeo hoc solum excludens, miror quòd illud vitium oppositum non assignaverit. Certè cum timori opponatur audacia, quæ consistit in voluntate aggrediendi pericula, quæ timor fugit, timori gehennæ aut periculi hanc incurrendi, qui actus bonus est, opponi debet vitium audaciæ, qua homo periculo gehennæ se exponat: atqui æquè se sciens & volens exponit quis periculo gehennæ, live in specie iniustitiæ, live luxuriæ, live in alia quacumque peccet mortaliter: ergo in cuiuscumque delictum peccati mortalis perpetratione reperitur audacia, timori gehennæ opposita, & per consequens timor gehennæ opponitur peccato cuilibet mortali.

Secundò rursus adfert illud hemistichium: *quem metuit, quisque perire cupit*, cui ut conciliet auctoritatem, asserit esse Hugonis à S. Victore.

Resp: Si Hugonis est, ex ipso illius hemistichii sensum optimè disceamus. Porro Hugonem id non intelligere de actu timoris inter nos controverso, manifestissimum est ex iis quæ tradit Tom. 1. lib. 4. Allegor. in Lucam pag. 164. ubi non tantum asserit timorem gehennæ excludere quodlibet peccatum, sed insuper eandem, quam nos, asseritionis suæ adfert rationem. Verba ejus dedimus in Respons. ad Epist. Famil. nu n. 55.

155. Tertio allegat D Thomam dicentem: *Timor servilis non est numerandus inter dona Spiritus S. .... quia potest habere annexam voluntatem peccandi*. Ad id autem quod dixeram, illum loqui de timore servili in alio sensu, respondet Auctor Xenii: *effugium hoc est, non responsio, quia nullum in Angelico Doctore duplicis illius timoris exstat vestigium*.

Resp: non vestigium tantum, sed & ipsam distinctionem duplicis timoris clarè in D. Thoma reperiet, qui ipsum attentè legerit, ut ostendi in Respons. ad Epist. Famil. cap. 15.

156. Solutio, quam Auctor Xenii adhibet ad argumenta à me facta pro exclusionem peccati per timorem aut Spem ad hæc capita reducitur.

Primo

Primò admittit actus Spei & timoris posse excludere voluntatem peccandi, sed non immediatè, seu se solis, sed tantùm accedente actu dilectionis Dei.

Resp. Eodem jure dicam amorem, quem in Attritione requirit, non excludere se solo voluntatem peccandi, sed tantùm mediante actu aliquo Charitatis perfectissimo; Imò nec hunc probabit, se solo peccatum excludere, nisi idem probet de Spe & timore.

157. Secundò dicit probationes meas continere petitionem principii, quia in illis supponitur dilectionem Dei non esse necessariam, quod veritatur in questione.

Resp. negando ass. Cum enim in Quodlibetica probasset insufficienciam Attritionis nostræ, ex eo quòd non excludat voluntatem peccandi. Ego contra cap. 5. probavi fusè, quòd necessariò excludat peccatum, neque in toto discursu ullibi suppono, talem Attritionem cum Sacramento sufficere, sed ratio mea locum habet etiam in eo, qui jam justificatus est, adeoque non eget Sacramento. Expressè insuper egi de casu, quo peccatori in extremis constituto deest copia Sacramenti, quo casu ad salutem proculdubio requiritur actus Charitatis. Ostendi denique ad hanc questionem de exclusione peccati actualis per spem aut timorem, impertinens planè esse, siue Attritio se sola justificet siue tantùm mediante alio: nam si id faceret se solo, non ideo magis, minusve excluderetur peccatum actuale, quàm jam faciat, ut ostendi dictò cap. 5. Tract. de Attritione; quæ omnia dissimulavit P. Farvacques, ut oppositio sua speciem aliquam videretur habere.

158. Tertiò arguit à me malè supponi, voluntatem, quam quarto loco voco efficacem, posse haberi sine dilectione Dei.

Solutio hæc refutata est supra ubi ostendi, quòd quis possit summum bonum beatitudinis præferre per affectum bonis transitoriis, & evitacionem gehennæ evitacioni difficultatis occurrentis in observatione præceptorum; ipse autem in tali præferentia statuit totam efficaciam actus amoris. Si neget ita præferri posse per Spem aut timorem, ostendat, quæso, quòd per amorem possit amicitia divina præferri omnibus, & sic esse efficax. Non video quomodo negari possit, dari actum efficacem eà efficacità, de qua agimus, qui tamen non sit amor Dei; nisi quis fingat, nullum dari actum efficacem, nisi qui sit actus amoris Dei, adeoque non posse inter duo graviter prohibita unum efficaciter alteri præferri. Profecto si possem efficaciter detestari peccatum, quia hoc est malum Dei, cur non potero illud ipsum efficaciter detestari, quia mihi malum est.

159. Hinc patet quàm meritiò Tridentinum sess. 6. cap. 6. ubi singulos actus in preparatione à se enumeratos singulis confirmat Scripturæ locis; timor, de quo egerat, (adeoque qui amorem Dei non involvat) hunc adapter locum Eccli, 1. *Timor Domini expellit peccatum.*

## C A P U T V.

*Quid opponat Auctor Xenii argumentis à me adductis pro quaestione principali?*

**E**xaminat hic Auctor cap. 5. sui Xenii pag. 54. ea argumenta, quæ pro nostrâ sententia attuleram.

### §. 1.

*Expenditur Solutio primi Argumenti.*

**P**rimum argumentum desumpseram ex Tridentino, quod in proœmio sess. 14. spondet exactiorem & plenioram de hoc Sacramento doctrinam, ac definitionem, quo demonstratis & convulsis erroribus, Catholica veritas perspicua fiat & illustris: Atqui id minimè præstaret Synodus, si Attritio, quæ cum Sacramento sufficit, de qua agit cap. 4. ejusdem sess. requireret amorem amicitiz erga Deum, neque tamen Synodus hujus ullam faceret mentionem. Quin, si ille amor requireretur, traderet doctrinam, quæ in illis circumstantiis nata fuisset inducere in periculosum errorem, imò quæ de facto in illum induxisset, cum passim omnes post Tridentinum ex ipsis Synodi verbis persuasi fuerint, Attritionem, quæ non sit ex motivo amoris benevolentiz erga Deum, sufficere cum Sacramento: cum sic passim instructi fuerint fideles, idque in praxi secuti &c. prout fusiùs dixi Tract. de Attrit. cap. 8. §. 1.

160. Huic argumento opponit 1. Auctor Xenii. Synodus tradit plenioram & exactiorem de hoc Sacramento doctrinam, dum tradit materiam & formam, aliaque alibi non tradita; neque enim requiritur, ut nihil omnino omiserit Synodus: clarum enim est, quod non determinaverit, sintne exprimendæ in Confessione circumstantiæ in eadem specie aggravantes, aliaque de quibus nondum convenit inter Theologos.

161. Resp. certissimum esse, quod ad hoc, ut Synodus dicatur convulsis erroribus tradere doctrinam plenioram & exactiorem, necessarium non sit minutissima quæque determinare (quod in nullo Sacramento fecit)

fecit) præsertim circa illa, in quibus utramvis partem tenueris, nihil de integritate, valore, aut fructu Sacramenti detraxeris. Alia profecto ratio est in puncto controverso, in quo agitur de parte materiali huius Sacramenti, à qua Sacramenti valor, adeoque & hominum salus dependet. Maxima inter Tridentino antiquiores erat sententiarum diversitas circa actum cum Sacramento requisitum ad justificationem. Plurimi assererant non alium sufficere, quam qui per se justificat, seu Contritionem perfectam, volebantque sacerdotis absolutione peccata non remitti quoad culpam, sed illum solummodo pronuntiare & declarare peccata remissa esse poenitenti. Hanc doctrinam damnat Tridentinum sess. 14. Can. 3. & 9. Alii præter Contritionem perfectam agnoscebant dari poenitentiam aliam, quæ non nisi accedente Sacramento sufficeret ad justificationem. Hujus actus à Contritione perfectâ discrimen petebant multi ex motivo formali, nempe timoris, Sp. i &c. & hunc actum pronuntiabant sufficere cum Sacramento, alii quidem absolutè, alii verò non nisi tum, quando putabatur esse perfecta Contritio. Horum sententiam tanquam erroneam exagrabat Lutherus. His positis Synodus censi non posset tradere exactam de hoc Sacramento doctrinam. Si (cum definiat dari poenitentiam non nisi cum Sacramento justificationem, adeoque duplicem esse partem materialem hujus Sacramenti, quarum alterutra sufficit) nullibi tamen traderet, quænam sit illa altera pars materialis, & in quo differat à Contritione perfecta: si primam poenitentiae partem seorsim pertractans, eam in duas species dividat, & primam assignet Contritionem perfectam, ac deinde nullius alterius membri meminerit, quam ejus Contritionis imperfectæ, quæ Attritio dicitur, & ex gehennæ metu concipitur, nulla facta mentione amoris benevolentiae erga Deum: si denique, cum censeret amorem requiri, iis nihilominus verbis suam conceperit definitionem, ex quibus posteriores Auctores passim probarunt, dolorem cum Sacramento requisitum concipi non debere ex motivo amoris benevolentiae. Ex his quis non videat (si vera esset Adversariorum sententia) doctrinam Concilii circa partem materialem, quæ ad valorem facit, nullo modo fore exactam, sed confusam, natamque in errorem inducere saluti animarum perniciosum.

162. Opponit 2. Tridentinum sess. 14. abundè meminit dilectionis Dei propter se, quando meminit *poenitentiae, conversionis ad Deum, Contritionis &c.*

Resp. negando ass. nam illi qui ante Tridentinum assererant, dolorem cum Sacramento sufficientem non debere oriri ex motivo amoris

Dei, non dubitabant, quin ille actus esset pœnitentia, conversio ad Deum, imò & contritio, licet eam passim ad distinctionem à Contritione perfecta vocarent Attritionem. Certè nostram Attritionem esse conversionem ad Deum agnoscit D. Thomas supra num. 48. Et ipsum Tridentinum sess. 14. cap. 4. ubi fatente Adversario agit de Attritione in sensu nostro, eam vocat Contritionem. Quomodo ergo per eas voces sufficienter expressit, dolorem cum Sacramento sufficientem debere necessariò elici ex motivo amoris amicitiz?

163. Instat, Synodum sess. 6. cap. 6. fecisse mentionem amoris Dei.

Resp. id non sufficere: nam cum illic agat vel de sola justificatione extrasacramentali, ut volunt aliqui, vel de utraque (ut ostensum est cap. 1. §. 1.) neque illic tradat, qualis & ex quo determinatè motivo elici debeat sive Contritio perfecta, sive Attritio, juvare id non potest ad exactam & perspicuam doctrinam de parte materiali hujus Sacramenti, cujus adeo frequens & necessarius est usus.

## §. 2.

### *Ejusdem ad 2. argumentum Solutio.*

**A**lterum argumentum petieram ex tam constanti & unanimi plurimorum omnis generis & conditionis consensu. Nostra enim sententia passim invaluit post Tridentinum, eaque imbuti sunt fideles: sciverunt id Pontifices, neque horum quisquam eam sententiam ut falsam aut dubiam notavit. Hinc autem peti efficax argumentum in questione circa materiam & formam Sacramentorum, certissimum est, ut fufius dixi Tract. de Attrit: cap. §. 3.

164. Huic argumento occurrit Auctor Xenii, negando constantem illum & unanimem plurimorum consensum.

Verùm adeo manifestus est hic consensus post Tridentinum (quod solum asserui) ut negari à nemine possit.

Candelabrum suum primò impressit Vivaldus anno 1588. vigesimo quinto post absolutum Tridentinum anno. Hic titulo de Attrit: pro nostra sententia ex D. Henrico Salmantino enumerat Canum, Joannem Medinam, Durandum, S. Antoninum, Alphonsum à Castro, Waldensem, Roffensem, Tapperuin, Sixtum Senensem: circa quos Auctores non aliud opponit Vivaldus, quam quod illorum aliqui non clarè id dicant. Tum pergit pro eadem sententia citare Barth. Medinam; Coronam, Vegam. Ac demum adfert ex Henrico Salmantino, quod per Concilium Tridentinum sess. 14. cap. 4. hæc opinio tamquam vera in Academiis Italia & Hispania



*Hispania prædicetur, sicque Magistros Salmantinos eam recepisse. Neque earum Academiarum in hanc sententiam consensum negat, aut in dubium revocat Vivaldus. Pro sua verò sententia sex tantum nominat Auctores, quorum maxima pars, vel jam ante inchoatum Tridentinum, vel ipsius Concilii tempore vivere desierat.*

165. His præmissis sic suam conclusionem statuit Vivaldus: *Sed (SVB S. ECCLESIAE CORRECTIONE, iudicioque meliori) licet pro prima opinione TOT TAM GRAVESQUE sint Auctores: secunda opinio mihi placeat. Fattetur igitur ingenuè, pro nostra sententia stare tot & tam graves Auctores, dumque oppositam tam circumspèctè & timidè enuntiat, Sub S. Ecclesia correctione, satis indicat, se à communi tunc Doctorum sensu recedere. Denique postquam suam sententiam probasset ex less. 6. cap. 6. concludit: Vide per dictum caput 6. patet clare intellectus noster ad caput 4. sess. 14. LICET NVLLVS SIC EXPLICIT.* Ex quibus omnibus manifestum fit, dum scribebat Vivaldus, sententiam nostram fuisse passim receptam.

166. Bellarminus lib. 2. de Pœnit. cap. 18. (quod opus impressum anno 1583.) asserit perspicuum esse ex Tridentino less. 14. cap. 4. quod Attritio ex timore concepta, accedente Sacramento justificet. Eodem anno impressit Ludovicus Lopez, qui fatetur se olim propensiores fuisse in sententiam oppositam antiquorum, jam tamen se amplecti nostram: *precedente lumine Concilii Tridentini.* Eandem sententiam brevi post tradiderunt Suarez & Valquez, quos, ut ait Joannes Morinus, secuti sunt innumeri.

Joannes Pureauus Ord. Erem. S. Augustini, (qui suos commentarios edidit anno 1620.) Tom. 2. part. 1. in supplem. dub. 1. de nostra Attritione sic pronuntiat: *Concors est OMNIUM sententia, Attritionem cum Sacramento sufficere ad justificationem impii.* Neque opus est in re manifesta diutius in hære, præsertim cum Auctor Xenii in responsione ad hoc argumentum omissis aliis recurrat ad Auctores Tridentino antiquiores.

167. Contraria, inquit, fuit opinio antiquorum, ut testatur Ludovicus Lopez.

Resp. Antiquos plerosque (si non omnes) qui in actu doloris cum Sacramento sufficientis requirebant amorem Dei, requisivisse Contritionem vi sua justificantem, quia Sacramento poenitentiae credebant vim non inesse, ad peccata primum quoad culpam remittenda: a qua illorum sententia cum procul sit Auctor Xenii, non video quid illi antiqui aut ipsi patrocinentur aut nobis adversentur, cum utrique agnoscamus, Sa-  
mentum

cramentum hoc posse peccata primo remittere, & sublato Sacramento (scu, quod idem est, virtute Sacramenti ad remittenda peccata) requiri actum amoris benevolentiae erga Deum. Vide dicta in Respons. ad Epist. Famil. cap. 5. num. 53.

168. Rurlus hic opponit, neminem à me productum, qui nostram sententiam docuerit ante Tridentinum; quod iterum repetit in Epistola ad RR. DD. Pastores.

Verum hoc aliud non est, quam in meridiana luce nosse videre. In Resp. ad Epist. Famil. cap. 3. num. 22. & seqq. produxi Jacobum Latomum tam aperte tradentem sententiam nostram, ut qui de hoc dubitet, possit eodem jure dubitare, an ego asseram dolorem ex metu live amore benevolentiae sufficere cum Sacramento. Neque hanc sententiam tantum tenuit Latomus, sed insuper eos, qui nolunt adire Sacramentum Poenitentiae, nisi putent se dolere ex amor Dei, pronuntiat *in iuri sua prudentia, divinum Sacramentum minus jussu assilmare, Deum & Sanctam ejus Ecclesiam offendere.*

169. Produxi Fisscherum Episc. Rossensem, non suo tantum, sed & aliorum Catholicorum nomine nostram sententiam docentem, ut videre est ex ejus verbis relatis Tract. de Attrit. num. 161. & seqq. Cum ad haec Fisscheri verba: *ego certe tam fidem, quam dolorem VOTO SALTEM AFFECTATVM, exigi non dubito: hanc in Quæst: Quodli: addidisse glossam, id est, si putet se habere dolorem ex Charitate provientem, ostendi illam malè, & contra mentem Fisscheri intrusam.* Neque in Xenio aliud opponit hic Auctor, quam quod dolor in voto non sit verus dolor. Verum id ad propositum non facit, nam Lutherum impugnans Rossensis asserit dolorem requiri *saltem voto affectatum*, abstrahens nimirum à veritate ejus sententiae, quæ assererat cum Sacramento sufficere votum doloris, aut quod quis doleret se non dolere.

170. Attuli Gabrielem, qui cum inter diversas de hoc puncto sententias etiam nostram retulisset, addit *singulas habere graves viros defensores*, ergo fuere ante Gabrielem, qui nostram docerent sententiam.

Non possum, inquit Auctor Xenii, non mirari, quod ad Gabrielem provocetur, cum is requisiverit Contritionem perfectam.

Resp. quænam hic quæstio admirationis causa? numquam dixi Gabrielem nostræ fuisse sententiae, imò è contra quando ejus verba nostram sententiam continentia exhibui, simul monui nec à Gabriele non ex sua, sed ex aliorum sententia dicie: licet ergo Gabriel requirat Contritionem perfectam, asserit nihilominus nostram sententiam habere graves viros defensores, adeoque dicit id, ad quod ejus testimonium advocaveram

nempe

nempe quòd fuerint diu ante Tridentinum, qui nostram defenderint sententiam.

171. Exhibui verba Durandi in quibus clarè asserit cum Sacramento dolorem ex metu gehennæ sufficere.

Opponit P. Farvacques in Epistola ad Pastores, quòd non dicat Durandus sufficere Attritionem *cognitam*.

Resp. cum absolutè dicat illam Attritionem sufficere, nec ostendatur addere limitationem, *si putetur Contritio*, quis dubitet id intelligendum de cognita? Certè licet non meminerim me legere in Auctore Xenii, quòd sufficiat Attritio ex amore imperfecto *cognita*, non dubito tamen, dum dicit requiri & sufficere Attritionem ex charitate, quin id intelligat de illa Attritione cognita ut tali.

172. Denique ut alios taceam, produxi Ruardum Tapperum, qui opus suum absolverat anno 1555. diu ante finem Tridentini, & hujus actis nondum visis, ut ibidem dixi. Asserit autem Tapperus esse *probabilem Doctorum sententiam*, quòd sufficiat Attritio ex metu cognita. Unde ipse Tapperus eandem sententiam variis locis docet, ut ostendunt ejus verba relata in Tract. de Attrit. cap. 11. §. 7. num. 278. & seqq. Item quæ retulimus supra num. 90.

Opponit Auctor Xenii Hæc Tapperi verba: *Attritio verò ex timore poenarum supernaturalium idonea dispositio est ad Sacramentum Baptismi & Pœnitentie &c.* sunt ipsissima, quæ habet Melchior Canus, ut propterea verba illa non adferantur à Tappero ex propriâ, sed ex Melchioris Cani sententiâ.

Resp. Hanc esse mirabilem consequentiam. Tapperus in hac conclusionem utitur iisdem vel fere iisdem verbis, quibus utitur Canus, ergo loquitur non ex sua, sed ex Cani sententiâ; præsertim cum Tapperus in hujus sententiæ deductione & probatione plurima habeat à discursu Cani placet diversa, neque facit Cani mentionem. Deinde ut esset locus aliquis huic conjecturæ, ostendi debet, quòd Canus suam illam Resolutionem de Pœnitentia impresserit ante annum 1555. quo opus suum absolverat Tapperus: quod an ita sit dum inquiri, reperi alicubi scriptum, quòd hæc Relictio impressa fuerit Compluti anno 1558. biennio ante mortem Melchioris Cani; neque hæcenus invenire potui impressionem anteriorem: si alia præcesserit, ea ni fallor, erit antiquam Canus adiret Concilium Tridentinum, adeoque ante celebratam sessionem 14. cui interfuit, præsertim si eam impresserit, quando publicè docebat Salamanticæ, prout indicat Ant. Senensis in Bibliotheca Ord. Prædicat: & per consequens accepserit poterit Canus Auctoribus ante Tridentinum.

Quod autem ibidem addit, Tapperum hanc sententiam rejecisse, omni caret verisimilitudine, cum non hoc tantum loco, sed variis aliis eam sententiam constanter tradat.

173. Auctores hujus Universitatis, quos magno numero pro sua sententia congesserat, ostendi exhibitis Auctorum verbis illi minimè favere. Ipse jam lectorem ad fontes reniittit, quos ut quisque consulat summo opere opto, dummodo totus contextus legatur, & non cursim inspiciantur pauca verba ab antecedentibus & consequentibus avulsa.

174. Duo tamen hic monet Auctor Xenii. Primum est, non bene à me responsum articulo 4. Confessionis Catholicæ Lovaniensis; quia nempe, ut ait, hæretici per terrores intelligebant etiam dolorem de peccatis, & propositum non peccandi.

Resp. hoc non monuisset, si rectè examinasset, quem dolorem, & quale propositum admiserint hæretici: quæ explicui supra cap. 2. adductis Tapperi verbis, ex quibus id discere poterit. Imò ad hoc sufficere poterant, quæ ipsemet in Appendicæ Quæst. Quodlib. adfert ex Tappero dicente nostram sententiam esse *probabilem Doctorum sententiam*. Ex his enim solis facile erat perspicere, quòd, dum Facultas art. 4. reprobabat terrores, non rejiciat ullo modo nostram sententiam. Cum enim Facultas anno 1544. ediderit illos articulos, ad præmuniendum populum contra exorientes tunc hæreses; cui vel in mentem venire poterit, quòd eam sententiam in hæreticis tamquam erroneam & perniciosam damnarit, quam paucis post annis præcipuus hujus Universitatis Doctor Tapperus, (qui illis articulis condendis sine dubio interfuit) vocat *probabilem Doctorum sententiam*, & quàm ipsemet pluribus locis tradit, idque in eo opere in quo dictos articulos ex professo explicat ac contra hæreticorum objecta defendit? Quis item sibi poterit persuadere, Facultatem tamquam perniciosum dogma in hæreticis notasse sententiam illam, quam, paucis annis ante, alterum hujus Academiæ lumen Jacobus Latomus adeo perspicuè docuerat, non sine censura aliqua oppositæ sententiæ?

175. Alterum monitum Auctoris Xenii hoc est. Ex eo, inquit, quòd aliqui Auctores in quibusdam à nobis dissentiant, malè inferitur, quòd nobiscum non sentiant in quæstione principali.

Resp. 1. Illos Auctores, qui asserunt absolutionem non esse nisi signum remissionis peccati factæ per prævium poenitentis actum, vel Sacramento denegant virtutem peccata quoad culpam primò remittendi, hos, inquam, omnes perperam ab Adversariis pro se adferri, adeo manifestum est, ut tergiversationi non sit locus. Quis enim ex illis Auctori-  
bus

bus, qui non alium agnoscunt justificationis modum, quàm per actum proprium (quem necessariò statuere debent amorem Dei super omnia) quis, inquam ex illis petendum existimet, quis actus sufficiat accedente Sacramento ad remittenda peccata virtute, quam virtutem ipsi negant, quamque nos & Adversarii admittimus? Vide Respons. ad Epistol. Famil. cap. 5. num. 53.

176. Resp. 2. non parvum indicium esse sententiæ non rectè fundatæ, quando etiam pauci, qui pro illa adferuntur Auctores, inter se dissentiunt in ipsa sententiæ substantia, prout faciunt Auctores, qui post Tridentinum oppositam amplexi sunt opinionem; quod breviter ostendo.

Navarrus, qui sua impressit tempore Tridentini, recudens postea manuale anno 1575. fatetur se amicè monitum ab Adm. R. P. Vincentio Justiniano Ord. S. Dominici, quodd doceret ad Sacramentum non sufficere Attritionem cognitam, & tandem post varia concludit: *Quidquid aliis videatur, ego non arbitror sufficere Attritionem, qua peccator cessat à peccato propter solam pœnam inferni, quatenus pœna est, si nullus actualis vel VIRTUALIS amor Dei cõmitetur. Ubi contentus est amore virtutis, qui quid sit non explicat, nec exprimit amorem Dei super omnia.*

Similiter Vivaldus dicit in Attritione sufficere amorem virtualem: suam autem Attritionem per hoc distinguit à Contritione, quodd amor in Attritione non sit ita *efficax & super omnia.*

Constantius Sarnanus circa annum 1592. non aliud dicit de Attritione, quàm quodd à Contritione differat per intentionem & remissionem.

Ludovicus Carbo, qui scripsit ante annum 1600. censet cum Sacramento non sufficere Attritionem, sed requirit Contritionem. Idem tenet Estius, quem priùs secutus fuerat Sylvius, sed in quarta editione nostram amplexus est sententiam.

177. Exim. P. Lupus fatetur sufficere Attritionem, hanc tamen vult complecti actualem Dei propter se amorem, qui efficax sit & super omnia, in quo non parum ab Auctoribus hætenus relatis discrepat.

Exim. P. Farvacques, licet, quantum memini, nullibi clarè exprimat, cum Sacramento requiri amorem Dei *super omnia*, talem tamen quin exigit, non videtur posse dubitari: Cum enim fateatur, actum cum Sacramento proximè sufficientem debere positivè excludere omnem voluntatem peccandi, asseratque timorem gehennæ nullum peccatum positivè excludere (nisi particulare vitium sibi oppositum, quod cuiusvis virtutis actui competit) necesse est admittat, eam exclusionem haberi debere

debere per actum amoris Dei, adeoque hunc esse debere *super omnia*: id quoque indicat dum pag. 47. & 48. ad probandum, quod amor Dei excludat positivè voluntatem peccandi, sic loquitur: *Quolibet autem affectu Charitatis amicitia divina omnibus praefertur.* Item: *Propria & essentialis ratio affectus Charitatis, de quo agimus, fita est in eo, quod Deum summè asimet, & ( ut minimum virtute ) omnibus praeferat.*

178. Quæro jam ab his, quosnam ex scriptoribus post Tridentinum habeant hujus suæ sententiæ patronos, nam ex eo quod aliqui nobis adversentur, non sequitur eos sententiæ ipsorum subscribere. Quamdiu igitur non adferunt Auctores post Tridentinum, qui & negent cum Sacramento requiri Contritionem, prout hæc Attritioni opponitur, & nihilominus asserant ad valorem Sacramenti requiri actualem Dei propter se & super omnia dilectionem, fateri debent, suam sententiam scriptorum post Tridentinum auctoritate esse planè destitutam.

### S. 3.

#### *Examinatur responsio ad reliqua Argumenta.*

**T**ertium argumentum sumpseram ex verbis, quibus utitur Synodus, quæ si conferantur cum verbis Lutheri, clarum fiet, quod Synodus illum Contritionis modum tueatur ac adstruat, quem rejiciebat Lutherus; hic autem loquebatur de Attritione, quæ non erat ex Charitate, sed ex solo timore pœnæ, ergo de eadem loquitur Tridentinum.

179. Huic argumento opponit Auctor Xenii: quod ex illo sequeretur à Synodo approbari Attritionem naturalem, cum hanc rejiceret Lutherus. Hinc censet Tridentinum in hoc puncto sollicitum non fuisse de mente Lutheri, quod pag. 9. & 10. Xenii probat hoc dilemmate.

Vel Tridentinum in casu de mente & sensu Lutheri, quem Catholicis attribuit, sollicitum fuit, vel non fuit. Si dixeris sollicitum fuisse, & sensum, quem Catholicis attribuit Lutherus, probasse; fatearis necesse est, Attritionem naturalem, ex sententia Synodi, sufficere cum Sacramento Pœnitentiæ. Si negaveris Tridentinum de mente Lutheri eo sensu, quem Catholicis tribuit, sollicitum fuisse; ergo jungamus dextras &c. Hoc dilemma adeo efficax visum fuit Auctori Xenii, ut dicat me, velim nolim, fateri debere, nihil sollicitum fuisse Tridentinum de mente & sensu Lutheri; verum nihil ejusmodi probat hoc dilemma, ad quod

180. Resp. Tridentinum omnino sollicitum fuisse de mente & sensu Lutheri, quem Catholicis attribuit, hinc tamen perperam infertur, ergo Synodus



Synodus admisit, quòd cum Sacramento sufficiat Attritio naturalis. Diversissima enim sunt, de mente & sensu hæretici sollicitum fuisse Concilium; & omnia, quæ dixit hæreticus, approbare. Cum enim hæreticis familiaris sit, vera falsis miscere, Synodus de eorum dictis & sensu sollicitam se ostendit, dum vera à falsis secernit, hæc rejiciendo, illa approbando; quòd in casu fecit Synodus. Reprehendebat Catholicos Lutherus, quòd docerent Attritionem ex metu reddere peccatorem dignum absolutione, addebatque dolorem, ex solo metu conceptum, esse actum merè naturalem, imò & peccaminosum, esse dolorem extortum & coactum, traducens Catholicos, quasi docerent actum naturalem & nullo modo bonum, esse dispositionem sufficientem ad absolutionem. Tridentinum verò quid de horum singulis sentiendum sit expressè definit: & pronuntiat, Attritionem ex metu ( si voluntatem peccandi excludat cum spe veniæ ) esse actum bonum & supernaturalem, adeoque quòd hæretici falsò calumniantur Catholicos scriptores, quasi hi tradidissent Sacramentum Pœnitentiæ absque bono motu susipientium gratiam conferre. Addit falsò hæreticos docere, quòd dolor ex metu sit Contritio extorta & coacta, non libera & voluntaria. Poteratne Synodus clariùs ostendere, curz sibi fuisse ea, quæ tradit Lutherus circa Attritionem à Catholicis assertam? Tum calumnia & errore Lutheri rejectis, sententiam de sufficientia Attritionis cum Sacramento adstruit Synodus iisdem fere verbis, quibus in ea rejicienda usus fuerat Lutherus.

181. Instat: undenam constat, quòd similiter calumniati non fuerint hæretici, quando Catholicis adscripserunt sententiam de Attritionis ex metu cum Sacramento sufficientia.

Resp. id constare 1. ex eo quòd Catholici docuerint illam sententiam, ut sæpe ostensum est. 2. Cum in hac materia dicat Synodus, hæreticos quoad aliterum fuisse calumniatos, in altero verò falsò & erroneè sentire, ut jam ostensum est: quis non videat, si Lutherus Catholicis falsò impigisset sententiam de sufficientia Attritionis ex metu, dicturam fuisse Synodum per calumniam Catholicis adscribì illam sententiam? sicuti eorum calumniam expressè notat, quoad sufficientiam actus non boni cum Sacramento à Catholicis assertam, quod his imponebat Lutherus.

Quod hic rursus addit Auctor Xenii, doctrinam à Lutero rejectam non fuisse aliam, quàm quòd Attritio proximè disponat ad actum Contritionis, refutatam est supra num. 125.

182. Quartum argumentum petebatur ex Augustino lib. de Catechizandis rudibus cap. 17. quòd deduxi Tract. de Attrit. cap. 3. §. ult.

num. 174. ubi probavi ejus verba intelligenda e. l. de Baptismo non tantum valido, sed fructuoso. Cui probationi cum nihil respondeat Auctor Xenii, sed nudè asserat, Augustinum intelligendum de Baptismo valido quidem, sed non fructuoso, non est quòd huic rei immorer.

183. Quintò denique cum supponerent Adversarii, Attritionem ( de qua agit Trident: sess. 14. cap. 4. ) proximè disponere ad gratiam, ut ostenderem Attritionem ex metu proximè ad eandem disponere, probavi vocem *Attritio* tum ante, tum post Tridentinum usurpatam communiter fuisse pro dolore concepto ex motivo metus aut Spei, penes quòd differebat à Contritione, ejus motivum est amor, adeoque & Synodum de Attritione in hac acceptione fuisse locutam.

At, inquit Auctor Xenii, vox Attritio habebat significationem non unam, ergo immeritò quis prætendit, illam unicam vocis *Attritio* significationem persuadere.

184. Resp. verum esse, quòd apud aliquos Auctores etiam alii actus venirent nomine Attritionis, hinc tamen malè concluderis, quòd ea vox non usurparetur communiter pro dolore concepto ex spe aut metu. Sic Tapperus tempore Tridentini scribens, licet diversas assignet Attritionis species, asserit tamen dolorem ex metu vocari *proprie* Attritionem: Ita loquitur ad art. 4. pag. 110. *Secundum genus imperfecta displicentia est, quod oritur ex timore poenarum spiritualium, vel aeternarum, quæ lumine Fidei cognoscuntur, & hanc Scholastici PROPRIE Attritionem vocant.* Cum igitur, circa tempora Tridentini, hæc fuerit communis & propria acceptio vocis *Attritio*, quis neget Synodum, quando dixit Attritionem disponere ad gratiam, egisse de Attritione in hoc sensu? & ne ulli dubium id esse possit, addidit Synodus Attritionis, de qua agit, motivum, nempe quòd concipiatur ex metu gehennæ. Quare dum Adversarii volunt, illo loco Tridentini agi de actu, qui sit ex motivo amoris, significationem illi voci, à communi, & ipsius Tridentini sensu abhorrentem, substituunt, prout fecit hic Auctor in Quæst. Quodlib. Jam tamen in Xenio, aliam viam ingressus, fatetur dicto loco Synodum per Attritionem intelligere dolorem, qui sit ex motivo metus.

185. Antequam Xenium suum concludat P. Farvacques rursus transit ad illam quæstionem, de exclusionem peccati per metum gehennæ: quæritque pag. ultimâ, cur timor poenæ temporalis, v. g. suspendii, non inferat observationem omnium mandatorum Dei, & cur etiam actum internum complacentiæ circa furtum non excludat.

Quæsito huic responsum est, & manifesta assignata disparitas Tract. de Attrit. cap. 3. Quia nempe cum actus interni non puniantur furtâ, illorum

illorum omissio non est medium necessarium ad evadendam pœnam, quæ efficaciter timetur, adeoque timor illius pœnæ solum impedit furtum externum, & eos actus internos, quibus positus cognoscitur secutum furtum externum, vel saltem esse morale periculum ne sequatur. Multò minus timor patibuli impedit fornicationem, aliaque peccata mortalia.

186. Instat 1. falsum est, quòd omissio cujuscumque consensus interni non sit medium necessarium, ad evitandum patibulum. Probat ass. quia si quis abstinere ab omni peccaminoso consensu circa furtum, numquam exterius furaretur, & per consequens neque propter furtum suspenderetur.

Resp. negando ass. ad probationem dico, licet is, qui abstinere ab omni consensu interno circa furtum tam efficaci, quàm inefficaci, numquam esset furaturus: hinc tamen non sequitur, omissionem cujuscumque consensus interni circa furtum, esse medium necessarium ad evitandam furcam.

187. Instat 2. ad vitandum furtum externum utile medium est, abstinere ab omni omnino consensu circa furtum.

Resp. transeat ass: hinc tamen non sequitur esse medium necessarium. Volitio autem efficax non infert electionem nisi medii necessarii, jam autem ommissio consensus inefficacis non cognoscitur esse ullo modo necessaria ad evitandam furcam, adeoque timor hujus pœnæ non excludit illam inefficacem volitionem. Sic licet ad evitandam gravem Dei offensam, aut gehennam utile sit, nullum quantumcumque exiguum veniale admittere v. g. nullum minutissimum furtum, detractionem & sic de reliquis: Nemo tamen dixerit, evitacionem cujuscumque etiam levissimi venialis, esse medium necessarium ad evitandam gravem Dei offensam, aut pœnas gehennæ: nemo dixerit, quòd timor gehennæ, aut amor Dei propter se & super omnia (qualem in Attritione requirit Auctor Xenii) debeat positivè excludere quodvis veniale etiam levissimum. Ex quo manifestum sit, perperam concludere hunc Auctorem, quòd non fuerit rectè assignatum diferimen inter pœnam temporalem v. g. suspendii, & æternam gehennæ.

## CAPUT VI.

*Ad Epistolam dedicatorem Xenii.*

**P**ostquam Xenium suum evulgasset P. Faryacques, Epistolam dedicatorem ad RR. DD. Pastores postliminio adjecit. In qua precipue stabilire conatur argumenta P. Lupi petita ex Scripturis, & responsionem à me datam infirmare. Quæ hæc eadem operâ vitium est examinare.

188. In hac sua Epistola videtur Auctor Xenii non attendisse, aut sollicitus non fuisse, ad quid probandum ea Scripturæ testimonia adduxerit P. Lupus; neque enim ostendit ex illis aut illorum aliquo rite sequi hanc propositionem; ergo præparatio ad Baptismum necessaria, est Dei propter se super omnia dilectio; quæ erat propositio, quam ex illis Scripturæ locis intulerat P. Lupus. Crediderim illum vidisse, se hanc conclusionem ex dictis Scripturæ testimoniis inferre non posse, ac propterea contentum fuisse responsiones à me datas tantum vellicare.

189. Adduxerat pro sua sententia P. Lupus illud 1. Joannis 3. *Nos scimus, quoniam translati sumus de morte ad vitam, quoniam diligimus fratres; qui non diligit manet in morte.*

Respondi hic agi de Charitate fraterna, prout intelligunt passim omnes, & inter illos Fromondus, imò & Estius, nullam hic faciens mentionem de amore benevolentia erga Deum; quidquid alibi, ubi vidit ita intento suo congruere, aliter explicet. Addidi non agi hoc loco de dilectione, quæ sit causa aut dispositio prævia ad justificationem, sed de illa quæ subsequitur, ex qua tamquam ligno colligatur, verè ante facta sit justificatio. Ita cum Augustino Estius, Fromondus alique. Quia ratione hinc quis intuleris ergo justificationem tamquam dispositio præcedere debet amor Dei propter se & super omnia?

190. Accurrit in auxilium P. Faryacques; & admittit S. Joannem illic loqui de Charitate fraterna: Sed, inquit, *Charitas in fraternam intelligitur, quomodo explicat Augustinus, Xenii pag. 16. id est, quæ dilectionem Dei complectitur.* Addere debebat super omnia, ut fulciret consequentiam P. Lupi.

Resp. licet gratis darem huic auctori, quòd ibi agatur de Charitate fraterna, quæ dilectionem Dei propter se & super omnia complectitur: nihil ipsi juvabit. Nam illo gratis dato, verborum Apostoli, juxta explicationem Augustini, Estii & Fromondi, hic erit sensus: Signum, ex quo colligamus quempiam antea justificatum, est, si postea proximum & Deum super omnia diligit, sive si servet præcepta tam primæ  
quàm

quàm secundæ tabulæ. Hinc si potest, inferat legitimè Auctor Xenii ergo amor Dei propter se & super omnia est dispositio necessariò præmittenda Baptismo aut Pœnitentiæ. Cæterùm sine ullo fundamento dicitur, in verbis S. Joannis comprehendi dilectionem Dei propter se.

191. At, inquit Auctor Xenii pag. 16. S. Augustinus lib. de Fide & operibus cap. 12. ita loquitur: *Ista duo præcepta ita ex alterutro connexa repèriuntur, ut nec dilectio Dei possit esse in homine, si non diligit proximum; nec dilectio proximi, si non diligit Deum.* Et rursus cap. 13. *Utræque enim mutuo connexa sunt, sicut ante dixi: quia neque dilectio Dei potest esse in homine, qui non diligit proximum, nec dilectio proximi in eo, qui non diligit Deum. Ideo aliquando aliterum sine altero, sive illud pro plena doctrina invenitur Scriptura commemorare, ut etiam hoc modo intelligatur alterum sine altero esse non posse.*

192. Resp. mentem Augustini hic aliam non esse, quàm quòd nec Fides sine operibus, nec opera sine Fide profint ad vitam æternam. Hæc explicatio sine dubio iis, qui hoc Augustini opusculum non legerint, videbitur paradoxa & gratis excogitata; sed ubi scopum D. Augustini & contextum examinauerint, clarè perspicient, hanc esse Augustini mentem. Impugnat in hoc libro D. Augustinus errorem aliquorum, qui cum sentirent solam Fidem etiam in maximè sceleratis ad salutem sufficere, volebant ad Baptismum admitti debere adulteros, injustos, aliisque manifestis flagitiis addictos, quorum scelerum emendationem non tantùm non proponerent aut promitterent, sed è contra apertè profiterentur, se in illis sceleribus velle perseverare: patent hæc ex cap. 1. illius libri de Fide & operibus, cap. 6. & alibi sæpe. Addebant insuper baptizandum solummodo instruendum in Fide, non autem de mutandâ in melius vitâ, & deserendis pristinis peccatis, sed hanc instructionem adhibendam post susceptum jam Baptismum: idque nec, si ante Baptismum mentio fieret de emendanda vitâ, abstergeretur à Baptismo lucipiendo; & hæc ratione certò perirent; si autem non factâ vitæ mutatione baptizarentur, & adhibita post Baptismum monitione non æquius scentes perseverarent in sceleribus, vi nihilominus Fidei & Baptismi suscepti salvi fierent quasi per ignem. Quem suum errorem cum niterentur probare ex Scripturis, in quibus mentio fit solius Fidei & Baptismi, ut Act. 8. ubi Eunuchus in Fide instructus & credens, illico baptizatus est, & alia nonnulla. Resp. dicit Augustinus, licet tota instructio, quæ ante Baptismum præmissa fuerat, à sacro scriptore non sit expressa, non dubitandum tamen, quàmquam de veteri homine exuendo, emendandaque vitâ fuerint instructi. Quibus etiam suo errori suffragari putabant illa duo præcepta: *Dilige Dominum Deum tuum ex toto corde tuo etc. &*

*Diligas proximum tuum sicut teipsum, ut refert cap. 10. Tum cap. 13. probat Augustinus etiam de emendanda vita monendos ante Baptisma, ex facto Joannis Baptistæ, Lucæ 3. Uide, inquit, & multis diebus dicentibus, quid faceremus? non dixit, interim cred te, & baptizemini, post audietis quid, accere & beatis; Sed ante dixit, ante præmonuit, ut veniente Domino in eos eorum tamquam præcursor mundaret viam: neminem concesseritis, nulli calumniam feceritis, sufficit vobis stipendium vestrum. Adfert etiam exemplum Christi Lucæ 18. Quid, inquit, ipse Dominus, ut aliquid emittam, cum ab eo dives ille quæreret, quid boni faceret, ut vitam æternam consequeretur, respondens quid responderet: Si vis venire, inquit, ad vitam, serva mandata. At ille, quæ? inquit Dominus commemoravit præcepta legis: Non occides, non moechaberis & cætera. Verum quia hic Christus nullam fecit mentionem Fidei, sic prosequitur Augustinus: Vidant igitur non dictum esse ut crederet & baptizaretur, quo solo adiutorio putant isti veni re hominem ad vitam: sed morum præcepta homini data, quæ utique sine Fide culto liri observarique non possunt: nec tamen, quia hic de insinuanda FIDE Dominus videtur tacuisse, præscribimus nos, atque continemus sumus, morum tantummodo præcepta dicenda hominibus ad vitam pervenire cupientibus. Afferit hic D. Augustinus licet Christus Lucæ 18. non legatur quidquam dixisse de Fide, sed tantum de observatione legis, non propterea solam legem tradendam iis, qui volunt salvari, sed etiam ipsam Fidem, sine qua servari non possunt mandata; sive Catechumenos docendos & Fidem & præcepta; cuius rei rationem adfert in verbis quæ nobis ex hoc loco obicit Auctor Xenii: sic enim immediate pergit Augustinus: Utæque enim minime connexa sunt, sicut ante dixit quia neque dilectio Dei potest esse in homine, qui non diligit proximum, nec dilectio proximi in eo, qui non diligit Deum. Ideo ab quando alterum sine altero pro plena doctrina invenitur. Scriptura commemorare, ut etiam hoc modo intelligatur, alterum sine altero esse non posse. Hoc igitur cum adferat ad probandum, quod non sola præcepta tradenda sint catechizando, sed etiam Fides; & ante dixerit aliquando poni solam Fidem, aliquando solam doctrinam præceptorum, & neutrum sine altero ad salutem sufficere: quis non videat D. Augustinum hic per dilectionem Dei intelligere Fidem (quæ adversarii sic intelligebant) per dilectionem vero proximi, observationem legis, non occides, non moechaberis &c. Quod adhuc evidentius patet ex verbis sequentibus, ubi rationem reddens, cur dilectio proximi non possit esse in homine sine dilectione Dei & contra, sic nullo interposito subiungit: Quia & qui credit Deo, debet facere quod præcipit Deus, & qui propterea facit, quia præcipit Deus, necesse est ut credat Deo. Quæ ratio ineptissime adferretur, ad probandum, quod actus amoris benevolentis erga Deum non possit esse sine actu dilectionis proximi, & contra;*



& contra, ac proinde fallitur Auctor Xenii, dum verba contra nos in tali sensu profert, ubi antecedentia & sequentia manifestè ostendunt aliam esse Augustini mentem.

193. Atque hinc ulterius patet, non subsistere, quod dicit Auctor Xenii eadem pag. 16. illos, contra quos hoc libro disputat Augustinus, admisisse, dilectionem Dei præmitti debere Baptismo. Si enim id admitterebant, requirebant sine dubio illam dilectionem, de qua eorum sententiam exponens loquitur Augustinus cap. 10. dicti libri de Fide & operibus, nempe contentam his verbis Deuter. *Diliges Dominum Deum tuum ex toto corde tuo &c.* Quibus verbis continetur dilectio Dei super omnia, quæ & voluntatem peccandi excludit, & sufficienter continet dilectionem proximi, ut docet Auctor Xenii dicta pag. 16. Quæro igitur ab ipso, quidnam ulterius requirere ab ipsis potuit Augustinus ad licitum & fructuosum Baptismum? Aut quomodo dicere illi poterant ad Baptismum & salutem sufficere solam fidem, etiam cum aperta professione perseverandi in criminibus, si ad Baptismum requirebant dilectionem Dei, quæ est vera conversio ad Deum excludens omnem omnino voluntatem peccandi? Quomodo denique S. Augustinus toto illo libro contra ipsos probat, ad Baptismum non admittendos, nisi qui statuant vitam in melius mutare? Certum igitur est illos non aliter requisivisse illud primum præceptum, nisi prout in illo continetur, vel ex eo probatur obligatio fidei, in quo etiam sensu accepit S. Augustinus, ut vidimus num. præced.

194. Quæro interim ab Auctore Xenii, utrum existimet præcepta proximi dilectionem spectantia non servari, nisi fiant ex motivo dilectionis Dei propter se, & super omnia? (talem enim dilectionem probare debet, qui causæ P. Lupi cupit patrocinari) Quæro an, si quis proximo in extrema necessitate constituto liberaliter omnia suppeditet, id tamen non faciat ex motivo Dei propter se & super omnia dilecti, sed ex alio motivo v. g. præmii celestis, obedientiæ erga Deum, imò & amoris Dei, sed non super omnia; quæro, inquam, an censeat talem non satisfacere illi præcepto dilectionis proximi, seu præcepto eleemosynæ? Certè Augustinus in Pl. 120. explicans illud Scripturæ: *Nescias sinistra tua, quid faciat dextera tua*: ubi de eleemosyna agitur, sic loquitur, *Quando facis opus bonum propter vitam æternam fac... noli facere nisi propter vitam æternam: ideo fac & securus facies.* Et Item. 19. de verbis Apostoli: agens de beatitudine: *Eccè, inquit, propter quam visionem fac bonum. Ecce propter quam visionem noli facere malum.* Eodem modo loquuntur Cyprianus, Gregorius, aliique citati Tract. de Attritione cap. 6. num. 118. & 119.

195. Certissimum igitur est, quòd præceptis secundæ tabulæ, quæ dilectionem proximi spectant, plenè satisfaciatur, qui abstinet à furto, percussione, odio, aliisque quæ proximo vetamur inferre; & insuper proximo indigenti succurrit, parentes honorat, aliaque exhibet officia, quæ proximo impendere jubemur, licet volitio, qua illa vult omittere, hæc præstare, non alium sibi habeat præfixum finem seu motivum, quàm Spem beatitudinis à Deo consequendæ, aut aliud motivum bonum quodrumque: neque amplius requirere. Estium, patebit ejus dicta consideranti.

196. Cum autem in his, quæ tum hic, tum in Responsi. ad Epist. Famil. diximus, non solum contineatur quid negativum, sed multa etiam positiva, extra chorum saltat P. Farvacques, dum exclamat hinc sequi, omnia tandem mandata in negationes evanescere. An existimat negativum quid esse, necessaria proximo indigenti suppeditare, quando id sit ex motivo gloriæ cælestis, positivum verò, si ex dilectione Dei propter se & super omnia? Frustra exclamat, sic etiam primum præceptum Decalogi in negationem abire: quamquam etiam præceptum primæ tabulæ non sola positiva, sed & multa complectatur negativa.

197. Alterum Scripturæ locum adduxerat P. Lupus ex Apostolo 1. Corinth. 13. *Silinguis hominum loquar & Angelorum, Charitatem autem non habuero, factus sum velut æsonans, aut cymbalum tinniens. .... nihil sum &c.*

Hoc Apostoli testimonium in Responsi. ad Epist. Famil. num. 38. exposui de Charitate habituali cum D. Thoma, Salmerone, Fromondo, aliisque. Neque huic expositioni quidquam opponit P. Farvacques, qua tamen subsistente corrui machina P. Lupi.

Deinde num. 39. & 40. dixi, Apostolum intelligendum de Charitate fraterna, quo modo explicant plures Patres & Interpretes, Chrysostomus, Gregorius, Primasius, Anselmus, Sedulius, Smaragdus, D. Thomas, Menochius, Tirinus, Stevartius, alique.

198. Huic expositioni tot Patrum & Interpretum auctoritate munire reclamatur Auctor Xenii, nullo interim pro sua explicatione adducto S. Patre aut Interprete. Tantùm adfert varia ex eodem capite Apostoli verba, quibus hanc explicationem conatur infirmare: quorum explicationem & solutionem videre poterit apud citatos Auctores, neque enim mei institui hic est, quòd verba mihi à P. Lupo objecta, juxta Patrum & Interpretum mentem intellecta, non faveant instituto P. Lupi, nec consequenti, quod ex illis intendit inferre.

199. Porro ut argumentum P. Lupi firmaretur Auctor Xenii, ostendere

dere debuerat, quod justus (nam de hoc etiam illic loquitur Apostolus, ut dixi loco citato) omni eo temporis momento, quo Deum non diligit actualiter propter se & *super omnia*, sit æs sonans & cymbalum tinniens, nihil sit in esse gratiæ & divini consortii &c. sive quod quovis tempore teneamur actualiter Deum propter se super omnia amare. Hoc enim necessarium est ad inferendum legitime; ergo etiam debemus Deum super omnia amare, dum suscipimus Pœnitentiæ Sacramentum; quod est consequens P. Lupi: quod quamdiu non præstat, frustra conatur laboranti argumento luccurrere. Licet enim admitteretur sensum Apostoli hoc loco esse, quod aliquando amandus sit Deus etiam super omnia, cumque, qui id negligit, esse æs sonans, nihil esse &c. Hinc ramen non sequitur; ergo amore amicitie amandus est, dum suscipitur Sacramentum Pœnitentiæ.

200. Tertium testimonium deprompsit P. Lupus ex 1. Petri 3: *Quod & vos nunc simili forma salvos facit Baptisma, non carnis depositio sordium, sed conscientia bona interrogatio in Deum.*

Verum cum hoc loco nequidem amoris fiat mentio, mirum est ex illis verbis à quopiam inferri potuisse; ergo in baptizando tamquam dispositio requiritur amor benevolentie erga Deum, & quidem super omnia.

Urget nihilominus Auctor Xenii: *Hic, inquit, locus effrax est, si intelligatur de interrogatione, qua ante Baptismum interrogantur Catechumeni, an Deum diligant. Ut patet ex Quæst: Quodlib: pag. 15.*

201: Resp. 1. In verbis, quæ ipse Auctor refert loco Quodlib: à se citato, tantum dici baptizando, *si vis habere vitam æternam serva mandata*, quæ mandata illic summatim recensentur sub nomine dilectionis Dei & proximi, in quibus verbis non continetur ulla interrogatio, an Deum diligat. Quando autem Rituale Romanum monet catechumenum, quod ad vitam æternam necessaria sit observatio mandatorum, non loquitur de his potius, quàm de illis mandatis, cum ad illum finem necessaria sit observatio omnium mandatorum; ergo monet ad observationem omnium tam in Decalogo, quàm in præceptis Ecclesiæ contentorum. Quæro jam ab Auctore Xenii, si hæc legitima consequentia? Ritale monet, ut, si velint habere vitam æternam, observent mandatum de sanctificando sabbatho, de Communionem, de Confessione &c. ergo Baptismo tamquam dispositio præmitti debet sanctificatio sabbathi, Confessio, Communionem &c. Si inanis est hæc consequentia, quomodo subsistit illa: monetur ut servet primum præceptum de diligendo Deo propter se, ergo dilectio talis præmitti debet Baptismo tamquam dispositio?

202. Resp. 2. cur conditionatè dicit: *si intelligatur de interrogatione?* cur non probat de ea debere intelligi? aliàs si recurrendum est ad unum si, poterat longè veriùs dicere, probationem ex hoc loco petitam, esse efficacem, sed sub conditione, si locus ille intelligatur, prout intelligit P. Lupus; qui in illo reperit sensum, quem alii non viderunt, quia verba nihil simile indicant.

1. cum Scripturæ, quem quarto loco adduxerat P. Lupus, ostendi in Respons. ad Epist. Famil. num. 46. & seqq. nullo modo favere illius intento. De hoc, cum aliàs se acturum dicat Auctor Xenii, nihil est, quod hinc addendum veniat.

203. Quinto loco protulerat verba Apostoli ad Rom. 4. *Omne quod non est ex fide putatum est.* Vult autem illorum verborum hunc esse sensum: *Quidquid non est ex fide, & Dei propter se super omnia dilectione, peccatum est.*

Respondi & rursus dico, hoc aliud non esse, quàm obtrudere sensum verborum Scripturæ, à contextu, & unanimi Interpretum consensu alienum. Huic responsioni cum nihil opponat Auctor Xenii, videtur hinc eoulam P. Lupi deferere, neque tali explicationi suum velle adjicere calculum. Addideram juxta Theses sub Exim. D. Andrea Lament defensas, nequidem hinc loqui Apostolum de Fide Theologia: hoc, ut aliquid videretur agere, arripit Auctor Xenii, adfertque Pontificale in ordinatione Subdiaconi, ubi præfata Apostoli verba applicantur Fidri. Verùm quid hoc ad rem facit? cum in officiis Ecclesiasticis ac Ritualibus constet non raro verba Scripturæ accipi in sensu aliquò accommodatiorio.

204. Venio ad Enchiridion Colonienſe, quod perperam sub nomine Concilii Colonienſis citaverat P. Lupus, ejus auctoritate ad varia probanda utens.

In Resp. ad Epist. Famil. cap. 5. §. 2. ostendi, Auctorem Enchiridii, licet fuisset sanæ doctrinæ, perperam nihilominus contra nostram sententiam adferri. Addidi illum Auctorem passim consentire dogmatibus Lutheravorum, præsertim in questione de justificatione, ac proinde nullam esse ejus in materia, de qua agimus, auctoritatem. Quia autem Auctor Xenii videtur minùs probare, quòd Enchiridii auctoritatem imminuerim, operæ pretium erit ostendere, quàm meritò id fecerim.

205. Dictum Enchiridion præcedenti sæculo relatum fuit in Catalogum librorum prohibitorum, sed cum addito, *donec expurgetur.* Postea rursus damnatum est, & prohibitum hoc Enchiridion in Decreto S. Congregat. 3. Julii anno 1623. in hoc Decreto cum non addatur, *donec expurgetur* (quod aliis quibuldam in eodem Decreto recensitis libris apponitur) censendum est, Enchiridion absolute damnari. Decretum hoc exhibet Franciscus Capiferreus Ord. Prædic. S. Congregationis Secretarius.

rius in Elencho librorum prohibitorum impresso Romæ anno 1640. Hinc patet frustra Adversarios illius Enchiridii auctoritatē se tueri, aut nos oppugnare: libenter enim admittemus nos ab opere bis damnato, & Lutheri erroribus passim insperso, dissentire.

266. At, inquit Auctor Xenii, si tantopere delectabat, Enchiridii auctoritatem imminuere, sermonem convertere poterat in ejusdem sectæ Societatis Theologum Stephanum Dechamps, qui illud Enchiridion propugnat & iisdem objectionibus fusè respondet lib. 2. cap. 2. num. 5. Ita P. Farvacques, quem miror in citando Dechamps omisisse operis titulum & disputationem. Ut facilis locum inspicere possit Lector, est ille in opere de Hæresi Janseniana lib. 2. disp. 1. cap. 2.

Possem similiter reponere; si lubebat Auctori Xenii defensionem Enchiridii suscipere, poterat sermonem convertere in Libertum Fromondum hujus Academiæ Doctorem, qui petita ex Enchiridio argumenta, *poma putrida* appellavit. Cum enim Richardus pro sua sententia verba Enchiridii alligasset, sic ad illa respondet Fromondus, Theriacæ lib. 2. cap. 7. scilicet. 7. in fine: *Disce aliis telis Richarde, non putridis istis pomis nobiscum pugnare.*

Verum ad rem non facit, quodnam de Enchiridio fuerit iudicium aut Stephani Dechamps aut Liberti Fromondi. An fortè, si ille approbasset, nesciens esse opus prohibitum, iam Enchiridion esset immune ab erroribus Lutheri? An idcirco desineret esse opus damnatum? Quorum, igitur recurrere ad hunc aut illum Auctorem, dum constat illud opus esse doctrinæ non sana?

207. Cæterum scivit Dechamps, & monuit Enchiridion non esse editum aut approbatum à Concilio Tridentino, scivit esse damnatum & iustum expurgari. Cum autem non fuerit expurgatum in materia, pro qua illud citat, contendit eā saltem quoad hoc possere auctoritate, quam suus Auctor illi concillat, quæ Arnaldus impensè laudaverat. Anne hoc est Enchiridion absolute propugnare? An hoc est respondere objectionibus, quas in materia de justificatione formavi contra Enchiridion, cujus integer de justificatione tractatus iustus est expungi, ut videtur est in Indice expurgatorio?

Ad reliqua quæ tangit in Epist. dedicatoria alibi responsum est, & minoris momenti sunt. Nam præcipua puncta cum P. Lupo controversa in sua illa Epistola ne attingit quidem; potuisset & hæc pauca omittere, si nihil habebat solidius, quo argumenta P. Lupi ostenderet esse & manere inconcussa.



## R. P. PROVINCIALIS.

**E** Go infra scriptus Societatis *JESU* Provinciae Flandro-Belgicae Provincialis, potestate mihi ad hoc factâ ab admodum R. P. nostro *JOANNE PAULO OLIVA* Praeposito Generali ejusdem Societatis, concedo *Gisberto Lintio* Typographo facultatem, typis mandandi libellum, cui titulus est: *Ad Xenium Theologicum Exim. P. Francisci Farvacques Responsio à R. P. Maximiliano Le Dent Societatis nostrae Theologo scriptum, & à Deputatis ejusdem Societatis examinatum & approbatum. In quorum fidem has manus meae subscriptas & officii mei sigillo munitas dedi Antverpiae 3. Maii 1668.*

THOMAS DEKENS.

## CENSURA.

**R** Esponsione *P. Maximiliani Le Dent* ad Xenium Exim. *P. Francisci Farvacques* à me diligenter perlectâ & examinatâ, do licentiam imprimendi: & cum, omni animositate & acrimoniâ seclusâ, justè in defensionem prioris suae sententiae sit scripta, judico utiliter ad intelligentiam dilucidationemque Sacramenti Pœnitentiae ab omnibus Christi fidelibus & Catholicis publicè & privatim legi posse. Actum Brugis 20. Junii 1668. *J. Herm. Ancheman Can. grad. & librorum Censor.*

## ERRATA SIC CORRIGE.

*Pag. 35. lin. 6. à sine: imprud. n. r. l. impuler. Pag. 37. lin. 17. tamen l. sal. m. Pag. 50 lin. 3. à sine: ab al. as l. ob al. Pag. 58. lin. 22. effectum l. a se. Item Pag. 50. lin. 5. Dunt l. Dicit. Pag. 67 lin. 3. timor l. timor. Pag. 71. lin. 22. auduisse l. addidisse.*